



63486/B

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

WOODWARD, J.

U5



Johannis Woodwardi

*Med. in Coll. Greshamensi Prof. &c.*

Naturalis Historia Telluris

Illustrata & Aucta.

Una cum Ejusdem Defensione ;

Præsertim contra

NUPERAS OBJECTIONES

D. El. Camerarii Med. Prof. Tubingensis.

Ad Illustrissimum & Nobilissimum Virum

THOMAM PEMBROCHIAE Comitem, &c.

Accedit Methodica, & ad ipsam Naturæ Normam  
instituta, Fossilium in Classes Distributio.

---

L O N D I N I ;

Typis J. M. Impensis R. Wilkin, ad Insigne Capitis  
Regis in Cœmeterio Divi Pauli, & Is. Vaillant,  
Bibliopol. Roterodami. MDCCXIV.

John W. Wood

1811

Wm. W. Wood

1812

1813

1814

1815

1816

1817

1818

1819

1820

1821

1822

1823

1824





# PRÆFATIO.



Lures nunc Anni elapsi sunt à quo primum *Naturalem* meam *Telluris Historiam*, Sermone vernaculo, *Popularium* meorum in Usum, scriptam, in Lucem emisi. Hanc postea *Job Jac. Scheuchzerus*, Vir eximius, *Math. Prof. Tigurinus*, Latinè redditam, & *Geographiæ Physicæ* Titulo insignitam, Or-

bi Literato evulgavit. In hoc Opere, cum non pauca tum plane nova edita fuerint, nemini mirum videri debuit si de his nonnulli dubitarint, eademque impugnare aggressi fuerint. Id quidem Illi multo Studio, & Ardore fecerunt : sed non eâ Argumentorum Vi, ac Pondere, ut Responsiones meas sibi figillatim reponendas meritò expectarent. Præterea Homo sum Ingenij neque ad Vindicias suscipiendas, nec quidem ad Controversias de Rebus quibusvis ineundas proclivis. Cum tamen V. Cl. *E. Camerarij Dissertationes* prodijssent, Ego statim videbam id Ejus Acumen, Diligentiam, & Inventionis felicitatem esse, ut vix quidquam ab alijs objectum



tum fuerat, quod in his Ille non denuo propositum exhibuisset, simul cum quibusdam præterea suis, omnino novis. Adeo ut dum Illi Responsionem reddo, id ago, ut Cæteros quoque refutem.

Falluntur siqui in his Char-  
tis aliquam Artis Disputandi  
Ostentationem, vel Trium-  
phum de Adversario meo re-  
portandi Conatus expectave-  
rint. Quam enim tueor Cau-  
sa ipsi Naturæ, & certæ Re-  
rum Observationi, nititur; ne-  
que Ego ab his ullibi in hac  
meâ Defensione discedam.



Præter ea quæ ad Doctrinas, quas antea edideram, confirmandas hic adducta sunt, aliæ quoque priùs non oblatae Propositiones offeruntur: & quæ, uti spero, nec levis Momenti, nec Consideratione prorsus indignæ videbuntur. Ea, de quâ agitur, Res certè Examinatione dignissima est; neque leviter gauderem si eam à me justè ac idoneè tractatam existimare potuerim. Qualiscunque tamen fuerit hæc mea Ejus Tractatio, Veniam à Lectoribus Candidis & Humanis impetrabit, iisque qui, omnia secum ritè perpendentes, reputaverint quantà Studiorum Curarumque Varietate perpetuò distrahantur Cogitationes eorum

eorum qui, quod ego semper  
faciam, eâ quâ par est Fide &  
Diligentiâ Praxi Medicæ Ope-  
ram navant.







# SYLLABUS RERUM.

<b>D</b> Efensionis hujus Apologismus.	Pag. 1
Studiorum meorum Ratio & Institutum,	2
Ut veras Naturæ Leges investigarem, & exhiberem. ibid.	
Eruditorum Assensus.	3
Suscepti Operis, de Naturali Telluris Historiâ, Impedimenta.	ibid.
Post Librum meum editum, Eruditi multi, prioribus suis rejectis, Opinionem meam amplexi sunt.	4
Nominatim V. Cl. Joh. Jac. Scheuchzerus.	ibid.
Aliique plures.	5
Præsertim Scriptores Germani.	ibid.
Qui Rerum fossilium sunt Callentissimi.	6
Ab his D. Camerarius discedit ; sed immerito.	7
Ad D. Camerarium Conversio.	ibid.
I. Disserta-	

# Syllabus Rerum.

- I. Dissertationis hujus Pars prior ; in quâ de iniquâ illâ quâ mecum agit Ratione : Ejusque pravâ Rerum Repræsentatione. P. 8
- 1°. Exempla in Disquisitione de Belemnite. ibid.
- De *Ætite*, & *Geode*. ibid.
- 2°. De *Ammonite*. 9
- 3°. *Ammonites*, interiora & profundiora *Marium* incolens, à *Procellis* variis in *Littora* rejicitur. ibid.
- Loca* altiorum *Marium* profundiora *Procellæ* Leviores non attingunt : nec proinde *Testas*, eorum *Incolas*, dimovent. 10
- Vehementiores autem ad *Loca* illa pertingunt : indeque *Testas* raras, nec unquam aliàs visendas, reportant. 12
- De immani illâ *Strage Diluvianâ* *Corollarium*. 13
- 4°. Ex tenuibus immaturisque *Testis* cum crassis maturisque, in *Tellure* repertis, utrasque ibidem natas esse conjicit D. C. sed absque *Ratione*. ibid.
- 5°. *Conchyliæ* in aliis *Regionibus* pari numero effossa, atque in *Anglia*. 14
- Mira D. Camerarii hac in re *Vacillatio*. 15
- 6°. De *Conchitarum*, aliorumque similium *Corporum*, *Origine*, & *Formatione*. 19
- Eâ de re D. Camerarii *Error*. 20
- Obiter de *Cavitatibus* in *saxo* ad *Concharum*, &c. *Modulum* formati. 21
- Et de *Fluore*, &c. ad *Concharum*, &c. *Imagines* composito. 22



# Syllabus Rerum.

7°. D. Camerarii Objecta de Situ Conchyliorum in Tellure refutantur.	23
De Situ Metallorum & Mineralium.	24
De Situ & Ordine Stratorum Lapideorum & Terrestrium.	25
Stratorum Origo, ex Conchyliis, aliisque Corporibus extraneis quæ in Stratis continentur, asserta. Constituens eorum Materia olim soluta, & in Aquis sustentata.	26
Ex eâ demum, urgente sua Gravitate, subsidente, Strata composita. Subsidentiae illius Leges & Ordo.	28
A quo primùm congesta fuerunt Strata, eis contigerunt nonnullæ Mutationes; 1°. Superioribus, ab Aquis post Diluvium recedentibus: p. 31. 2°. Inferioribus, à Transitu Materiae Metallicae & Mineralis.	32
In plurimis tamen Locis Fossilia juxta Gravitatis Leges, mirum in modum, ordinata reperiuntur. Hujus Rei Exempla.	33
8°. De Saxi Incremento, & Induratione.	36
Saxum, sub Terra, Humiditate saturum, & molliusculum: Aeri demum expositum, desiccatumque, durius evadit.	37
Argumentum, de Lapidum Vegetatione, ex D. Tournefortii Observationibus, allatum, leviter perstrictum.	38
9°. De Augmento Metallorum.	40
10°. De Crystallosum & Gemmarum Ortu.	41
11°. Aqua non idoneum Sulphuris, Olei, aut Bituminis Menstruum.	ibid.

# Syllabus Rerum.

- 12°. *Aquarum ad Fontes Ascensus non Stratorum Pressuræ debetur.* P. 41
- 13°. *Quid Fontibus suppediandis conferat Aqua Pluvialis.* 42
- 14°. *De Terræ motu nonnulla.* ibid.
- 15°. *De Olea unde Columba decerptum folium Noacho attulit.* 43
- De Arboribus, aliisque Plantis, passim ex Tellure effossis.* ibid.
- Strages ista Vegetabilium à Telluris Dissolutione sub Diluvio facta.* 44
- De ista Dissolutione, ac Strage, Veterum Traditio.* ibid.
- Loca quædam S. Scripturæ collata & illustrata.* 44, & seqq.
- Arborum, speciatim Oleæ, post Diluvianarum Aquarum Recessum, Conditio, & Positura.* 51
- Mosaicæ Narrationis hac de Re Consideratio.* 52
- Oleæ in Ararathi Viciniâ sub Diluvio extirpatæ; cum in illa Regione nullæ hodie crescentes reperiantur.* 53
- II. *Dissertationis hujus Pars altera, in quâ de D. C. Hallucinationibus, & temerario de his Rebus Judicio, agitur.* 55
- 1°. *Res Naturâ longè diversas promiscuè exhibet.* ibid.
- Nomina rerum inepta.* ibid.
- 2°. *De Conchyliorum, inter Fluctuum Lapidumque Vim, Integritate servandâ D. Camerarius à se dissentiens.* 56
- 3°. D.



# Syllabus Rerum.

3°. De Glossopetris, earum Naturâ, & Origine. P. 57

Fabii Columnæ hac de re Opinio asserta, Ejusque Fama vindicata. 58

4°. De Telluris, tempore Diluvii, Dissolutione. 60

Corpora Terrestria & Mineralia in Diluvio dissoluta: sed non Animalia, aut Vegetabilia. 62

5°. De Abyssso, seu ingenti illo Aquarum subterranearum Thesaurò. 64

De harum Aquarum Quantitate. ibid.

De Momentis Graviorum in Fluido descendentium. 65

De duplici Aquarum Incremento à Mose assignato. Ubi obiter de Mosaica Telluris Origine: & Ckao Veterum. 66

De Loco quo hodie asservantur istæ Aquæ. Atque iterum de Terræ motu quædam. 69

De Abyssso, & Terraquei Globi Structura, concors Naturæ, & S S. Literarum Testimonium. 70

Meteororum, & Omnium ferè Atmosphæræ Affectionum, Ortus ex Abyssso. 72

De Phænomenorum Baroscopi Causâ. 73

Terra, Terræ Motuum Vi subruta, labitur aliquando in Abyssum. 74

6°. De Sale Acidularum Fomite. ibid.

7°. Montes non vi Terræ Motuum elevati. 75

8°. De Insularum Origine. Speciatim de Mole illa terrestri in sinu Santoriniano edita, Insula à nonnullis dicta. 77

Hujus

# Syllabus Rerum.

*Hujus secundæ Partis Epilogus.* P. 80

*Quo Animo ad Dissertationes D. Camerarii legendas accessi.* ibid.

*Quo Consilio, & quâ Ratione Eis respondi.* 81

*De Veritatis investigandæ Impedimentis.* 82

*Finis in quem omnia mea Scripta collimant.* 83

*Doctrina, à me tradita repetitis Observationibus confirmata.* ibid.

*Irriti Adversariorum Conatus.* 84

*Candidè monentibus libentissimè auscultabo : Contentiosos negligere decrevi.* ibid.

III. *Hujus Dissertationis Pars 3<sup>a</sup>, in quâ D. Camerarii Dogmata excutiuntur.* 86

1<sup>o</sup>. *Conchyliæ jam passim effossa, non in primâ Aquarum à Sicco separatione, nec ante Diluvium in Terra erant reposita.* 87

2<sup>o</sup>. *Conchyliæ ista, non Fissuris, sed Stratorum Materiæ, tenui adhuc & solutæ, commissa.* 89

3<sup>o</sup>. *Conchyliæ ista non à particularibus Inundationibus allata.* 92

4<sup>o</sup>. *Conchyliæ ista è Mari in Terræ Gremium per Meatus subterraneos non advecta.* 94

5<sup>o</sup>. *Conchyliæ ista non à Deo in Telluris Visceribus creata : sed in Mari nata.* 97

*Perstringitur Error eorum qui arbitrati sunt, non modo Conchyliæ, sed varia etiam Artis Opera*



# Syllabus Rerum.

*Opera effossa, esse, à ludente Naturâ, in Tellure procreata.*

P. 100

*De Suppositâ quadam Marinarum aliquot & Terrestrium Rerum Analogiâ.*

104

*Conclusio ad Virum Illustriss. D. Thomam Pembrochia Comitem.*

105

## Methodica Fossilium in Classes Distributio.

Class. I. <i>Terræ.</i>	Pag. 1
II. <i>Lapides.</i>	2
III. <i>Salia.</i>	7
IV. <i>Bitumina.</i>	8
V. <i>Mineralia.</i>	ibid.
VI. <i>Metalla.</i>	9





Philippus Rector

Opusculum de ...  
...  
...  
...  
...

Methodus ...  
...

...  
...  
...  
...

...

...



*Illustrissimo Nobilissimoque Viro,*

**T H O M Æ**

**Pembrochiæ Comiti,**

*Job. Woodward*

**S.**



Q U M Vir doctissimus E-  
 lias Camerarius M. Prof. Defensio-  
 nis hujus  
 Apologis-  
 mus.  
 Tubingensis me tantâ  
 Vehementiâ, Consilioq;  
 importunissimo, sed Can-  
 doris Benevolentiaëque  
 Specie quadam ubique  
 Arte & Industriâ summâ tecto, appetive-  
 rit, † non Tibi, Vir Nobilissime! & Il-  
 lustrissime! soli, sed aliis quoque omnibus, † InDiffer-  
 æquo benignoque Ingenio præditis, mihi tationibus  
 suis Tau-  
 rinenlib.  
 Tubingæ  
 editis, 8.  
 1712.  
 deesse merito viderer, ni de Meipso, Stu-  
 diisque meis, & quem *de Naturali Telluris*  
*Historiâ* ante hos aliquot Annos edidi Li-

B

bri



bri Fortunâ, aliqua dicam, quod alias nunquam fecissem: Atque dein Tela in me immissa, alia hebetem, alia avertam, & ubi res postulaverit, nonnulla, sed Brachio leviori, retorqueam.

*Studiorum  
meorum  
Ratio &  
Institu-  
tum.*

De meis in hoc Studiorum genere Laboribus verissimè affirmare possum, quod per plures Annos perpetui fuerint. Præcipuas quasque Insulæ nostræ Fodinas, & Viscera Terræ quocunque modo patefacta diligentissime lustravi, Materiæ cujusque Strata, Mineralium Situm, ac quo ordine quæque Fossilium genera reperirentur, observavi: & eorum quæ ex his Observationibus didiceram, præcipua in Libro illo meo Fide summâ in publicum dedi.

*Ut veras  
Naturæ  
Leges in-  
vestiga-  
rem & ex-  
hiberem.*

Neque id mihi proposui, cum Labores illos susciperem, vel scriberem Librum, ut novam quandam à me prius conceptam Hypothesin, probabiliorem redderem, quod Vir ille clarissimus suspicatus plus semel mihi objicit: sed ut verum Rerum istarum statum, oculis meis perceptum, quantâ potui Accuratione descriptum aliis exhiberem. Postea verò ut Propositiones aliquas, non à me antea confictas, neque solâ Veri quadam similitudine nixas, sed certas, sponteque suâ inde promanantes, educerem; sine quibus, tota illa Observatorum Descriptio, non injucunda forsan, sed plane inutilis mihi futura videbatur.

Quum-

Quumprimum Librum illum meum e-  
didissem, æqui Judices, qui præsertim an-  
tea Rebus istis contemplandis animos su-  
os appulerant, hanc materiam diligen-  
tiori suâ, Aliorumque Speculatione dig-  
nissimam esse publicè agnoverunt: &  
plerasque Propositiones meas maximi esse  
Momenti: Mineralium studia, tanquam  
humano generi utilissima, deprædica-  
runt, & tamdiu neglecta jacuisse gravi-  
ter questi sunt. Denique Libellus ille vel  
Fortunam ita propitiam, vel doctiorum  
Hominum Ingenium adeo sibi benignum  
expertus est, ut Europam fere totam bre-  
vi pertransiret: & ubique candidè, ne-  
que sine Approbatione exciperetur.

Hæc Animum meum ita permoverunt,  
tantumque calcar Diligentiaæ meæ addi-  
derunt, ut nisi Res meæ privatae, & per-  
petua illa, quam Ars Medica sibi postulat,  
Assiduitas, mihi Impedimento fuissent,  
imo ni gravissima continuaque Bella,  
incertusque Motuum publicorum Eventus  
hominum animos ab omnibus, Liberali-  
oribus saltem, Pacis Artibus abduxissent,  
ego certè in His profectum longè mayo-  
rem fecissem. Ideoque alacrius progres-  
sus essem, quia ab eo Tempore quo opus  
illud prodierit, Nemo prorsus Observa-  
tiones illas meas in dubium vocare, neque  
Judicio, & Candore præditus quisquam,  
quas ego inde elicueram Propositiones,  
refellere aggressus est.

*Erudito-  
rum As-  
sensus.*

*Suscepti  
Operis de  
Geogr.  
Physicâ,  
Impedi-  
menta.*



*Post Librum me-  
um editum, Eruditi  
multi, prioribus suis  
rejectionis, Opinionem  
meam amplexi sunt.*

† *Vid. V. Cl. J.  
Raii 3 Physico-Theol.  
Disc. p. 127.*

*Nomina-  
tim V. Cl.  
J. J.  
Scheuchze-  
rus.*

Annis quidem non paucis antequam  
Opus illud ederetur Physici fe-  
re omnes opinabantur Testas  
in Saxis repertas, & è Tellure  
effossas, non Res Marinas esse,  
sed meros Lapidés, † ex Ter-  
restri Materiâ in ipsâ Tellure  
natos. Jam vero, siqui omnino  
sint, paucos admodum esse pu-  
to, qui Eas Testas verè Mari-  
nas esse, à Diluvio in Terra relictas, du-  
bitent. Id certum est, quod ex Homi-  
nibus illis, qui in has Res altiùs inquisi-  
verint, ipsasque penitiùs inspexerint, ve-  
ramque earum Naturam explorare conati  
fuerint, non pauci sunt qui, pristinâ O-  
pione repudiata, meam amplexi sunt:  
eandemque Scriptis suis luculenter defen-  
derunt, & confirmarunt. Nec sane Hos,  
quos possem multos, nominatim omnes  
proponam. Unum duntaxat, sed instar  
plurium, Joh. Jac. Scheuchzerum M.D.  
Ingenii, Judicii, & Doctrinæ summæ Vi-  
rum, interque Physicorum Europæorum  
primos merito numerandum, memorabo.  
Is scilicet Anno 1695. *De Generatione Con-  
chitarum* Dissertationem edidit, in quâ  
ea pro nativis genuinisque Fossilibus ha-  
benda esse probare conatus est. Postea  
verò se Opinionem illam festinantiùs  
quam par erat amplexum fuisse, Erro-  
remque suum, Librum meum diligentius  
perlegendo, primum deprehendisse pub-  
licè



licè agnovit. \* Ut sincerum itaque Veri-  
tatis indagatorem decuit, de suâ deces-  
sit, in sententiam meam transiit: & va-  
ria illa eruditissimaque opera in quibus  
Ille ex eo tempore, inter alia, Opinio-  
nis hujus Veritatem tutatus est, & demon-  
stravit, immensum illum, quem in his  
studiis fecit, progressum abundè osten-  
dunt.

\* In Epist.  
Dedicat.  
Geogr.  
Phys.

Ut quod res est paucis dicam, Testi-  
monia doctissimorum hominum, qui de  
eodem Argumento scripserunt, & Libri  
illius mei Comprobationes, tot Numero,  
Gravitateque tanta sunt, ut hujusmodi  
Studiorum meorum Fructibus nimis de-  
lectari meritò viderer, si figillatim hîc  
recenserem omnes. Neque quidem opus  
est ut Id Ipse faciam, cum illorum Ope-  
ra in omnium manibus versentur. Nec  
denique hujus generis quidquam jam, vel  
posthac unquam, privatim apud Ami-  
cos, locutus essem, nedum Scriptum pub-  
licè unquam edidisset, ni justa Mei ip-  
sius, & quam verissimam esse Tot, Tan-  
tique Viri mecum simul existimant, Cau-  
sæ Defensio id exigeret.

Aliique  
plures.

Jam verò, si quæ ego scripsi nullius  
planè ponderis apud acutissimum Came-  
rarium esse viderentur, ni tamen his quo-  
que omnibus Viris, Rerum Naturalium  
scientiâ ubique merito celeberrimis, se  
longè perspicaciorem credidisset, si Eo-  
rum Judicio non planè acquievisset, Ei  
certè suum unum non ita fidenter oppo-

Præsertim  
Scriptores  
Germani.

fuiſſet. Sponte enim ſuâ agnovit me  
*Præcipuos Germaniæ, qui iſto delectantur ſtu-*  
*dii genere, Viros in partes meas facile per-*  
 \* *Differt.* *traxiſſe* \*. Quod cùm feciſſet, non utique  
 Taurin. p. Opinioni, jam Illis pariter, atque Mihi  
 268, 269. communi, tantâ Vehementiâ refragatus  
 eſſet, niſi utriſque harum Rerum ſe mul-  
 tò peritiorem exiſtimaiſſet.

Qui Re-  
 rum foſſi-  
 lium ſunt  
 Callentiſ-  
 ſimi.

Et proſecto hoc Ejus, de *Præcipuis*  
*Germanis illis in ſententiam meam ita facile*  
 perductis, Teſtimonium eò plus pro O-  
 pinionis meæ Veritate facere, ipſamque  
 magis confirmare meritò videatur, quod  
 in Germaniâ, plura Mineralium genera,  
 frequentior, diligentiorque Eorum Ex-  
 ploratio, poſteaſque accuratior Rerum ſin-  
 gularum per Fuſorias Artes Probatio, &  
 proinde faciliſ certiorque verum ea-  
 rum Rerum Statum, & Naturam cogno-  
 ſcendi Ratio, quam uſpiam alibi in Eu-  
 ropa, ſint. Hinc potiffimùm eſt quòd  
 Germani harum Rerum ſtudiis dediti,  
 earundem peritiſſimi ubique ſemper habi-  
 ti fuerint. Quantam Diligentiam adhi-  
 buerint, quàm acri Judiciſ in hiſ Studiis  
 uſi ſint, & quàm meritiffimè Prærogati-  
 vam illam ſibi delatam Hi, præſertim  
 Recentiores, habent, Teſtimonio excep-  
 tione omni majore ſunt Ea hujus gene-  
 riſ Opera, quæ Joh. Jac. Bayerus M. D.  
 & Prof. Altdorſienſis, \* & C. M. Spene-  
 rus M. D. Berolinenſis, † eruditiffimique  
 Norimberg. 4º 1708. † *Diſq. de Crocodilo in Lapide, aliisſque*  
 Litkoꝛois *Miſcell. Berolin. 1710. p. 99.*



alii ejus Gentis viri, proximis his annis ediderunt. Hi, cum pro me stent, & sententiam meam Authoritate suâ comprobent, Argumentisque confirment, non est cur Unius Camerarii, disertissimi licet, & quod facillè credam, aliarum Disciplinarum peritissimi, impetum reformidem.

Quid in causâ fuerit cur Is potissimum, non à Me Extero, neque forsan aliter de Nomine cognito, solum, sed à Notissimis quoque meritoque Celeberrimis Gentis suæ viris dissentiret, Ipse novit. Id verò dicere non verebor, Ubicunque Ille in isthoc Opere suo à Meâ, Illorumque de Rebus istis Opinione discesserit, à Rerum quoque Veritate discessit; Neque Levem quidem dubitandi Occasionem dedit, an Diligentia eâ, quâ Fidia tanta niti debuit, Fodinas, aliaque interiora Terræ Loca perlustraverit.

Si Ingenii perquam urbani, & prompti politique sermonis Vir hîc in me virtutes easdem fortè requirat, seque paulò asperius à Me tractatum putet, qui Ipsius tum in Me Candorem, tum Rerum ipsarum Scientiam, & in earundem Naturâ indagandâ Diligentiam in dubium revocem, ut mihi ignoscat Oro; eâ tamen lege, si quæ jam dico in sequentibus probata dederò.

*Ab hîc D. Camerarius discedit; sed immerito.*

*Ad D. Camerarium Converso.*



I. Primò itaque si Librum meum satis attentè legerit, est profecto cur Ego

I. *Dissertationis  
hujus, Pars prior ; in  
quâ de iniquâ illâ  
quâ mecum agit ra-  
tione : Ejusque pravâ  
Rerum Representa-  
tione.*

Ejus Candorem ubique fere requiram. Sapissime enim Ea mihi tribuit, quæ Ego nusquam dixerim, neque rarò quorum planè contraria disertè docuerim. Hujus rei Exempla, cum Omnia penè innumera sint, pauca tantùm quædam indicabo.

1°. *Exem-  
pla In  
Disquisi-  
tione de  
Belemnite.  
\* p. 298.  
Conf. eti-  
am p. 349.*

1°. Ubi nempe de Testarum Fossilium Naturâ agit, Easque non Res Marinas esse acriter contendit, *Belemnitem* memorat, rogatque *ad quodnam Animalium* *Marinorum genus hunc referre possim ?* \* quasi Ego Ipsum ad aliquod Marinorum Animalium genus referendum esse asseverassem. Siquidem Ego de Belemnitarum naturâ nihil omnino dixissem, Ille fortassis me Eos pro Rebus in Mari natis habuisse suspicatus esset. Quamquam paullò iniquius fuisset ex Silentio meo de Sententiâ meâ Judicium facere. Cum verò *Belemnitas ex omnium consensu Fossilia vere* *Mineralia esse* † affirmassem, Præjudicio utique & nimix Festinationi ista Ejus Suspicio de meâ in hac re Opinione, verbis disertissimis declarata, tribuenda est. Absit enim ut Ego Eam Causæ alicui alii, tali Viro prorsus indignæ,tribuendum arbitrer. Inde quoque est quod *Ætiten & Geoden*, utrosque puros putos Lapides, cum Testis, & Rebus aliis ex Mari ortis, confundat. \* 2°. Itidem

† *Geogr.  
Phys. p. 15.*

*De Ætite,  
& Geode.*

\* p. 299.

2°. Itidem id multis, & studiosè agit, ut *Cornu Ammonis, non Nautilus* \* esse demonstret: Et per me quidem licuit, si ita libuisset, totidem alijs Argumentis ostendere Ipsum non Muricem, neque Ostreum esse; Ego enim nusquam Ipsum Illi potius, quàm alterutri ex his Testarum Familijs attribui. † Re tamen verâ Cornu illud Ammonis Testa est, ex Turbinatorum seu Tortilium Genere, in Mari nata, indeque profecta; Utpote quæ Indicia, & quas vocamus Proprietates Essentiales veræ Testæ, sed Generis ab his omnibus planè diversi, habeat.

3°. Cornua Ammonis rariùs quidem in Littoribus reperiuntur. Non nisi Unam Eorum Speciem Ego ibi repertam vidi; cùm ex Tellure multa eruuntur. Sed singula Testarum Genera, quæ in omnibus Marium Littoribus sint reperiunda, nondum satis diligentèr observata collectaque fuerint. Præterea multa in Intimis, Profundissimisque Maris locis nascuntur, & sedes suas habent, Quæ nec sponte suâ unquam prope Littora veniunt, neque Æstuum, Tempestatùmve Vi ex Nativis illis Locis suis ejiciuntur. Ex aliquo Horum Genere Ego Cornu Ammonis esse crediderim. Pleræque, quæ Maris fluxu vel Ventorum impetu in littora ejiciuntur, Testæ eæ sint, quæ non procul inde & inter Brevia nata fuerint. Neque ipsa illa Aquarum æstuantium vis, vel Agitatio Vehementiâ Procellarum facta,

2°. De Ammoni-  
te.

\* p. 296,  
297, 340.

† Vid.  
Geogr.  
Phys. p. 18.

3°. Am-  
monites,  
interiora  
& profun-  
diora Ma-  
rium inco-  
lens, à  
Procellis  
rariùs in  
Littora  
rejicitur.



facta, ad Interiora Profundioraque Marium Penetrabilia unquam pertingunt. Et proinde minus mirandum est, si Testæ in Locis illis natæ, Sedemque suam habentes, rariùs in Littora projectæ reperiantur.

*Loca altiorum Marium profundiora Procellæ leviores non attingunt: nec proinde Testas, eorum incollas, dimovent.*

\* P. 288.

Doctissimus quidem Camerarius de perpetuâ Fundi Marini Tranquillitate se dubitare profitetur. \* Hoc Ego, in tali præsertim Viro, non possum non valde admirari, cum Res adeo certa, vulgoque nota sit, & cujus veritatem Ipse sibi abundè comprobata habere potuisset, tum ex Libris, tum ex Hominibus ipsis qui, cum Superficies Aquarum vehementissimè agitaretur, in profundiora Maris Loca descenderunt. Cum verò horum Hominum nemo fortè sit utrique nostrum notus, ad quem ego D. Camerarium remittam, ex Scriptoribus illis, qui non pauci sunt, Unum saltem Ei commendabo, de cujus Fide non est cur suspicacissimus quisquam dubitet. Robertus Boylius, Magnum & Æternum Illustrissimæ Familiæ suæ Decus, & inter summos Temporum nostrorum Philosophos meritò numerandus, hac ipsâ de re Librum conscripsit, cui Titulo dedit, *De Fundo Maris Relationes*. E tertia ejus Libri Sectione Cl. Camerarius intelliget *Aquam in altiorum Marium Fundo esse perpetuò tranquillam, nec vel levissimâ Agitatione moveri, dum Superficies Ejus in Fluctibus hinc inde volutetur, & vehementissimas Emotiones patiatur: intelliget etiam*



etiam Urinatores non dubitare Aquas tum  
subire, cum Tempestates ita sæviant, ut vix  
Nauta quisquam, Iter suscepturus, è Portu  
solvere, Velaque Ventis dare audeat, Se verò  
temerè locutum esse, neque levitèr errasse,  
cum hæc verba scripserit, Nec Urinatores  
sub ingentibus Tempestatibus solent descendere.\*

Ad illam autem quam mox subjecit Quæ-  
stiunculam, Cur non Urinatores Conchas  
quasdam quoque, ex istarum quas Pelagias  
lubet appellare † Classe secum ex Fundo defe-  
runt? Id primò respondeo, quod, licet

\* D. Ca-  
merarij  
Dissert.  
Taurin.  
p. 288.

† Ibid. p.  
288.

facile, & obvium sit, fatis tamen meritò  
videri posset, & idoneus tali Nodo Cu-  
neus; Illi nempe Homines, nec Philoso-  
phi ipsi, neque à Philosophis Scientiarum  
Naturalium augendarum studio conducti,  
sed ingentis Lucri spe, cum non sine  
magno vitæ suæ periculo, ad altitudi-  
nem tantam demersi, Margaritas aliasve  
certi magnique pretii res quærant, Alias,  
apud ipsos plane nullius Usus, neque,  
si reportarint, Operæ & Oneris pre-  
tium allaturas, nec colligunt, nec ob-  
servant. Sin verò hoc acutissimo  
Camerario non satis videatur, id por-  
ro observare debet, quòd Urinatores  
illi Gemmas istas ferè non procul à Lit-  
toribus quærant, nec descendunt nisi in  
Loca admodum Brevia, si cum Altiori-  
bus illis, Remotioribusque quæ ego intel-  
ligo, Maris Locis comparentur. Inte-  
rioribus istis Maris Penetralibus vis nulla,  
uti credibile est, unquam illata est ex  
ipso

ipso Diluvii Universalis tempore, quo Loci illi excutiebantur, Testæ, in iisdem habitantes, sedes avitas deferere coactæ, in Loca remotissima deferrebantur, neque pauca ab Aquis recedentibus in novis illis Sedibus relictæ erant. Istæ utique meo saltem Judicio, sunt, quas nos hodie in Tellure sæpius, in Littoribus verò rariùs reperimus, & de Quarum Origine & Naturâ doctissimus Camerarius hanc Disputationem suam instituit.

*Vehementiores autem ad Loca illa per-  
tingunt: Indeque Testas raras, nec unquam alias visendas reportant.*

Denique etiam si istæ è Locis suis nunquam moveantur, Aliæ tamen à gravioribus Tempestatibus in Littora sæpe ejiciuntur, ad Quas leviorum Vis non pertingit. Harum Tempestatum, de quibus ego legerim, gravissimæ sunt Turbines illi, à nostris *Hurrycanes* vocati, qui circa *Barbadas*, aliasque ejusdem Maris Insulas, & in proximis Terræ Americanæ partibus accidunt. Ubi Turbines illi oriuntur, vehementiùs sævire solent, quàm Europæus quisquam facilè credere vel sibi fingere potest, & Maria solito multò altius permovent. Postquam vero Turbines isti deferbuerint, Testarum Numeri longè majores in Littoribus expositi jacent, & Genera ab illis planè diversa quæ Tempestates illæ leviores ejicere soleant. Neque dubitandum est quin, ut graviores istæ Procellæ Conchylija ejiciunt rariora, utpote quæ interiora Maris loca incolunt, quò Procellæ leviores non pertingunt, ita si aliæ adhuc gravi-  
ores



ores Procellæ acciderent, quæ intima profundissimorum Marium Funda permoverent, Ammonitas, aliasque Testas, quales à Diluvio olim eductas fuisse liquet, jam verò nunquam emittuntur, producerent.

Ex his Testis, ita variis, itaque multis, quæ in Locis tanto intervallo ab omni Mari diffitis, ad usque altissimorum Montium Cacumina, & profundissimarum Fodinarum Funda reperiuntur, Quæ tamen ut vidimus, non nisi in medio Oceano natæ fuerant, neque unquam prope Littora inveniuntur, Ex his, inquam, constat quantæ, quamque admirandæ Permutationes tunc factæ essent, & quam horrendo & supra omnem vel Descriptionem vel Conceptum portentoso Tumultu & Confusione Res omnes versarentur; Quod certe non factum fuisset, nisi de gravissimâ Causâ aliquâ, qualis illa Diluvii inducendi fuit.

4°. Non rarò accidit ut, cum magnis, maturisque Animalium marinorum Testis, aliæ simul effodiantur, earundem Specierum, sed Parvorum, Tenerorum, & quæ ad ætatem adultam, ac justam perfectamque Magnitudinem suam nondum pervenerant. Ex his præcipuè ejusdem Magnitudinis, & Maturitatis ad quam sub Maij finem pervenire soleant, uti etiam ex Vegetabilibus itidem ad eum Statum ad quem illa eadem Anni Tempestate pertingere videmus, ex his, inquam, passim

*De immensi illâ strage Diluvianâ Corollarium.*

*4°. Ex tenuibus immaturisque Testis, cum crassissimis maturisque in Tellure reperiatis, utraque ibidem natas esse conjicit D. C. sed absque Ratione.*



passim in Terra repertis, erat, quod Judicium certum facere potuerim de eâ Anni Tempestate in quâ Diluvii ingruentis Vis utrisque crescendi finem imposuit.

\* Geogr.

Phys. p.

141, 223,

& seqq.

† D. Ca-

merarij

Dissert.

p. 276.

\* *Tenuis præterea pellucidæque Conchæ* †

Maturæ tum in Mari, tum in Terrâ re-

periuntur: Uti aliæ quoque quæ tempo-

ris diuturnitate redduntur teneræ &

friabiles, nempe quæ Corruptionis ali-

quid contraxerunt, tandemque forent pe-

rituræ; Ut aliquæ autem in Terrâ us-

quam reperiantur, *Quarum solo Aspectu* vel

Linceus quisquam agnoscat *Eas adhuc, in*

|| *Ibid.*

*Via Incrementi sui fuisse,* || id, quanquam

Cl. Camerarius affirmet, ego tamen per-

negare non verebor. Siquas tales Con-

chas Ipse habeat, unde se id demonstrare

posse putat, non peto, quod molestum

foret, ut Harum aliquas ad me mittere

vellet, sed ut Indicia saltem illa descripta

exhibeat, è quibus id Ipse colligit, non

immerito postulem. Nam si talia osten-

dere poterit, Ego statim Me meis de

Rebus istis Observationibus falsum esse,

judicioque de iisdem facto errasse palam

fassus, in Illius sententiam transibo, &

Veritatem ab Ipso demonstratam luben-

tissimè amplectar.

§°. Conchy-

lia in alijs

Regioni-

bus pari

numero

effossa, at-

que in An-

glia.

\* p. 282.

† p. 347.

§°. Doctissimus Camerarius *magnam* qui-

dem *Testaceorum Copiam in Angliâ* \* for-

san eruendam esse ideò libentiùs agnoscit,

Quia nempe *Hæc Insula* † est, magno

*Mari undique circumdata, ex Quo per Mea-*

*tus Subterraneos, Inundationes, & quas Ipse*

*Eam forte passam fuisse suspicatur, Vio-*

*lentas*



*lentas Mutationes*, hæc Corpora ed for-  
tassis delata fuisse existimat; De quo  
Commento Ejus postea aliquid dicam:  
*Argumentis* vero *ab illâ Insulâ* petitis *de*  
*Terris alijs* \* *judicium faciendum esse* \* *Ibid.*  
negat. Immo alibi dicit, in Mediter-  
raneis præsertim Regionum majorum lo-  
cis parem Earum Copiam non esse re-  
periendam. † Quàm temerè vero Hæc † p. 282.  
à Viro, alioquin Consultissimo, dicta 290. 347.  
sint, cum recentioribus omnibus vetu-  
stissimi quique Scriptores testantur: Quas  
Ipse ex Interioribus Asiæ, Africæ, & A-  
mericæ, pariter atque Europæ, locis cer-  
tissimas accepi Narrationes declarant:  
Ipsæ denique Res, Animalium marinorum  
Ossa, Dentes, Testæ, ibidem collectæ,  
indeque huc allatæ, quarum ego, cum  
Multis alijs, ingentes numeros habeo,  
abundè demonstrant.

Sed quid ego id Illi Testimonijs alie- *Mira D.*  
nis confirmare conor, quod Ipse sibi *Camerarij*  
domi compertum esse fatetur? Alibi *hac in re*  
enim dicit *Totos in Germaniâ Montes esse,* *Vacillatio.*  
*qui nil nisi Conchas monstrant;* \* *Nominatim* \* p. 293.  
verò tum Copiam magnam tum varia  
earum Genera circa *Echterdingam* † re- † p. 297,  
periri. Et mox denique *Montes, quorum* 298.  
*omnes quasi Lapides sunt figurati, quique*  
*ex illis quasi formati sunt,* \* *memorat.* \* p. 338.  
Hæc sunt Ipsius Testimonia de Concha-  
rum, & qui in Conchis formati fuerant  
Lapidum, Copiâ in alijs Terris repertâ;  
Quæ quidem utrorumque Copia nihilo  
minor

minor est, quàm quæ ullibi in *Insulâ nostrâ* sit reperienda. Hæc profectò adeo inter se contraria sunt, ita hæc Ipsius Testimonia illi Ejus Opinioni & Doctrinæ adversantur, ut quî commodè conciliari possint, ego quidem nullus video ; viderit Ipse. Quanquam verò in Locis illis Conchæ ita abundant, ut ex his ferè solis toti Montes conflari videantur, nullas tamen Earum Reliquias, ne ve-

† p. 283. stigium quidem ullum circa *Tubingam* † reperire poterat. Sed quid tum postea quæso ? Num in Locis his vel Ipse Diligentiam tantam adhibuit, vel ab aliis adhibitam putat, ut nullas omnino ibidem latere, & aliquando tandem reperiendas esse credat ? Quid ni Temporis longinquitate, in Terrâ, Acrimoniâ quadam horum Corporum Texturam faciliùs lædente, & sensim corrumpente, præditâ, sitæ, jam dudum penitus perierint ? Quid denique si nullæ uspiam in Locis istis repositæ fuissent ? Nec enim ego usquam dixi, neque quidem credibile est, ut in omnibus Terrarum locis relinquerentur, cum præsertim in aliquibus ita cumulatim congestæ fuerint, ut in Montes & Juga coacervatæ inveniantur. Paulò infra, ut Ingenuum decuit, *Myriades parvularum Cochlearum* in iisdem ipsis circa *Tubingam* locis profundissimè sitas, *Sese obtulisse visui* agnoscit, *sed non*

† *Ibid.* uti censet, *marinarum* †. Nec immerito quidem *mirabatur in istâ profunditate terræ*  
*istam*



*istam earum Copiam reperiri, cum eas ex*  
*nativis locis suis delatas, illic aliquando*  
*casu aliquo depositas esse necesse sit.*  
*Adeo ut, etiamsi Cochleæ istæ revera*  
*non Marinae Originis essent, de quo*  
*tamen dubitandi Ratio non exigua est,*  
*cum fluviatiles & terrestres valdè leves*  
*sint, & raro aut nunquam tantâ Terræ*  
*profunditate reperiantur, id saltem pro-*  
*bant quod Terra eo usque vehementer*  
*perturbata, & Mutationes magnas per-*  
*peffa fuerit. Sed Quæsit ex viris qui*  
*Myriades Lapidum effringunt, extrahuntque*  
*è Fodinis, omnes æque ignorabant talia figu-*  
*rata, Unico excepto, qui bis, terve, in Lapi-*  
*dibus Conchulam, cujus figuræ non recorda-*  
*batur, invenisse asserebat \*.* Sin verò una, \* p. 284.  
 atque altera ejusmodi Conchula, erutæ ab  
 indiligenti Fossore observarentur, longè  
 plures ibidem diligentius intuentibus ob-  
 servandas esse credibile est. Neque enim  
 Fossorum istorum, quos merito *Rudes*  
*Operarios* † appellat, magis, quàm *Urina-* † p. 276.  
*torum* \* illorum Diligentia, & Curiositati \* *Conf.*  
 fidendum est, qui utrique in id ferè unum p. 11. *su-*  
 quod quærunt, animum oculosque in- *pra.*  
 tentos habere, ad cætera, vel admoniti,  
 cæcutire solent. Siquis itaque in istius-  
 modi Casibus Rerum Veritatem certò  
 cognitam habere velit, Is, dum Alij fo-  
 diant, lustrare Loca, & Res effossas suis  
 ipsius oculis attentè intueri debet. Hæc  
 de ista saltem *Tubingæ Viciniâ, ubi forsan*  
*Alij aliqua majori diligentia detegant, Un-*  
 C *deque*

\* p. 284.

deque ipsi tum in mediâ Inquisitione subito emigrandum erat \*. Quod quidem tum suspicari cœpi, cum viderem eum negantem Testas è Mari oriundas ullas illic esse à se repertas ; neque quidem dubito, quin si quando Loca eadem denuò rimetur, modo utatur majori diligentia, & constantia, sine *Emigratione* adeo *subitaneâ*, magnam illarum Copiam reperiatur. Pergamus itaque ad ea quæ proxime sequuntur. In toto quidem per tot *Helvetiæ Valesiæque* & *Alpium Montes*, *Montiumque catenas* itinere, nihil in via *Figurati* unquam occurrit, ut ut innumeros contemplati fuerimus. *Lapides*, in ipsis quoque summis *Alpium*, *Magni Bernardi V. g. jugis*. Hæc Ille p. 284, non ita tamen multò post, p. scilicet 297, multorum generum *Conchas*, *Univalvium*, *Bivalviumque* copiam magnam in *Rando Helvetiæ Monte*, & *Locis* undique circumjacentibus, conspiciendas esse testatur. Illâ nempe *Dissertationis* suæ Parte *Conchas* ullas in illis *Locis* esse reperendas negare : in hac vero multas variasque ibidem reperiri agnoscere, ad Rem suam faciebat. Vir ille celeberrimus prudenter quidem *Lectores* suos, hâc occasione, monuisse † videretur, se doctissimi *Scheuchzeri Scriptum* eâ de re nondum vidisse, si opus illud jam tum in longinquo aliquo, obscuriorique *Europæ loco* editum fuisset. Cum verò *Liber* ille novem annis, atque eo amplius prodiisset antè quam *D. Camerarius* de eodem Argumento

† p. 284.



mento scriberet, magnamque Authori suo Existimationem, uti & *Plinij Helvetici* Titulum sibi ab Eruditis tum primum collatum, merito peperisset, ipse Cl. Camerarius eum *vidisse*, non dico debuit, facile certè potuit. Si quidem *vidisset*, minimè dubitare possum quin, si sententiam suam non statim mutasset, non utique tanto nisu defendisset, postquam tantum & numerum, & varietatem Corporum marinorum, in *Montibus Helveticis*, alibique repertorum, in *Scheuchzeriano* illo *Lithographiæ Helveticæ Specimine*, *Tiguri* Ann. 1702. edito, delineatum descriptumque considerasset.

6°. Dixi, Diluvij tempore, dum Conchæ, simul cum Arenâ, aliâque Lapidum, Silicum, Fluorum, & cæterorum Mineralium omnium Materiâ, in primas cuiusque partes constituentes resolutâ, in Aquis suspensæ & sustentatæ fluitabant, resolutam illam harum rerum Materiam, Conchas ingressam, Eas implevisse, quæ ideo admissæ eidem Materiæ Formam suam seu Figuram dederunt, Eique *tanquam Matrices, Modulique* fuerunt: Ex his deinde, tum ita repletis, tum vacuis Conchis, unâ cum Saxi, Luti, Cretæ, aliâque omni constituyente Globi terrestribus Materiâ, subsidentibus, strata illa facta esse ex quibus hæc Tellus nostra constat†: Postea verò Montium strata, Pluviarum, & Torrentium vi nudata, & qui non rarò ubique soliti sunt accidere,

6°. De Conchitarum, aliorumque similium Corporum, Origine & Formatione.

† *Geogr. Phys. Parte* 2, § 4.

Casibus fracta esse, & supremas quasque, cum Inferioribus aliquibus, quas in se continuerant Conchas exclusisse, & expositas reliquisse: Ipsas denique Conchas, ita nudatas, exclusas & expositas \* tandem detritas, vel diffractas esse, illam verò in his Conchis antea conclusam Materiam, Lapidem, Silicem, Fluorem, aut aliam quamvis naturâ suâ firmam, *Concavam, seu Interiorem* † earum, in quibus formabatur, Concharum *Figuram* retinuisse, & repræsentare: *Hanc veram Conchitarum, Cochlitarum, Echinitarum, cæterorumque ejusmodi Corporum Originem esse* ||, 155, 156, ex accuratâ sæpiusque repetitâ ipsarum 194, 195. Rerum Inspectione, & diligenti Consideratione, pronunciavi. Hic verò Vir ille clarissimus profitetur se *has Matrices, hos rariorum Error Modulos non capere. Hi enim Lapides figurati externam referunt Concharum Figuram, non internam, quam omnino referre deberent, si in* \* p. 338. *Illarum Cavo concrevisset:* \* Quas autem *Matrices Modulosque* nondum capere potuit, eum facile capturum puto si modo Res ipsas aliquantò diligentius intuitus fuerit. Ego quidem in hac Re totâ Naturam ducem secutus sum: Et cum, quoad ejus fieri potuit, nihil, nisi Rebus ipsis, & quàm potui accuratissimis de iisdem Observationibus fretus, usquam protulerim, propterea jam ad easdem, Naturam scilicet, & ut aliorum omnium, ita præsertim ad ipsius celeb. Camerarii Rerum istarum Observationem, sed quàm hætenus



hactenus paullò attentiores, provoco. Siquidem Ipse diligentiam talem antea adhibuisset, de hac re nullam certè Controversiam movendi causam habuisset. Ex tot Millibus enim Myriadibusque istorum Corporum quæ locis suis reperiuntur, ne unum quidem Lapidem, Silicemve reperisset, quæ Convexam, seu *externam Conchæ Figuram referat*. Si quam talem posthac repererit, tum demum Objectionis hujus vim agnoscam, eique sententiam meam dedam.

Unum quidem in aliquibus locis accidit, quod hîc non prætereundum est. Ubi Aqua Vitriolum, aut alia istiusmodi Salia in se continens strata pervadit, Conchas in Stratis illis fitas sensim resolvit: Solutasque earum particulas se- cum aufert: & Spatia, antea à Conchis illis posseffa & impleta, relinquit vacua. Hujus rei Exempla ubique ferè terrarum reperienda sunt. Ut de aliis Locis nihil jam dicam, Est apud nos in Portlandiâ ingens durissimi Saxi Stratum, in quo hujusmodi Cavitatum, seu Spatiorum vacuorum, Testarum, tum Turbinitarum, tum quoque Bivalvium Formam & Magnitudinem ad amissim referentium, Numerus infinitus observandus est. Si in Cavitates illas Plumbum, aut Metallum aliud quodvis liquefactum fuerit infusum, id semper expressissimam Testarum illarum Figuram representabit.

*Obiter de Cavitatibus in Saxo ad Conchas, &c. Modulum formatis.*

Et de Flu-  
ore, &c. ad  
Concharum  
&c. Ima-  
gines com-  
posito.

Sicubi accidat ut pervadens illa Aqua, præter Salia, in se Fluorum quoque, aliorumve Mineralium Particulas habeat, unâque secum deferat, non rarò Particulas illas in Cavitatibus istis deponit, & relinquit, donec tandem his eas adimpleverit. Hoc ubi accidit, inde, ut necesse est, semper evenit, ut ista Fluorum, Mineraliumque Materia, ita formata, ipsissimas ut Magnitudines, ita Figuras etiam integras, tum interiores, tum exteriores quoque, illarum, quarum loca suppleverat, Concharum exhibeat, & repræsentet. Neque rarò inveniuntur Conchitæ, cæteræque ejus generis Res lapideæ, siliceæ, aliæ, ex Stratis tandem ejectæ, hujusmodi Fluorum, aliorumque Mineralium materiâ, exesæ deperditæque Conchæ locum supplente, incrustatæ. Si, quod tamen non puto, D. Camerarius hæc fortè Incrustamenta intelligat, de his ego non fuero locutus; Neque quidem hæc id efficiunt, quod ipse demonstratum velit, immo prorsus contrarium ostendunt. Nam, si Incrustamenta hæc sint excussa, lapideæ Materiæ his inclusæ Superficies *Interiorem* Conchæ quâ primùm formata fuit Speciem & Figuram nihilo minùs exactè refert, quàm Lapides illi alteri Conchis adhuc rekti, qui *Interiorem* earundem Concharum superficiem sibi impressam semper exhibent, postquam Conchæ ipsæ detritæ, vel exesæ fuerint.



7°. Accedo autem ad illum Libri locum ubi Vir Cl. agit de Ordine quo hujus generis Res in Tellure fixæ reperiuntur. Ægrè quidem quidquam admittit, quod ego de hoc argumento obtuli. Ad ea nempe quæ ego scripseram, ita Ille,

7°. D. C.  
Objecta de  
situ Con-  
chyliorum  
in Tellure  
refutantur.

— *Hæc probant quidem multâ cum specie quod ad Cancros, Astacosque attinet, — sed non probant quâ Buccina, & Conchas Veneris, quæ Cancrorum gravitatem specificam non habent, nec proin in summo strato fuerunt deposita, ac proin deberent reperiri, cum maximè numerosissimæ in Littoribus occurrunt* \*.\* p. 290.

Valde mihi profectò dolet, quoties ita accidit, ut de Rebus, non solum acuti-ori Mentis acie, sed vel oculorum obtutu percipiendis, doctissimi, ingeniosissimique Hominis hujus Observationes meis, ut mihi videntur, non indiligenter, aut temerè factis, comprobare nequeam. Experimenta quàm potui accuratissimè de Cancris variis feci: Eorumque alios ad Aquam ut  $1\frac{3}{4}$ , alios verò ut 2 ad 1 gravitate respondere,prehendi. Buccina verò multa rationem 2 ad 1 non habentia, & non nisi pauca rationem illam excedentia observavi. Quod autem ad Concham Veneris exiguam albam striatam, hæc tantum  $1\frac{1}{2}$  rationem habet. Istæ itaque, cum tam prope accedunt ad Specificam Cancrorum Gravitatem, propterea necesse est, ut nihilo frequentius, quàm illæ reperiuntur. Cum denique, Buccina & Conchas Veneris maxi-

*mè numerosissimas in Littoribus occurrere dicat ; sunt aliquæ quidem Buccinorum, sed tamen non ita valde multæ, sed Concharum Veneris non nisi Unica illa, quam jam supra memoravi, Species, in omnibus Insulæ nostræ, nec nisi pauca aliquæ in aliis quibuscvis Europæ Littoribus inveniendæ.*

*De situ  
Metallo-  
rum & Mi-  
neralium.*

Nec leviori quidem dubitatione animus ejus de Metallorum & Mineralium Ordine, eorumque in Terrâ Dispositione, commovetur. Metallorum enim, Mineraliumque *Moleculas*, seu *minutissimas Particulas*, tantæ Gravitatis esse existimat, ut *in Aquis sustentari*, aut cum *Stratis lapideis* commisceri non potuissent, sed ita *præcipitari* debuisse, ut stratum omnium infimum constituerent, atque  
 \* p. 307, adeo ipsum *Terræ Centrum* pertigisse \*.  
 309, 325. Verum enimverò Res ipsæ & quotidiana Chymicorum Experientia isti ejus Opinioni adversantur. Quis enim est qui nesciat, non leviora horum Genera, Aurum scilicet, & Argentum, in Aquâ Regiâ, & Aquâ Forti, ita *sustentari*, ut ad Fundum non præcipitentur? Hoc satis est quod isti D. Camerarii Argumento respondeatur. Nec quidem hîc Locus est inquirendi quo pacto tanta Vis, tum separatarum Particularum, tum quoque Nodulorum, vel Massarum metallicæ mineralisve Materiæ, inter Arenam, aliamque leviolem Materiam in *Stratis* esset reposita. Hoc enim alterius Disputati-  
 onis



onis Argumentum est, uti ego *Geogr. Phys.* p. 182. Lectores admonueram: & propterea D. C. Admonitionem illam meam non penitus neglexisse debuerat.

*Illum porro Ordinem, illam Stratorum, admixtorumque his extraneorum secundum Gravitationem exactè specificam, Coördinationem & Distinctionem observari negat. \** At quo potissimum Argumento fretus id facit? Quo Rerum ipsarum Exemplo contrarium demonstratum dare conatur? *De Situ & Ordine Stratorum lapideo-rum & terrestrium.* \* p. 291.

Eo nempe quod *Mountsauconius*, à *Ramazzino* acceptum, ipsi suppeditaverat. Cum verò hoc mihi objecturus erat, id secum ferio considerata debuerat, quod doctissimi Viri illi de Stratis Mutinensibus opinati sint, qui *Strata illa non à Diluvio, sed variis temporibus ex Illuvie Fluminum confecta* † arbitrantur. Verumne hoc sit an † p. 294.

falsum, ego non hic quæro; sed, si D. C. pro vero admittat, & Strata illa Temporum recentiorum opus esse, à Fluminibus congestum, supponat, tum quidem non eadem sunt de quibus hic agitur, & proinde nihil prorsus ad ipsius rem faciunt. Ideoque alia Argumenta, ex aliis locis petita Ipsi usurpanda sunt. Neque sanè desunt alia Loca, ubi ejusmodi Argumentorum, nullius judicio adhuc infirmorum, neque facile infirmandorum, Materiam reperit. *Fodina* nempe *Biberacensis*, aliæque *Fodinae*, & *Putei effossi* Opinioni meæ contradicunt; qui nunc *Terræ*, nunc *Arenæ*, nunc *Margæ*, nunc *Lapidum*

\* P. 291. *Lapidum Strata offerunt oculis.* \* Hæc si ita se habere credam & agnoscam, quod quidam facilè facio, tum ipsius Fide & Diligentiâ fretus, tum quia ita alibi sæpe reperiuntur, inde tamen nihil prorsus afferri potest quod Opinioni meæ refragetur, & quam de Rebus istis tradidi Doctrinam evertat. Immo verò inquit Ille, *Quin & hoc ipse Stratorum conspectus docet, ea non per subsidientiam talem exactam juxta specificam gravitatem formata sibi que superimposita esse, cum aliâs non possent tam inæqualiter sibi interponi terrea, argillacea, arenosa, lapidea, cretacea, marmorea, &c.*

† P. 310. *Strata; leviores sæpè strato graviori subjecto.* † Hoc autem asserere videtur ex conjecturâ solâ, & variæ Stratorum Constitutionis observatione; cum non dicat se accuratius quodvis hac de re Experimentum fecisse, nec specificam cujusque Strati Gravitatem ad Trutinam revocando inferiorum Stratorum, quam superiorum Materiam ferè graviores reperisse. Sin verò hoc fecisset, & res ita se ha-

*Stratorum Origo, ex Conchylis, aliisque Corporibus extraneis quæ in Stratis continentur, asserita. Constituens eorum Materia olim soluta, & in Aquis sustentata.*

bentes reperisset, inde tamen Ipse id minimè effectum dedisset, quod sine aliquâ, vel suâ, vel alienâ, ejusmodi diligenti Examinatione demonstratum esse putat. Inæqualis enim ille Stratorum Ordo meam de Terræ resolutæ Subsidentia Doctrinam minimè labefactat.

Doctrina illa mea Corporum in Strata  
ista



ista è Mari allatorum, & ubique terrarum in iisdem jam repertorum Testimonio, Demonstratione omnium longè certissimâ, nititur. Illa, inquam, Corpora, in Aquis nata, quæ jam in Stratis, cum Terrâ, Cretâ, Arenâ, Saxo, aliâque omni, seu nunc laxiori sive solidiori Materiâ, ex quâ Strata illa consistunt, immista reperiuntur: Et, quo Corpora illa sunt reperta, Ordo, & Conditio apertissimè ostendunt Materiam illam omnem aliquando solutam, \* & in Aquis sustentatam fuisse, tandemque in iisdem Aquis subsidentem Strata illa confecisse †. Non hic requirendum est quo pacto Resolutio illa facta fuerit; satis esse debet, quòd Res certa sit, & quòd tam manifesta ejus Indicia ubique existant, ut si quis, non dicam vel primis Naturalis Philosophiæ Rudimentis institutus, sed si Sensus communes & Oculorum Usus habeat, in quamvis ferè Fodinam descenderit, non poterit quin statim agnoscat Rem se ita habuisse, quam qui in Musæis suis Hypotheses sibi fingunt, fieri potuisse negant. Ex tali Rerum Contemplatione, & Stratorum in Terrâ Observatione, erat quòd primi illi Philosophi Terram ipsam nihil aliud esse crederent & docerent quam *Sedimentum* & *Facem Aquæ*.

\* Vid. Partem 2. §. 4. infra.  
† Conf. Geog. Phys. in Præf. uti § p. 24. & seq. atque p. 63. & seq.

Τὴν μὲν γὰρ ὑπόστασιν εἶναι  
ἐν τοῖς ὕδατι. Metrodorus apud Plutarch. de Placis. Philos. L. 3. C. 9.

Jam

Ex eâ  
demum,  
urgente  
suâ Gravi-  
tate, sub-  
sidente,  
Strata  
composita.  
Subsiden-  
tiâ illius  
Leges &  
Ordo.

\* Geogr.  
Phys. p. 63,  
64.

Jam verò his positis, & tum ad Ratio-  
nem, tum ad Oculos ipsos demonstratis,  
ab ingeniosissimo Camerario scire cupio,  
Quid Ipse in causâ fuisse putat, cur illa  
Corpora marina, cur Arena, cæteraque  
soluta, & in Aquis fluitans Materia sub-  
siderent, & in ejusmodi Strata confor-  
marentur? Ego quidem Gravitationem  
fuisse arbitror. Siquidem Materia illa,  
Corporaque, Gravitati suæ Subsidentiam  
debeant, necesse utique est ut Ipsa  
Gravitationis Legibus paruerint, juxtaque  
easdem Leges Strata quoque formata,  
sitaque fuerint. Si meam hâc de re  
Doctrinam labefactare velit, hîc Illi in-  
cipiendum, hoc ejus Fundamentum sub-  
ruendum est. Ita nempe, ubi de hac re  
agebam, neque aliter uspiam alibi  
scripsi; *Accidit hæc Subsidentia convenien-  
ter Legibus Gravitationis, quantum quidem in  
tantâ confusaneâ Mixturâ fieri potuit.* \* In  
tantâ enim illâ Materiæ solutæ Confu-  
sione, non expectandum erat ut ubique  
vel Subsidentia ejus æqualis foret, vel  
Strata inde conflata certo, eodemque  
semper Ordine collocarentur. Qui hæc  
itaque quærunt, ea profecto quærunt  
quæ ego me Ipsis ostensurum nusquam  
pollicebar. Sed Illi scilicet ubi ea quæ  
ego scripsi minus attentè legerint, inde  
Naturæ Leges, quasi ex mente meâ con-  
ceptas, condunt, Terræque Fabricam ad  
amissim juxta Leges illas constructam  
sibi



sibi fingunt ; & siqui fortè eorum Fabricam illam ingressi, Leges illas suas non adeo exactè observatas viderint, protinus exclamant,

*Urbem, quam dicunt Romam, Melibæe! putavi  
— huic nostræ similem. —*

Sed ut ad rem seriò redeam ; Hæc certissima sunt. Subsidentia illa ubique par, eademque esse non potuit. Immo necesse erat, ut in singulis locis varia esset, prout in iisdem Materiæ ab Aquis sustentatæ Quantitas Aquæ sustentantis Quantitati respondebat : Ut Aqua illa commotior, quietiorve erat : Ut Corpora singula sustentata majora vel minora : ut plura pauciorave, cujusvis generis in eodem Loco erant : Ut denique Locus, in quo quæque fluitabant antequam subsidere cœperint, superior vel inferior, & quod inde necesse sequebatur, longius, breviusve Descensûs Stadium erat. Non aliter enim evenire poterat quàm ut Materiæ Particula vel per se levissima, intra paucorum aliquot Pedum ab imis Aquis spatium fluitans cum Subsidentia fieri cœperit, multò citiùs fundum pertingeret, & propterea in Terrâ inferiùs collocaretur, quàm aliqua alia, multò licet Gravior, quæ Mille, aut forte longe plurium Passuum spatio superiùs fluitans, eodem tempore

*Hoc Argumentum accuratius tractatur in illo Operis mei Majoris Capitulo, cujus Partem aliquam Ingeniosissimus Doctissimusque Vir D. Joh. Harrisius inseruit Libro suo, cui Titulo inscripsit. Remarks on some late Papers relating to the Deluge, and to the Natural History of the Earth, & Londini edidit, Anno 1697. 8vo.*

\* *Conf.*  
Partem 2.  
§. 5. *infra.*

† *Geogr.*  
*Phys. Præf.*

tempore descendere cœpit. Necesse itaque est ut, si rem hanc totam juxta Gravitatis Leges accuratissimè gestam arbitremur, magna illius Massæ Pars promiscuè subsideret, & confuse, sine certo aliquo Ordine collocaretur : Stratotum Constitutio varia esset, ac incerta : & proinde ut leviora Corpora gravioribus sæpe supposita reperiantur. \* Qui tam necessarias, obviasque Subsidentia Leges, aliaque non pauca solutæ Materiæ subsidenti Accidentia, quibus exponendis in Compendio illo meo non erat locus, per se videre & considerare non potuerunt, expectare utique debuerant, donec Opus illud majus ederetur, in quo hæc omnia fusè tracto, &, quantum id fieri potest, extra omnem dubitationem collocare conor. Hoc certè Benevolorum Candidorumque fuit, cum præsertim Breviarii illius Lectores rogasssem ut tantisper expectent, donec rem fusius explicatam, & plenius clariusque expositam acceperint †. Quod si ex ipso Compendio illo Dubitationibus suis satisfacere non potuissent, illa certè, quam ego eos rogaveram, Expectatio, Ipsi minùs molesta fuisset, ne dicam aliquantò plus ad Ipsorum Existimationem fecisset, quàm Labor ille, quo suam harum rerum



rerum Inscitiam, in Libro illo meo legendo Oscitantiam, & temerarium de Doctrinâ meâ Judicium diligentibus & cordatis suorum meorumque Scriptorum Lectoribus exponunt. Sed, ne justissimis his Querelis immorer, certissimum est quod sola Materia illa, eaque Corpora, quæ, cum Subsidentia fieri cœperit, altiora erant, & propius Massæ Superficiem fluitabant, & quibus propterea longior futurus erat Descensus, certâ aliquâ methodo & serie disponi possent\*. \* *Conf. p. 23, & Partem 2. §. 5. infra.*

Neceffe quoque erat ut hæc subsiderent postrema; & proinde ut Superiores, & Superficiales Globi partes constituerent. Atque hinc Ratio constat cur Strata Telluris superficiei propiora, & marina aliaque in iisdem reperta Corpora, ordinatiùs sita sint, quam quæ intervallo aliquo majore inferiùs collocata fuerunt. Hunc autem ordinatorem superiorum illorum Stratorum Situm, Corporumque in iisdem Dispositionem, intelligi velim de Locis illis in quibus superiora Strata post Materiæ Subsidentiam, & Telluris Consolidationem, non dimota, ablataque fuerint. Ut enim in multis Locis Illa, vi Aquarum post Diluvium de Terrâ discedentium, ita dimota ablataque fuerunt, ego alibi Exemplis multis insignibus ostendam. Materia, ita ablata, aliò

*A quo primùm congesta fuerunt Strata, eis contigerunt nonnullæ Mutationes;*

*1º. Superioribus, ab Aquis post Diluvium recedentibus:*

\* Vid. p.  
25. *supra.*

\* p. 29,  
30, 31.  
2<sup>o</sup> *Inferi-*  
*oribus, &*  
*Transitu*  
*Materiae*  
*Metallicae*  
*& Mine-*  
*ralis.*

aliò conjecta erat, ibique sine certâ ali-  
quâ ratione, vel Ordine collocata. Et  
profectò, uti credibile videtur, is Agri  
*Mutinenfis* \* Status est, in quo Res non  
aliter sitæ sunt, quàm fluentis Aquæ Vis  
eas disposuisset. Ita nimirum magna  
Sabuli, Arenæ, aliusque promiscuæ Ma-  
teriæ Copia in Telluris Superficie, ad  
usque non exiguam alicubi Profundita-  
tem, jacet, tum in Anglia, tum in aliâ  
quoque Regione omni. Quod vero ad  
Strata ipsa, de quibus illa Materia tum  
ablata fuit, & quæ proinde ita discooper-  
ta, jam nuda, atque in ipsa Superficie  
apparent, primò autem inferius, infra  
scilicet omnem Materiam illam, sita e-  
rant, Hæc inquam Strata fere Res per-  
turbatè confuseque positas exhibent, idque  
ob eas quas ego supra \* assignavi Causas.  
Præterquam quod ex Inæquali illâ Ma-  
teriæ solutæ Subsidentia Stratorum quoque  
Inæqualitatem fieri necesse erat, Strata  
ipsa ex eo Tempore quo formata, com-  
pactaque essent, non planè eadem per-  
stiterunt, sed Mutationes non leves passa  
fuerunt. Ut de aliâ Eorum Materiâ  
nihil dicam, id tantùm repetam quod  
*Geogr. Phys.* p. 165, 166. scripsi, *Me-*  
*tallicæ, & Minerali Materiæ contigerunt*  
*Transitiones sive Mutationes locales, ab unâ*  
*eiusdem strati Parte, ad aliam: imo ab infe-*  
*rioribus stratis, ad superiora.* Ex quibus  
*Materiæ illius Transitionibus, & locorum*  
*Mutationibus, ipsorum quoque Stratorum*  
Gravitatem



Gravitatem mutari necesse erat. Grav-  
vior enim Materia illa extracta, & trans-  
migrans, Sedes suas leviores relinquit:  
novisque, ad quas transiit, Gravitatem,  
alteris ademptam, addit. Indeque fit,  
ut ex eorum quæ nunc sunt Stratorum  
Gravitate, de primigeniâ eorundem Gra-  
vitate non semper, & ubique certum ex-  
actumque Judicium fieri possit; in illis  
præsertim Regionibus ubi Metalla maxi-  
mè abundant. In aliis enim Strata pri-  
mam suam, nativamque Conditionem,  
si non illibatam, minus tamen mutatam  
retinent.

Hoc, ut in aliis Bri-  
tanniæ nostræ locis, ita  
speciatim in illis Glo-  
cestrensis, Oxoniensis,  
& Northamptonensis Pro-  
vincia Partibus, in qui-

*In plurimis tamen locis Fos-  
silia juxta Gravitatis leges mi-  
rum in modum ordinata repe-  
riuntur. Hujus Rei Exem-  
pla.*

bus minus Metallicæ, vel Mineralis Ma-  
teriæ est, observare licet; ubi Saxi ali-  
usque omnis Materiæ Strata, ita juxta  
cujusque Gravitatem disposita reperiun-  
tur, ut Constitutionem suam ferè primi-  
tivam in hunc usque diem retinuisse vi-  
deantur. Quædam hujus Rei Exempla  
in publicum jam prodeunt in *Naturali  
Provincia Northamptonensis Historiâ*, multo-  
rum annorum Opere, cum alio quovis  
ejus generis comparando, & quod Au-  
thoris sui, R. V. Joh. Mortoni indefessam  
Diligentiam, & insignem Rerum Natura-  
lium Scientiam, idoneis omnibus harum

D

rerum

\* *Vid. p.*  
31, 32.  
*supra.*

rerum Judicibus abundè probabit. Quod autem amplius observandum est, Regiones istæ, magno Intervallo à Mari distitæ, tantum Detrimentum à recedentibus Diluvii Aquis non pertulerunt, & in multis Locis pauciora earum Strata superiora fuerunt ablata\*. Alia quidem multa de Materia Subsidentiâ, & Formatione, Ordineque Stratorum, dicenda habeo; quæ nisi Limites Differtationi huic præfinitos jam transgressus essem, hîc fortassis proferrem. Finem itaque Argumento isti imponam, si prius doctissimum Cameraarium de uno atque altero insigni Exemplo Corporum Extraneorum Leviorum in Leviori terrestri Materia, & Graviorum in Graviori sitorum, commonuero; Quod mihi quidem ad hanc Controversiam dirimendam magni momenti esse videtur, & quod olim in *Geogr. Phys.* p. 26, & 27, memoravi. In Angliæ nostræ Provinciis, Cantianâ, Surreiensi, Efflexiensi, Hertfordensi, Berkenfi, & Oxoniensi, plurima maximaque Cretæ Strata ubique fere sunt. His, per se amplis, alia non modo Insulæ hujus nostræ, sed exterarum quoque Regionum Loca addere possem, ubi hæc potissimum Materia abundat, in quibus omnibus Vis ingens Testarum, aliorumque Corporum marinarum, inter se quidem diversissimorum, Turbinatorum, Bivalvium, Echinorum, reperitur; sed quæ tamen omnia Leviorum Generum sunt, & ad specificam Cretæ



Cretæ Gravitationem proximè accedunt. In Stratis verò Saxi, Materiæ Cretâ Gravioris, Testarum Graviorum nihilo minor vel Numerus, vel Varietas invenitur. Ad hoc, quod certè nec Casu ita evenit, neque alii cuiquam, quàm ego assignaverim, Causæ tribui potest, siquis animum seriò adverterit, vix fieri posse putem, quin Ipse per se inde suis hac de re Dubitationibus satisfaciat. Huic accedit aliud ejusdem rei, ex crustaceo Animalium marinarum genere, Documentum. Fieri non potuit quin, cum Testaceis, Cancris, Astaci, cæteraque Crustacei generis Animalia è Mari simul ejicerentur. Quamquam verò hæc illis ferè majora sint, & si exstarent, repertu faciliora essent, cum ex Testaceis multa Millia ubique fere repererim, nondum tamen potui nisi quinque aut sex hujus Animalium generis Reliquias vel Diligentiâ meâ reperire, vel aliunde, ex quavis Orbis terrarum parte allatas nancisci. Neque sane hoc mihi admirandum videtur; immò potius mirarer si aliter evenisset. Cum Crustacea enim ista Cretâ, omnique fere aliâ terrestri Materiâ Leviora essent, postremò omnium subsidebant, in ipsâ Terræ Superficie perpétuis Aeris, Aquæ, alijsque Injurijs exposita jacebant, tandemque penitus corrupta ita perierunt, ut nulla sui Vestigia post se relinquerent. Neque quidem hoc aliud est quàm quod ego olim scripseram, *Geogr. Phys.* p. 27, 65, 66;

quæ Loca, aliaque nonnulla, si clarissimus Camerarius diligentius observâset, vix, uti ego puto, tantam de his Rebus Controversiam movisset.

8° De Saxi  
Incremento,  
& Induratione.

8°. Contra meam de Stratorum Origine Sententiam eruditissimus Camerarius Saxum Crescere autumat; quod si certo aliquo Testimonio ex re ipsâ allato probaverit, Me non adeo pertinacem Opinionis, Doctrinæque meæ Defensorem reperiet, quin statim Veritati ab Ipso demonstratæ utramque dedam. Ingenium ergo acutissimum suum adhibeat, si qua forsan Argumenta excogitet, quibus Se Sententiam suam confirmare posse putet. Adversaria excutiat, si ulla ex his Ejus, quod Ipse docet, Incrementi Exempla, à Se alicubi olim, aut ab aliis observata, habeat. Germaniam suam totam rimetur, sicubi certa aliqua hujus rei Documenta reperienda putaverit. Sin verò ab his omnibus destituatur, ad alias denique quasvis Terrarum Orbis Partes exploratum, indeque ejusmodi Testimonia quæsitum mittat. Immò, Testimonium omnium certissimum, ex Rebus ipsis, ubique domi forisque reperiundis petitum, & à Nemine non observatum habet. Nam cum Ego statuo non dari Saxa quæ *indies magis magisque consolidentur* — ac *sensim acquirant perfectam Soliditatem*, D. C. crediderit Exempla ejus rei satis frequentia occurrere, non in Germaniâ solum, sed & alibi, Saxi in Lapidinâ mollioris,



oris, ac proin figurandi quam primum fuerit extractum, cum mirum daretur in modum si aliquandiu Aeri fuerit expositum \*. Hæc \* P. 315.

quidem Exempla nusquam non occurrunt; Num verò his Se ostendisse existimat, Saxa in Stratis suis indies magis magisque consolidari, ac sensim acquirere perfectam Soliditatem? Aliud certè aliquid in animo habuit dum hæc scriberet. Si saxa extracta, Aerique diu exposita Duritiem consequantur, num inde certum, demonstratumque putat idem Ipsis accidere dum in nativis Sedibus suis, externis nullis Indurationis Causis obnoxia jacent? Hoc ego quidem minime expectaverim: neque jam acceptum facilè credam à Viro tali, tamque acuto alienorum Scriptorum Censore. Quod Saxa ex Stratis

fuis sublata indurentur, egone usquam negavi?

Quis ferè unquam ignoravit? Ego quidem idem dixeram †, non quasi à me primum observatum, sed ut, quas

*Saxum, sub Terra, Humiditate saturum, & molliusculum: Aeri demum expositum, desiccatumque, durius evadit.*

† Geogr. Phys. p. 106.

Ipsæ contra me scripturus, non observasse videtur, Indurationis ejus Rationes, non ita forsan Lectorum vulgo animadversas, redderem. Nam, Geogr. Phys. Parte 3<sup>a</sup> & 4<sup>a</sup>, agens de Aquæ in Terrâ Copiâ, eâque quâ prædita est sese insinuandi Vi, dixi nullum ferè Saxum, ne Marmor quidem ullum adeo densum esse, quod Aqua non ea saltem tenuis penetret

& pervadat, ut, se in ejus Poros insinuans, totum humectet; Unde necesse erit ut illa cujuscunque generis Saxa, in Stratis suis minus rigida, duraque sint, quàm postquam diu excisa, Aerisque & Solis viribus exsiccata fuerint.

*Argumentum, de Lapidum Vegetatione, ex D. Tournefortii Observationibus allatum, leviter perstrictum.*

Hoc autem ex ipsâ, ut arbitratur, Rerum naturâ petitum Argumentum doctissimi, meritoque celeberrimi Tournefortii Testimonio confirmare satagit.

Ex Illius nempe Observationibus hæc profert. *In Antro quod Antiparos dicitur vidit Tournefortius novam Horti speciem, cu-*

*† Saxi, Pierre. M. Tournefort Mem. de l'Acad. des Sciences, 1702. p. 221.* *jus omnes Plantæ erant diversæ, Marmoris† adhuc dum crescentis, fientisque Strata Speciesque, quæque secundum omnes Circumstantias, quæ comitabantur ipsarum formationem, non potuerant nisi per Vegetationis modum, seu Vegetabilium more crescere, p. 315, 316. Quid ego ad hæc oculati Testis verba respondebo? Botanicum quidem peritissimum agnosco; his præsertim Studiis se cum summâ Laude suâ, Commodoque publico adjunxit; sed tamen si in Vegetabilium Historiâ enarrandâ, eorumque Naturâ, & Viribus exponendis alium quemvis, quod facilè concedam, longè superaverit, id certè inconsultius paullo fecit, quòd Materiam illorum Studiorum plus justo ampliaverit, cum Lapides in Vegetabilium Familiam cooptaverit\*. Diuturni hujus gravissimique Belli Mala multa fuere; in*

*\* Mem. de l'Acad. 1708. p. 151.*

*quibus*



quibus id non immeritò numerari potest, quòd mutuum omne Literarum Commercium ita interceptum fuit, ut non nisi pauci aliquot Gallorum Libri, idque, ut aliæ Merces, clam, ad Nos advehi, vel nostri ad Ipsos transmitti potuerint. Non itaque mirandum est si Liber meus vel eo non omninò allatus fuerit, vel saltem ad eruditissimi Tournefortii manus non pervenerit, quod faciliè credam. Nam si Librum illum vidisset, hanc ipsam de quâ agit Rem à me declaratam reperisset. Hortum nempe istum, non *Saxum* ipsum *crescens*, sed Fluorem Saxo, Ordine illo, Aspectu gratissimo, adnascentem esse intellexisset. Quod res ita se verè habuit, ex ipsâ D. Tournefortii *Descriptione* \* ejus liquet.

Et hoc quidem primo statim intuitu vidisset, si in Observationibus sub Terrâ faciundis aliquanto versatior fuisset. Ibi enim Fluores *albid*i, stratis Saxi *cinerei*, aliorumque colorum obducti, af-

\* Une espece de Broderie, haute d'environ deux, ou trois Lignes — La Matière en est blanchâtre, quoique la Pierre d'ou elle sort soit grisâtre : & je regard comme une espece de Calus. M. Tournefort, Mémoires de l'Acad. des Sciences. 1702. p. 221.

fixique fréquenter reperiuntur ; idque in Speluncâ, Fissurâque omni, ubi Aqua manat, & Materia fluorea, seu quâ Fluores constant, habetur. Et quod Fluores in hunc omnino modum *crescant*, non docui tantum, sed & eorum formando- rum Rationem, Augmentique Gradus, in quartâ ejus Libri Parte ostendi. Cum

celeberrimus Camerarius itaque Corpora inter se Naturâ, & Origine valdè diversa ita confundat, & Fluorum in Fissuris Stratorum Incrementum, pro Saxorum & Marmorum, Strata ipsa constituentium, Incremento sumit, tantum abest ut inde, quod sibi fecisse videtur, quidquam contra *Systema meum, & Lapidum* \* p. 316. *omnium Originem à me suppositam* \* afferat, ut Doctrinam meam malè, si non malevolè, repræsentet, & suam potius harum rerum Inscientiam prodât. Siquos fortè Ingenii Fælicitate, & Sermonis Elegantiâ in Sententiam suam alliciat, non multos certè cordatiores, horum saltem Argumentorum viribus, pertrahere poterit.

9°. De 9°. Quid vero, inquit D. Camerarius, *Augmento* † de *Augmento Metallorum, de quadam illius Metallo-* *Maturatione, de Regeneratione illius, novâque* rum. *in glebis dudum exhaustis Generatione, Metal-* † p. 323. *lique solidi ac sinceri ipsa Crescendi ratione, dicam? Quid Tu Vir doctissime! de Re-* bus istis dicere velis, vel sis dicturus neque scio, nec conjicere possum. Ego id unum dicam, Ubi Tu ullam aliam de *Metallorum Generatione & Augmento* Opinonem, meâ de eodem Argumento contrariam demonstraveris, me illico Ejus Comprobatorem habebis. Interea verò illud est quod ego Te rogem, ubinam ego posse *Aquam solvere omnia Metalla* docuerim, contra omnem Chymicorum *Experientiam?* || Nisi enim tum Memoria, tum Oculi quoque mei me valde fallant, non nisi



nisi in hanc Sententiam scripsi; Quod nempe Aqua metallicæ Materiæ Particulas, antea solutas, à se invicem separatas, & in Stratorum Saxi Interstitiis, Porisque jacentes, assumit, indeque in perpendicularares Stratorum Fissuras asportet.

10°. Nihilo candidiùs mecum agit D.C. 10°. De ubi *Crystallizationem tam numerosam, & tot Crystallorum & Gemmarum* \* Formationem in Aquis Diluvij tempore factam, Doctrinæ meæ tribuat. Quamquam verò probe nov- *Gemma- rum Ortu.* \* p. 326.

rim *Crystallizationes* aliquas tum contigisse, cum tamen admodum paucae illæ essent, eas omnes silentio præterij. Neque quidem, præterquam Massæ crystallinæ Echiniformis, & Selenitæ, Corporis cujusquam tunc crystallizati vel mentionem feci. Contra autem Verbis quibus potui disertissimis docui partem longè maximam *Crystallizationum, & Gemmarum* figuratarum, post Diluvium, ope Aquæ in Stratorum Fissuris factam esse.

*Geogr. Phys. Parte 4ta, Consect. 6, 7, 8.*

11°. Ejusdem Ingenij Figmentum est & *Menstruum* illud pro Sulphuribus, Oleisque, ac Bitumine, ex Aquâ constitutum, quod Ipse, pro Liberalitate suâ, mihi tribuit, p. 328.

12°. Ubinam verò ego dixi *Aquas ex Abyssso à Stratis incumbentibus premi, itaque contra Gravitatis suæ indolem, ad Fontes asurgere?* † Hujus quidem Ascensûs Causam, isti valde dissimilem, sed Naturæ & Rationi rectæ consentaneam, assigno. *11°. Aqua non idoneum Sulphuris, Olei, aut Bituminis, Menstruum.* 12° *Aquarum ad Fontes Ascensus non Stratorum Pressuræ debetur.*

13°. Cl. † p. 318.

13°. Quid  
Fontibus  
suppedi-  
tandis con-  
ferat A-  
qua plu-  
vialis.  
\* p. 320.

13°. Cl. Camerarius, quantumvis sit  
oculatus, non videt quâ excludi queant pe-  
nitus Pluviae, \* ne Fontium & Fluminum  
Aquis admisceantur. Neque ego sanè  
video cur Ille hæc scripserit. Quan-  
quam enim illorum Originem Pluvij  
solis deberi negaverim, minime tamen  
has penitus exclusi. Immo tum Fontibus,  
tum quoque Fluminibus sese admiscere solere  
Aguas pluviales disertissimis Verbis decla-  
ravi. Geogr. Phys. p. 104.

14°. De  
Terræ mo-  
tu nonnul-  
la.  
† p. 303,  
339.

14°. Cum porro innuat me negare  
Terræ-Motibus Oppida fuisse absorpta, disrup-  
tos Montes, absorptas Rupes, oborta Stagna †,  
nondum, ut videtur, ea legerat quæ ego  
his de rebus scripsi, Geogr. Phys. p. 116,  
nempe quod Adeo vehemens sit quorundam  
Terræ-Motuum Impetus, ut subrutis Funda-  
mentis, integer Tractus Terræ Concussioni su-  
perinstratus submergatur in Abyssum, & ab-  
sorpti Fragminis loco statim surgant Aquæ ex  
imo, atque LACUM efforment ibi, ubi antea  
stabat Terra firma, & habitabilis. Quod  
hâc ratione reapse, ABSORPTI fuerint  
ingentes Terræ Tractus, unâ cum Urbibus,  
OPPIDIS, & integris etiam MON-  
TIBUS, ijsq; amplis admodum & præal-  
tis. Neque erat cur ex ijs quæ ego us-  
piam scripsi, Ipse existimet, Universales  
fore omnes Terræ-Motus si Abyssî Aquæ ita  
|| p. 322. rarefierent, percuterentque Terram ||. Ego  
enim fieri posse, & solere ostendi, Vi  
illâ, quæ Motuum illorum Causa est,  
unani



unam aliquam tantum Terræ Partem affici; Si tamen Vis illa se latius, fortiusque diffuderit, fieri possent, & fuere quidem Motus, quos, si non totus Orbis, valdè saltem magnæ ejus Partes sentirent ||.

15°. Neque magis ingenuè mecum agit, ubi me conjecisse dicit *Oleæ Arborem* illam, unde decerptum *Folium Columba* ad Noachum attulit, in *Aquis nata* esse. \* Ego enim nec id disertè, neque quidquam eò spectans scripsi: sed quod plane contrarium est. *V. Geogr. Phys. p. 219.*

In *Stratis faxeis*, etiam profundissime in tellure sitis, reperiuntur *Folia*, aliæque *Partes*, non solum *vulgarium & cognitarum Plantarum*, sed *aliarum quoque valde mirandarum*, & quarum nullæ hodie nascuntur in illis *Regionibus* quibus *Istæ* ita reconditæ inveniuntur. Ad eundem plane modum in plerisque, si non in omnibus, *Orbis Terrarum Partibus* effodiuntur *Arbusta*, & *Arbores*, quarum aliquæ valde ingentes sunt, & multæ Specierum quas nunc *Loca ista* nullas producant. Denique eruuntur *Arbores*, mole magnæ, & numero multæ, obrutæ in *Insulis* ubi vel *Solum adeo sterile*, vel *Aer adeo frigidus & asper*, vel denique *Venti adeo vehementes & procellosi* sunt, ut jam nullæ in iisdem nascantur, neque ullas illic unquam natas fuisse aut ex *Historijs*, aut *Majorum Relatione* constat.

De-

15°. De  
Oleâ unde  
Columba  
decerptum  
folium  
Noacho  
attulit.  
\* P. 344.

De Arbo-  
ribus, ali-  
isque Plan-  
tis, pas-  
sim ex Tel-  
lure effossis.

*Strages  
istâ Vege-  
rabilium à  
Telluris  
Dissoluti-  
one, sub  
Diluvio,  
facta.*

Devastatio illa ita generalis, non nisi à Causâ æque generali effici potuisset : Et profecto Accidentia atque Phænomena varia sunt, quæ Diluvium Universale Causam illam fuisse adeo manifestè indicant, ut eorum Testimonio nihil objici vel contradici potest. In his Arboribus Observatione dignum est, quod Radices sibi adhærentes habeant. Hoc enim liquidò ostendit Solutionem factam fuisse, & Defectum soli, in quo olim crevissent, & infixæ stetissent.

*De istâ Dissolutione, ac  
Strage, Veterum Traditio.*

*Loca quædam S. Scripturæ  
collata & illustrata.*

\* Φυσιολογῆτες — τὸ ἀπὸ τῆ ἀμ-  
πέλε καρπὸν Διόνυσον ὀνομά-  
ζοντες. Diodor. Sic. L. 3.  
P. 195.

Hujus autem Rei longa fuit etiam apud antiquissimas Gentes, Traditio. Bacchus à Physicis habetur pro Fructu Vitis \*. Ille vero bis è Fove natus fingitur, quia in Deucalionis Diluvio [illud

enim cum Noachico confundere solent] cum alijs Fructibus etiam hic perijsse existima-

|| Δις δ' αὐτῇ τῇ γενεσιν ἐκ  
Διὸς ὡς ἀδιδόωδς, ἀπὸ τοῦ δοκεῖν  
μὲν τῶν ἀμπελῶν ἐν τῷ γένει τῆ Δι-  
καλίαν καὶ ἀκλυσμῶ φθαρῆναι  
ὃ τέρας τὸς καρπὸς · ὃ μὲν τῇ  
ἐπομβρίαν πάλιν ἀναφυῆναι.  
Ibid. p. 196.

tus denuo post regerminat ||. Sed uberius longe tum liquefcentis Soli, tum quoque Arborum exinde succumbentium, Descriptio apud Senecam extat, ubi de Di-

† Nat. luvio suo agit.

Quæst. L. Arbusta procumbunt & Vitis, atque omne

3. c. 27. Virgultum non tenetur solo, quod molle fluidumque est. — Labant & madent Tecta, & in imum usque receptis Aquis Fundamenta, desidant,



*desidunt, ac tota Humus stagnat; frustra titubantium fulcra tentantur, Omne enim Fundamentum in lubrico figitur, & lutosâ Humo nihil stabile est. Ac postea, \* de Terrâ \* c. 29. verba faciens, eam affirmat esse mutabilem & solvi in Humorem. — Partes ejus interire debuerint, abolerive funditus totæ, ut de integro totæ rudes innoxixque generantur. Inter antiquos plerosque Opinio obtinuit, Terram ipsam contaminatam fuisse, & propterea perditam, purificatam, denuoque reformatam in Diluvio. Illud est quod Philosophus hîc indicat. Fortassis etiam ipsa veterum Scriptorum Loca accuratius ex ipsorum Scriptis collecta, & illustrata, in lucem aliquando proferantur. Seneca Terræ Dissolutionem ita describere pergit, Incipiet ergo putrescere, dehinc laxata ire in Humorem, & assiduâ Tabe defluere. Cui Philosophi hujus Sententiæ, valde conformis est Lycophron,*

‘Οτ’ ἡμάρθονε πᾶσαν ὀμβρίσας χθόνα,  
Ζηνὸς καχλάζων νασμὸς. —

Ubi Scholiastes, If. Tzetzes, ἡμάρθονε per ἄμμον ἐποίησε, κατέκλυσε, exposuit: idque justissimè, cum Saxum in Arenam, & durissima Telluris Corpora in mollia & tenuia resoluta fuerunt. Atque adeo, sub Diluvio, in tali Rerum Statu

— Κόσμος ἄκοσμος ἐγένετο. —

† L. 6. *in* uti recte Nonnus in *Dionysiacis* †. Sunt &  
*fine.* aliqua apud *Manilium* \* Telluris ita reso-  
 \* L. 4. lutæ & liquatæ Vestigia.

Concutitur Tellus validis compagibus  
 hærens,

Subducitque solum pedibus; natat Or-  
 bis in ipso;

Et vomit Oceanus Pontum, sitiensque  
 reforbet,

Nec sese ipse capit. Sic quondam  
 merserat Urbes,

Humani Generis quum solus constitit  
 Hæres

Deucalion. —

Ista verò Gentilium de Rebus hisce  
 Notitia & Traditio ab Oriente primum  
 profecta est. Frequens fuit olim He-  
 bræorum cum Phœniciis, & Ægyptiis,  
 Græcorum autem cum utrisque Com-  
 mercium. Atque hic Fons & Origo  
 plurium, quæ apud Græcos postea ac  
 Romanos obtinebant, & Notionum, &  
 Institutorum. Totius Telluris *Disperdi-*  
*tionem* ante Diluvium comminatum Au-  
 ctor est *Moses*: in Diluvio autem revera  
 peractam. *Gen.* vi. 13. *Vulg. Lat. Et*  
*ego disperdam eos cum Terrâ. LXX.*  
*Kal 'idæ êγώ καὶ ἀπολείψω αὐτοὺς, ἢ τὴν γῆν. Gen.*  
*ix. 11. Neque erit deinceps Diluvium ad dis-*  
*perdendum Terram. Ita Hebræus, uti &*  
*Samarit. Chald. & reliqui Interpretes. Vulg.*  
*Lat.*



Lat. Rob. Steph. f. Par. 1546. Neque erit  
deinceps Diluvium dissipans OMNEM  
TERRAM. LXX.

Καὶ ἐκ ἐλῆ ἔσαι κα-  
τακλυσμὸς ὕδατος καταφθείγει ΠΑΣΑΝ τὴν γῆν.

Dissipare non tantum est disjicere, sed li-  
quare etiam, ac dissolvere. Seneca, † † Nat.

Quippe vernis Temporibus Imbres Nivem di-  
luunt: reliquias ejus primus Calor dissipat. Quæst. L.  
4. c. 2.

Cicero, Epicurus Corporum Concretionem fu-  
git, ne Interitus & Dissipatio consequatur \*. \* De Nat.

Cui sane optime respondet Καταφθείγει, Deor. L. I.  
quod colliquefacere, corrumpere, pu-  
trefcere, denotat; ἀ φθείω, vel potius ἀ

φθείρ, unde & φθειρέασις. Adeo ut ista Tel-  
luris Disperditio facta fuit, Terram, &

Fossilia omnia, liquando & dissolvendo.  
Cui adstipulatur Regius ille Vates, ||. || Psalm.

Dedit in voce suâ; liquefacta est Terra. xlv. 6.

Quâ quidem de Causâ

Philoni Judæo videretur

totus Mundus, in Diluvio,

abire in Naturam Aqua-

rum †. Ita Pseudo-Si-

bylla,

† Νομίσαι τὰ μέρη τῶ παν-  
τός εἰς μίαν φύσιν ἢ ὕδατος  
ἀναστοιχέμενα. De Abraha-  
mo. p. 355.

Ἦδως ἔσαι ἀπαντα, ἢ ὕδασι πάντ' ἀπολεῖται.

Et Auctor, Libri de Dea Syria, Πάντα ὕδως

ἐγένοντο. Magna profecto est inter sacros

Scriptores, uti in aliis, ita quoque in

hac Re, Consensio. Habak. iii. 6. Stetit

& mensus est Terram: Vidit & exsilire fecit

Gentes: & contriti sunt Montes Perpetuitatis,

incurva-verunt se Colles sæculi. LXX. Δια-

θρύβη

θεῶν τὰ ὄρη βίβλ., ἐλάκυσαν βαρεὶ ἀλώμεναι. Chald.  
 Paraphr. *Revelatus est & commovit Ter-*  
*ram, & adduxit Diluvium, &c. Fracti*  
*sunt Montes qui erant ab antiquo, depressi*  
*colles qui extiterant à Sæculo. Syr. Vers. —*  
*Dissipati sunt Montes, & humiliati Colles.*  
 Arab. — *Comminuti sunt Montes : — liquati*  
*sunt Colles. Et infra, Vers. 10. Tremue-*  
*runt Montes : Inundatio Aquarum transijt :*  
*dedit Abyssus Sonitum suum. Hic speciatim*  
*de Montium Destructione agitur : & ex his*  
*liquet Montes primævos fuisse contritos,*  
*vel, uti Interpretes rectè, liquatos, com-*  
*minutos, dissipatos. Neque hoc aliud est*  
*quam quod ego, Naturâ duce, asserui,*  
*Geogr. Phys. Parte 2<sup>a</sup>. Amos ix. 5, 6. Domi-*  
*nus Deus Exercituum tangens in terram &*  
*liquefcet, & lugebunt omnes habitatores in eâ.*  
*Et ascendet sicut fluvius TOTA Ipsa, &*  
*submergetur quasi fluvius Ægypti. Vulg.*  
 Lat. *Dominus Deus Exercituum qui tangit*  
*Terram, & tabescet : & lugebunt omnes ha-*  
*bitantes in eâ : & ascendet sicut rivus O M-*  
*NIS, & defluet sicut fluvius Ægypti.*  
 Non hic, uti quidam existimant, de no-  
 vo, aut futuro aliquo Diluvio, agitur.  
 Tale enim ad finem usque Sæculi nun-  
 quam eventurum, ex Oraculo omnium  
 certissimo \* optime noverunt & Propheta  
 & Populus. Antiqui istius Diluvij hor-  
 renda Devastatio in omnium ore & ani-  
 mis versaretur. Nec facilior aut certior  
 ulla Metum Terroremque Populo incu-  
 tere methodus erat, quam injectâ Diluvij  
 hujus

\* Gen. ix.  
 8. & seqq.



hujus Mentione, aut immanium ejus Phæ-  
nomenorum Recensione. Hâc itaque sæ-  
pius usi sunt Judæorum Scriptores. Hâc  
quoque usus est Amos ; & nullâ sane Ver-  
borum Serie plenius aut felicius exprimi  
queat *totius Telluris Liquatio* : nullâ clariùs  
*Terræ* ita dissolutæ promiscua *in Aquam*  
*Assumptio* & *Sustentatio* ; de quâ Ego, Na-  
turæ Vestigia premens, & Observationi-  
bus in ipsius Telluris Visceribus factis  
nixus, *Geogr. Phys. Parte 2. Consect. 2. De*  
hâc etiam Sibyllinorum Compiler,

Πλάσει γῆ, πλάσεσιν ὄρη. — \*

ut antea

\* *Orac. Si-  
byll. Gallæi*  
*L. 1. p.*  
*133.*

Καθμῶνάς τε γαῖης σχεδάσει, ἢ τείχια λύσει. †

† *Ibid. p.*  
*122.*

Isai. xxiv. 18, 19. *Cataractæ de excelso*  
*aperientur, & contremiscent Fundamenta*  
*Terræ, confringendo confregit se Terra, dissi-*  
*pando dissipavit se Terra. Chald. Dissolu-*  
*tione dissolvetur Terra. LXX. Ταρχῆ τα-*  
*ερχήσε* ἢ γῆ. Job xii. 15. *Deus emittit Aquas,*  
*& subvertunt Terram. LXX. ὕδωρ — ἐπαφῇ,*  
*ἀπώλεσεν αὐτήν [γῆν] καλασρέψας. Atque hæc*  
*est illa Telluris ἀπώλεια de quâ D. Petrus*  
*Epist. 2. Cap. iii. ver. 5, 6. Ὁυρανὸν ἦσαν*  
*ἐκπαλαι, ἢ γῆ, ἔξ ὕδαλις ἢ δι' ὕδαλις συνεσῶσα*  
*τῷ τῷ Θεῷ λόγῳ. δι' ὧν ὁ τότε κόσμος ὕδατι κατε-*  
*κλυομένης ἀπώλετο. Οἱ ὅτι νῦν ἐναντίον, ἢ ἡ γῆ, &c.*  
Quâ Rerum Enarratione brevem quidem,  
sed justam, exhibet Constitutionis Globi  
E terraquei,

terraquei, seu terreni Orbis, Abyssi inclusi, & Oceani extantis, Repræsentationem. Quàm exactè illa ad veram ipsius Naturæ Normam facta sit, videndum in *Geogr. Physf. Parte 3.* Primigeniam istam Tellurem fuisse *deperditam* tradit Apostolus : uti post eum, Auctor Libri *de Egregoris* †, Enocho perperam ascripti, ἡ γῆ ἀπόλυτῃ ΠΑΨΑ. Denique inter Terram antediluvianam, atque eam quam nunc incolimus, clarum & apertum Discrimen facit, ὁ τότε κόσμος, — οἱ δὲ νῦν ἐργατοί, ἡ γῆ. Adeo ut recte & sapienter Philo ex primævâ illâ in Diluvio resolutâ Tellu-

† *Ap. Græbium in Spicileg. Patrum.* p. 351.

\* Νέας [τῆ γῆς] ἀναφανείσης. De Vita Moïsis, L. 2. p. 663.

|| Καὶ αὐτῆς τῆ γῆς τὴν ἀφάνισμον. Homil. 22. in Gen. V. Op. Tom. 2. p. 262.

† Ἀναστροφῆς. Ibid. p. 266.

rem novam emerfisse\* : & D. J. Chrysostomus uti Generis humani, atque Animalium, ita quoque & ipsius Telluris Abolitionem ||, & ejusdem postea *Instaurationem* † contigisse statuit. Cum veteribus illis Iudæi etiam recen-

tiores plerique eandem plane Doctrinam tueantur. Quanquam enim non nôrint quousque Dissolutio pertigerit, Dissolutionem tamen aliquam revera accidisse affirmant. *Hebræi dicunt quod tres Palmi de Superficie Terræ fuerunt labefactati, & in Aquam conversi; & ideo dicitur, Gen. vi. 13. & Ego disperdam eos CUM TERRA\**. Huic congruum est quod vocant *Hebræi Diluvium*

\* *Lyræ. in Gen. vi. 13.*



vium לִבְנוֹ, *cujus Etymologia secundum R. S. ducitur à לָבַב, confundere; quia per ipsum hæc inferiora omnia fuerunt confusa. Kimbi vero ducit à radice לָבַב, quod significat defluere & marcescere* \*. Præterea, quod Arbores in Terra omnes fuerunt per aquas Diluvij eradicatæ, Rabbi-  
 norum assertum est †. Arborum, speciatim Oleæ, post diluvianarum Aquarum Recessum, Conditio & Positura.  
 Arbores igitur à dissolutâ Terrâ ita desertæ, & sublapsæ, post Aquarum Recessum pleræque grandiores, ampla, & late extensa Caccumina habentes, ita jacebant, ut earum Rami ad altitudinem magnam in Aquis, posteaque, Aquis regressis, in Aere, extendebant \*. In hoc Situ probabile esse existimo, Oleam illam jacuisse, ex quâ Columba excerptum Folium Noacho adduxit. Gen. viii. 11 †. Vehementer autem contendit D. Camerarius, vel solum illud Oleæ folium, quod Columba redux Noacho attulit, firmiter evincit mansisse terram integram, Arboremque illam radicibus suis illi constanter sub ipsis Diluvij undis infixam mansisse \*. Et Ratio, quam Ipse ejus reddit, hæc est, Si enim, inquit, illa Arbor nasset, folium ejus non indicasset Noacho reductam terræ Siccitatem †. Neque quidem Noachus tale quidquam inde inferebat; id tantum conjiciebat, Aquas eousque alleviatis ||, & diminutas esse, ut Arbores apparere cœperint. Istud autem inde

\* Munster in Gen. vi. 17.

† Id. in Gen. vii, 18. & viii. Arborum, speciatim Oleæ, post diluvianarum Aquarum Recessum, Conditio & Positura.

\* Geogr. Phys. p. 219.

† Ibid. p. 219.

\* Dissert. Epist. p. 344.

† Ibid. p. 344.

|| Gen. viii. 8, 11.

\* J. Raij  
Histor.  
Plant.  
Vol. II.  
P. 1541.

Mosaica  
Narratio-  
nis hac de  
Re Consi-  
deratio.  
\* Gen. vi.  
13. ix. 11.  
† Geogr.  
Phys. parte  
2.

cum pari Rationis specie conjicere po-  
tuisset, si Arbor in Terræ superficie re-  
cubuisset, ac si stetisset, erectaque fuisset. *Olea enim quandoque procera est & præ-  
grandis, (ut recte Stapelius) Ramis in latum  
amplumque diffusis* \*. Et proinde Rami  
illi, qui forte superiores essent dum Arbor  
inclinata jaceret, tantum ex Aquis  
eminerent, quantum alij quivis, si Arbor  
adhuc staret. Adeo ut ex harum uno  
Columba Folium decerpere potuisset,  
eodem, ante Regressum Aquarum, Tem-  
poris spatio, ac si Arbor tum erecta  
fuisset, & solo infixæ. Moses ipse de  
Situ & Conditione Oleæ nihil diserte  
dixit. Si vero illa Ejus Terræ *Perditio* \*  
Ejusdem *Dissolutio* fuerit, quod Ego qui-  
dem mihi videor probasse †, Arborem  
illam tum non stetisse certum est. Quod  
ad Noachum attinet, ex hac ipsâ Histo-  
riâ manifestum est quod, quæ extra Arcam  
eodem tempore agerentur, Ipse penitus  
ignoraret. Si ne Aquas quidem diminu-  
tas esse sciret, donec Columbam id ex-  
ploratum emisisset, multo minus proba-  
bile est, ut Terram dissolutam, & Arbores  
omnes prout fors tulerit actas esse, cog-  
nosceret. Si itaque Oleam tum stare  
credidisset, quod tamen non constat, id  
sane ad rem præsentem nihil fecisset ;  
neque certè ille Ejus Error pro Argu-  
mento contra me afferri potuisset.

Hanc



Hanc rem prius mittere non possum, quam unum observavero, quod quidem Observatione

dignissimum existimo. Etiam si ab Oleario, Tavernerio, Chardino, alijsque, magnam harum Arborum Copiam in Persiâ, alijsque locis longè distantibus, extare intelligamus, nullæ

tamen Oleæ jam in totâ illâ Regione nascuntur ubi Arca requievit: Indeque factum est, ut multi valde admirati sunt, unde Columba Folium ac-

*Oleæ in Ararathi Viciniâ sub Diluvio extirpatæ, cum in illâ Regione nullæ hodie crescentes reperiantur.*

† Il n'y a point d'Oliviers ; ce qui fait, que plusieurs s'estonnent ou la Columbe peut prendre le Rameau qu'elle apporte à Noë. Les Voyages & Observ. du Sieur de la Boullaye 4°. p. 85.

ciperet quod ad Noachum attulit †. Ista autem Difficultas statim cessabit, omnisque de Rei ipsius Veritate Suspicio tolletur, si Res ipsa ritè consideretur, & repræsentetur. Fortassis enim magni Harum Numeri in illa Regione ante Diluvium creverint ; quæ tamen omnes tum extirpatæ, vel in profundâ Terrâ defossæ, vel ad Superficiem sitæ, fuerint. Neque quisquam admirari debet, si Oleæ Ararathi idem subirent Fatum cum Pinibus Anglicis, quas tam frequentes in palustribus Locis submersas reperimus, cum tamen nullæ hic nascantur, nisi quæ plantatæ, Arteque educatæ fuerint \*.

Et in hoc quidem casu, necesse erat Oleam ex quâ Columba Folium decerp. sit, non tum stetisse, sed recubuisse. Neque Electioni forsan debebatur, sed for-

tuitò potius accidit, ut Columba Oleæ Folium afferret; aliud enim quodvis ei rei æquè commodè inferviisset, & Aquas imminutas esse indicâisset. Verum probabile est Oleas illic frequentissimas jacuisse, & Folium illud se primum obtulisse. Quod si parum referebat quodnam afferretur Folium, non necesse erat, ut Columba Folij hujus petendi gratia in Persiam, aliamve Regionem longinquam, Iter fusciperet. Præterea Folium ab aliâ Regione petitum Rem quæsitam non indicâisset. Terra enim non æquabilis erat, sed aliæ ejus Regiones altiores, aliæ depressiores erant; & propterea Folium à Regione procul distante petitum, signo fuisset Aquas, in illâ Regione, si ullas, parcas admodum, minimèque profundas esse: nequaquam vero ubi Arca requievit, & Folium illud non erat decerptum.

II. Hæc



II. **H**ÆC, quibus alia multa addi possent, Specimina abundè ostendunt, quâ Diligentia doctissimus Camerarius Scripta mea legisset, & quam Veritatis rationem habuerit, cum Doctrinam meam refellendam susciperet. Neque aliud quidquam jam restare videtur, nisi ut, quæ sit Ejus in his Rebus Peritia, paucis quibusdam Exemplis, idque quam brevissimè, ostendam.

II. *Dissertationis  
hujus Pars  
altera, in  
quâ de D.  
C. Hallucinationibus,  
& temerario de his  
Rebus Judicio, agitur.*

1°. Etenim cum Res Naturales in medium promiscuè effundat, & inter se Naturâ diversissimas, nullâque Affinitate conjunctas, in eundem Ordinem & Seriem redactas exhibeat, qui Hominem non nōrunt, facile suspicarentur hæc vel ex Rerum Ignorantia profluxisse, vel Studio quodam, & Industriâ parum ingenuâ, facta esse, ut, quam moverat, Controversia ab aliis minus intelligeretur. Si quis hujus rei Exemplum requirat, ut alibi passim, ita pag. 298, & 299. reperiet; ubi Testas, Corpora in Testis formata, & Lapides, nativæque Fossilia, quæ se mutuo nullo Naturæ nexu attingunt, quasi Res ejusdem omnino Classis, simul exhibuit.

1°. *Res Naturâ longè  
diversas  
promiscuè  
exhibet.*

Isti Rerum Confusioni addi possent Nomina monstrosa illa, quæ recenset, Nomina, à cerebrosis hominibus excogitata, & imposita; qualia sunt, *Ombria, Brontia, Gryphites, Hysterolithos, Bucardites, Balanoides*, & alia; Quæ quidem Nomina

*Nomina  
Rerum imposita,*

nec quidquam per se docent, neque ad Rerum, quibus imposita sunt, Constitutionem, aut Proprietates intelligendas, quidquam conferunt. Physici certè est Res, haud ita vulgò notas, describendo declarare : non Nominum, nullam omnino vel harum vel aliarum quarumvis Rerum Naturam, aut veram Idéam Lectorum animis repræsentantium, Caligine tectas, obscuriores reddere :

*Non Fumum ex Fulgore, sed ex Fumo dare Lucem.*

2°. *De Conchyliorum*, 2°. Sed ne diutiùs in Ordine, Nominibusque Rerum recensendis immoremur, inter *Fluctuum, Lapidumque vim, Integritate servandâ, D. Camerarius* ad Res ipsas veniamus. Rogat cel. *Camerarius*, quâ specie supponatur Conchas, unâ fundum petentes, idemque Stratum ob eandem Gravitatem Specificam formantes, ne tum quivandâ, D. dem fuisse diffractas, quod & inter subsidentum allidendo debuisset fieri in agitatibus confusè *Fluctibus*? — Quin & solo suo Pondere ista Lapidum Massa immixtas fregisset Conchas, atque in Frusta comminuisset \*.

\* p. 309,

310. *conf.*

296, 297.

Ut non frangerentur omnium minimè fieri potuisse existimat, id quod propterea non semel objicit. Isti verò Objectioni toties repetitæ hoc satis esse debet, quod tantus Concharum Integrarum, neque parte aliquâ infractarum, Numerus, etiam in densissimis, durissimisque saxis, reperiatur. Neque quidem Rem ita se habere diffitetur. Dicamne, inquit, nulla ibi vera marina Corpora re-  
perta?



perta? Absit post tot celeberrimi Viri, immo  
verò omnium Hominum in omnibus ter-  
rarum Orbis Regionibus, *Observationes* \*. \* p. 346.

Dein sibi, *Quâ ratione in Terram, Strata,*  
*illasque Regiones Conchæ pervenerunt,* inter-  
roganti, ita respondet, *Multa forsân, imò,*  
*si ita velis omnia, aut pleraque saltem à Di-*  
*ludio, eò sub istis Terræ hiantis Fissuris præ-*  
*cipitata, Stratisque interposita, cum illa essent*  
*adhuc mollia fluidaque †.* Quid ego hîc † *Ibid.*

faciam? Cum ipse ita à se dissentiat, cur  
ego me Liti immisceam? Conchas re-  
verà in Stratis reperiri agnoscit: & quâ  
ratione ipsæ eò illatæ fuerunt ostendit;  
Eas in Stratis scilicet dum *mollia*, adhuc  
*fluidaque* essent, à *Diludio* interpositas esse.  
Et tamen omnino nescit quâ Veri simili-  
tudine supponi potest, *Conchas unâ Fun-*  
*dum petentes, idemque Stratum formantes, non*  
*tum fuisse diffractas, perditas, Lapidumque*  
*Allisione, & Agitatione, in Frusta comminutas* ||. || p. 309,  
Ad alia ergo pergamus. 310.

3°. Quæ vulgo dicuntur Glossopetræ, 3°. *De*  
hic in plerisque Angliæ partibus erutæ, *Glossope-*  
uti etiam quas ex Insulâ Melitâ, alijsque *tris, earum*  
locis multis, allatas habeo, ipsissimæ Ca- *Natura, &*  
num Marinorum, similiumque Piscium *Origine.*  
Dentes sunt. Neque fanè, ex ipsius D.  
Camerarii verbis Judicium faciens,  
dubitare possum quin Illæ insuper,  
quæ circa *Montem Pessulanum* effodi-  
untur, etiam Animalium Marinorum  
Dentes sint, quanquam Ipse de his val-  
dè fluctuet. Quo enim argumento  
adductus

adductus de his dubitat? Hoc scilicet, quod in Earum Distillatione Salem Volatilem, Spiritum, & Oleum non eâ quâ expectabatur copiâ edebant; Quanquam Phlegma quoddam Urinosum præberent, quod non obscuro saltem Salis Volatilis  
 † p. 272. Animalis indicio † esse posset. Sin verò Eas ex his Indiciis Animalium Dentes esse Ipsi certò non constet, cum tamen ex Minerali aliquo vel tale Phlegma extrahi non possit, proinde has Res aliunde, potius quam ex Terrâ, originem suam habuisse verisimile videtur. Et profecto, si quis hujusmodi Explorationes fecerit, nisi varias Rerum Circumstantias observaverit, & inter se contulerit, parum demum Certi, Utilitatisve inde eveniet. Quàm facilè, citòque Volatiles cujusvis ferè Corporis Particulæ sponte suâ avolent, & exhalentur, nemo est qui nesciat. Neque certè quisquam tantam Harum copiam ex Dentibus his, plus quater mille annorum spatio in Terrâ obrutis, expectaverit, quantam alii eorundem generum, ex ipsis Animalium Oribus extracti præbeant. Cl. Camerarius, si de hac re fortè dubitet, experiatur, an ex Ossibus, vel Craniis humanis diu sepultis, atque ex recens mortuis, parem Salium Quantitatem elicere poterit.

Fabii Columnæ hac de re Opinio asserta; Ejusque Fama vindicata.

Isti autem Argumento aliud addit, quod non in Carbonem, (quod falso Fabius Columna notaverat) sed in Calcem fatiscunt



*tiscunt Glossopetræ* \*. Nam quas F. Co- \* p. 273.  
 lumna ex Melitâ allatas habuit, *Ustione in*  
*Carbonem, prius quàm in Calcem, aut Cineres*  
*abijisse* dicit †, uti Ossa, Dentes, Cornua, † F. Col.  
 aliaque similis Animalium Substantia, *De Glossop.*  
 solent, atque propterea Eas ex hac Sub- *Dissert. sub*  
 stantiâ constitutas esse existimat, & non *fin. Lib. de*  
 naturâ suâ Saxa esse, quæ *Purpurâ p.*  
*non in Carbonem, 31.*  
*sed in Calcem abeunt* ||. Sed D. Camerarius || *Fa. Col.*  
*Columnam falsum* esse ait, qui *Glossopetras ibid.*  
*in Carbonem abire docet.* Unde verò id  
 certò novit? Num ex Montis Pessulani  
 Glossopetris, quæ in *Calcem* resolvuntur?  
 Si hoc Ipse affirmaverit, Credam. Sunt  
 tamen quædam, quæ quoque prius certò  
 nōsse, & diligenter considerâsse debuerat,  
 quàm F. Columnæ, non Judicium, sed  
 Fidem in dubium vocasset. Ut alia o-  
 mittam, certò cognovisse debuerat, si in  
 Locis inter se valde dissimilibus, & diver-  
 sis Materiæ generibus sitæ reperirentur  
 Glossopetræ, annon ab illâ Locorum, &  
 Materiæ Diversitate, ita variè tandem affi-  
 cerentur, ut Ustione alteræ in *Carbonem*  
 abirent, alteræ verò in *Calcem*. Id porro ob-  
 servasse debuerat, quòd idem Corpus, in  
 eodem Igne, si remissiori, vel breviori  
 Temporis spatio manserit, in *Carbonem*:  
 sin verò intensiori, vel diutius manserit,  
 in *Calcem*, abibit. Quod quidem per se  
 obvium est: & Columna ipse submo-  
 nuisse videtur. Ut autem de Fabio  
 Columnâ hîc aliquid addam, Is natu no-  
 bilis erat, & præstantis Ingenij Vir.  
 Erat

Erat quoque apprimè eruditus: & diligentius, accuratius, feliciusque, quam alius fere eorum temporum quisquam, Studia Naturalia profecutus est; quod ea, quæ post se reliquit Scripta, quibusque de Posteris omnibus optimè meritus est, abundè testantur. Æquales Ejus Eum acerrimum Veritatis Investigatorem, Fidèique summæ Virum existimârunt; quas Laudes etiamnum, centum ferè annis mortuus, habet. Cum celeberrimus itaque Camerarius talem Virum, sine certo aliquo rei Testimonio, de Experimento ab Ipso factò *Falsi* insimulet, id certè facit, quod Ingenuum, Eruditumque hominem minus deceat, & quod talibus parùm gratum esse poterit. Neque hunc solum, paullò vetustiore, sed ex recentioribus, atque adhuc vivis, & Doctrinæ, Judiciique sui Famâ clarissimis, non paucos in his *Dissertationibus* suis liberius tractavit: idque, uti mihi saltem, & fortasse candidi Ingenij alijs, videtur, non quia Ea quæ docuerint Rerum Veritati apertè repugnarent, sed ideo tantùm, quia Illorum Opiniones à suâ discrepant.

4°. De Tel-  
luris, tem-  
pore Dilu-  
vij, Dissol-  
utione.

4°. Quod ego de Terræ, Fossiliumque omnium, Dissolutione scripsi, id doctissimus Camerarius ægerrimè ferre potest. Si in ipso Terræ gremio vera reperiuntur *Marina*, — tamen non sequitur, Terram ideo fuisse  
\* p. 287. *dissolutam in Diluvio* \*. Hujusmodi Dissol-  
† p. 326. *utionem gratis suppositam* appellat †, & tanquam



tanquam nullâ Veritatis Specie nixam exagitat. Priusquam verò in hanc Propositionem tam vehementer invec-tus esset, ostendisse debuerat, quo pacto absque ejusmodi Dissolutione, Concharum, Cochlearum, Echinorum, aliorumque Animalium marinarum Testæ, ita, ut jam reperiuntur, Lapide, Silice, Fluore, aliâ-que Minerali Metallicâque Materiâ exactè implerentur : unde factum est, ut Lapidum, Silicum, Fluorum, aliorumque Mineralium, Metallicorumque Corporum, passim erutorum Superficies, Formas, atque adeo tenuissima harum Testarum Lineamenta, sibi impressa repræsentarent : quo denique modo fieri potuit, ut tanta Copia, Varietasque Testarum marinarum in Saxorum, aliûsque ferè omnis Materiæ terrestris Strata demergerentur, & cum ijsdem ita intimè, penitissimèque commiscerentur, ut Massam unam æquabilem constituerent ; etiam in locis ab omni Mari remotissimis, & ad imam usque, quâ Fossorès per-venerunt, Terræ profunditatem ; exposuisse, inquam, debuerat, quo pacto hæc omnia, sine Telluris & Fossilium Dissolutione, fieri potuerint, priusquam Sententiâ solâ, Authoritateque suâ, damna-set Hypothesin illam meam, quâ Horum omnium Ratio redditur Methodo planè facillimâ, simplicissimâ, & ad ipsius Naturæ Normam exactâ.

*Corpora  
Terrestria,  
& Minera-  
lia in Di-  
ludio disso-  
luta, sed  
non Ani-  
malia, aut  
Vegetabi-  
lia.*

\* p. 307.

Rebus firmissimis in Diluvio resolu-  
tis, teneras permanere potuisse integras,  
nec credit Ipse D. Camerarius, neque  
alios facile credituros putat. *Quisquis  
enim conferat solidissima Marmora, Saxaque  
prædura, cum Concharum Testis teneris, haud  
facile induci se eò patietur, ut credat posse has  
integras manere, nec dissolvi ab Agente om-  
nia in Pulverem redigente Marmora* \*. De  
hoc autem Is fortè minus mirabitur, qui,  
quod in multis locis videre est, vel ob-  
servavit, vel ab aliis observatum acce-  
pit, quòd nempe cum exteriores Mar-  
morum, atque durissimorum Saxorum  
Partes, Aeri, aut Halitui Maris acri &  
falsuginoso diu expositæ, sensim attritæ,  
& exesæ deciderint, Testæ in iisdem con-  
tentæ, non modò in Eorum Superficie  
existent, sed sæpe diu postea integræ, vel  
leviter tantum ab eodem Aere, Salibus, &  
Halitu læsæ maneant. Hoc si Vir ille  
cæteroquin scientissimus novisset, & se-  
cum perpendisset, Ipse utique hanc Du-  
bitationem suam sibi ademisset. Quod  
autem ad veram ipsius Diluvianæ Dissol-  
utionis Causam, ejus Rei Expositio  
amplior est, quam ut eam vel Libri illius,  
vel Dissertationis hujus Modus, caperet.  
Id quod utrisque effectum volui est, ut  
ostenderem Terram, Fossiliaque omnia  
in Diluvio fuisse resoluta: Testas verò,  
cæteraque Animalia, Vegetabiliaque Cor-  
pora non fuisse resoluta; quod qui-  
dem abundè ostensum, & probatum puto.

Ut



Ut tamen hîc aliquid illis addam, quæ ad hanc doctissimi Camerarij Objectionem jam supra retuli, hoc porro considerare debet, quod Corporum illorum Textura & Constitutio varia, & inter se maximè diversa sit; quòd scilicet Animalium & Vegetabilium Partes fibrosæ sint, earumque Fibræ connexæ, complicatæ, varijsque modis contextæ: Fossilium verò, vel durissimorum Partes tantùm sint contiguæ, nulloque inter se nexu invicem constrictæ. Quam Corporum istorum Differentiam qui ritè secum perpende-rit, non ita difficile forsan existimabit invenire, quâ de Causâ Hæc omnia statim resolverentur, dum Illa, ne levissimè quidem læsa, in pristino suo Statu integra manerent. Si ergo celeberrimus Camerarius posthac unquam hoc Argumentum denuo tractandum suscepit, quod ne faciat amicè Eum hortor, & admoneo, nihil quidquam somniet de *Menstruo quod totum Globum Terrestrum resolvat*. Sunt quidem alij qui hoc fecerunt, qui tamen nihil Doctrinæ meæ offecerunt, sed tantùm suam, tum Virium Naturæ, tum Operationum Menstruorum Ignorantiam prodiderunt. Id quoque meæ hac de re Doctrinæ objicit, quòd *Dissolutio Globi fuisset Destructio primæ Creationis* †. Hoc ego Ipsi facilè concedo; † p. 344. cum nihil aliud sit quàm quod Natura ipsa monstrat, & Moses docet; Ipseque conatus sim ostendere, Diluvium indutum, Globique Dissolutionem, eo ipso Consilio

Consilio Divino factam fuisse, ut *Primæ Creationis Destructio* foret, *Geographiâ Physicâ*, à pag. 71. ad p. 84. Quod ergo ego in intermedijs illis paginis scripseram, Ille considerasse, & refellisse, non tanquam rem integram in medium protulisse, debuerat.

5°. De  
Abyssò, seu  
ingenti il-  
lo Aqua-  
rum sub-  
terranea-  
rum The-  
sauro.  
\* p. 318.

5°. Clarissimus Camerarius *avidè expectare se fatetur Argumenta Sphæram illam Aqueam Centralem probantia* \*. Ego verò non opus esse puto, ut hîc proferam Argumenta aliqua nova, neque ea speciatim quibus, si cum Otio Vitam Deus mihi concefferit, hujus rei Veritatem aliquando certiores redditurus sum, cum, quæ in Libro meo ediderim, eam certam satis claramque reddiderunt. Siquidem doctissimus Camerarius Argumentis illis animum diligenter advertisset, vix dubitare possum quin iisdem libenter acquievisset. Quod cum non mihi videatur fecisse, ex Illis duo hîc denuo proponam; quorum altero Aquæ Terram Diluvij tempore obtegentis Quantitas, altero autem Locus, in quo Aqua illa reposita jam latet, ostenditur.

De harum  
Aquarum  
Quantita-  
te.

† Vid. p.  
33, 34, 35,  
supra.

Prius horum quod attinet, de eo ex Stratorum, & Rerum in Tellure, ita ut in multis Locis videmus, Serie ac Methodo regulari, & juxta Gravitatum suarum Ordinem sitarum †, Contemplatione Judicium fieri potest. Ad hoc enim efficiendum immensâ Aquarum Quantitate opus fuisse certissimum est. Talis Rerum Dispositio,



Dispositio, qualem nunc passim cernimus, nullo modo fieri potuisset, nisi Fluidum fuisset tenuissimum: nisi solutæ terrestres Particulæ à se invicem justo Intervallo distitissent: & denique, nisi earum Descensus fuisset magnus, seu Locus, à quo primum subsidere cœperunt, ab illo, in quo tandem quæque ordinè suo requiescerent, procul abfuisset \*.

Horum autem nihil fieri potuisset nisi Aquæ illæ terrestrem Materiam Quantitate longissimè superassent. Sin hoc supponamus, Phæno-

\* Hoc erat omninò necessarium ut Graviora Corpora, ex tantà Descensus Longitudine, Tempus haberent Leviora cursu superandi, & intervallo aliquo prævertendi; Aliter enim inferiùs non collocata essent.

meni hujus Expositio facilis erit. Cum *De Mo-* Velocitas Descensus Corporum in Aquâ *mentis* subsidentium diversa sit, pro diversâ ip- *Gravi-* *um in* *Fluido de-* *scendenti-* *um.* *ut,* ex illis quæ e. gr. ejusdem Magnitudinis & Figuræ fuerint, simulque, & ab

eadem ferè Altitudine subsidere cœperint, Graviora quæque celerius descenderent, & in imo forent sita. Cum tamen illa Corpora adeo inter se Gravitate differ-

rent, fieri non potuit quin Graviora, in Descensu suo in Leviora identidem inci- \* Ex his dentia, non parùm impedirentur, & Mo- Eorum Collisioni- bus necesse tu suo retardarentur: Leviora autem, erat ut in Graviorum Impetu, accelerentur \*. Post- Sedimen- to Confu- sio aliqua, & Inæqua- litas acci- quam verò Graviora ad Metas suas, five deret. Aquarum Fundum pervenissent, Leviora deinceps ordine suo descendere pergerent, nisi ubi ita contigerit, ut, tantà Materiâ terrestri inter Graviora & Le-

viora subsidente, quanta spatium illud intermedium adimpleret, utraque Corpora eodem tempore subsisterent. Siquidem Impedimentum tale nullum intervenire, duo ejusmodi Corpora in Fundo collocata non magno à se invicem Intervallo distarent †; Sin

† Adeo ut, Graviora, Levioraque Corpora aliquando prope se invicem, atque in eodem Strato sita reperiuntur, etiam si Subsidentia ad Gravitatis Leges exactissime facta fuisset, & quanquam illa diversæ Gravitatis Corpora per maximum Fluidi Spatium decidissent.

vero Eorum Levius ita impediretur, Majori supra Gravius Intervallo collocaretur. Sed si qua duo Corpora Gravitatis non valdè imparis fuerint, necesse erat ut horum Gravius per magnum Fluidi Spatium

descenderet, prius quàm alterum illud, paullo Levius, Distantiâ aliquâ magnâ post se relinqueret. Et tamen ex his Corporibus Gravitate ferè paribus, Graviora in Stratis magno Intervallo infra Leviora reposita videmus; Unde hæc duo Corpora per immensam Fluidi Massam descendisse liquet. Hæc omnia si attentè consideremus, ex ipsis abunde constabit, non nisi in Abyssi totius, vel talis Aquarum Orbis qualem ego suppositum exhibui \*, Aquis, tantum Opus transigi potuisse. Quod per se satis Consect. 1. ostendit Abyssum talem reverà extitisse.

*De duplici Aquarum Incremento à Mose assignato. Atque obiter de Mosaicâ Telluris Origine, & Chao Veterum.*

Postquam Diluvium quadraginta prioribus ipsius diebus invaluisse, itaque Aquæ multiplicatæ essent, ut



ut Operti sunt omnes Montes excelsi sub universo Cælo; Et quindecim Cubitis altior fuit Aqua super Montes \*, quæ Inundatio ideo \* *Gen. vii. v. 17, 19,* facta est, ut in eâ Homines, & Animalia omnia terrestria perirent, Aquæ <sup>20.</sup> denuo *invaluerunt*, idque, uti credibile est, multò majori Dierum numero. *Centum & quinquaginta Dies* † in toto memo- † *Gen. vii. 24.* rantur. Horum quadraginta prioribus e-  
ducebantur Aquæ ex Abyssò, quæ, cum Aquis pluvialibus, Montes operiebant. Illis verò qui deinceps secuti sunt Diebus, Terra illa primitiva dissolvebatur: quæ tum in Abyssò restabant Aquæ erant eductæ: dissoluta Terræ Materia in Aquis sustinebatur, posteaque præcipitata, & in novum Terrarum Orbem disposita, compactaque erat. Adhuc tamen novi hujus Orbis Status idem qui prioris recens creati || fuerat; *Sine Forma erat*; || *Gen. i. 1.*  
\* eâ nempe Formâ destitutus, quæ Ipsum \* *Gen. i. 2.* Habitabilem, & in Usus illos, ad quos condebatur, commodum redderet. Superficies ejus *plana*, æqualis, *sphærica*que erat: *nec fracta*, ut nullos Colles, Valles, Cavernas vel Fissuras haberet †; † *Geogr. Phys. Part. 2. Conf. 5. p. 67.*  
quæ omnia omnino necessaria erant ad Animalia, Vegetabilia, & Mineralia producenda & alenda. Erat etiam, instar Prioris, *vacua* \*, dum Aquæ illæ omnes, \* *Gen. i. 2.* quæ mox in Abyssò, tum *vacuâ*, sub Terrâ recondendæ erant, extra Terræ hujus Superficiem remanebant: & donec hæc Sphæra terrestris, quæ Crustæ, vel

\* *Geogr. Phys. Part.* Putaminis instar erat, dirumperetur \*,  
 2. *Conf.* 6, Colles elevarentur, Valles deprimeren-  
 8. p. 67, tur, & Fissuræ essent factæ, per quas A-  
 68. quæ in Abyssum erant descensuræ. Post-  
 hæc verò Aquæ, Jussu Divino recedentes,  
 † *Gen. i. 9.* congregabantur in unum Locum † ; in Abyf-  
 || *Geogr. Phys. p.* sum nempe subterraneum ||, & quæ  
 102, 140, ei tanquam Appendix sunt, *Maria*, ut  
 141. antea sub veteri Terra: & apparuit *Arida*.  
 Tandemque Terra *Formam* absolutam, &  
 Habitationi commodam obtinuit. De  
 hac re totâ ego aliquando aliquid ampli-  
 us addam; interea vero quæ jam scripsi  
 apertè satis Authoris sacri mentem de-  
 clarant, ubi aptissimè dicit, *Terram sine*  
 \* *Gen. i. 2.* *Formâ, vacuumque fuisse* \*. Ex hisce Mo-  
 sis verbis *Chaos* suum finxerunt Ethnici;  
 quos Philosophi recentiores plerique  
 sunt secuti. Nec Theologici quidem, seu  
 Judæi, sive Christiani Scriptores, Locum  
 illum satis intellexisse videntur; quia  
 nimirum veram Globi terrestris Fabri-  
 cam & Constitutionem non intellige-  
 bant: neque Mosaicæ ejus Rei Descri-  
 ptioni, paucissimis quidem, sed exquisi-  
 tissimis aptissimisque Verbis conceptæ,  
 satis diligenter attendebant. Denique  
 posteriori aliquâ, hujus 150 dierum spatii,  
 parte Aquæ sedabantur, & eo usque de  
 Terrâ exhauriebantur, donec earum Su-  
 perficies ad eandem circiter altitudinem  
 descendisset, ad quam 40 primis Diluvij  
 diebus ascenderat, & Arca Montem *A-*  
 † *Gen. viii. 4.* *rarathi* † attingeret, ibique tandem sub-  
 sisteret.

Secundum



Secundum verò quod hîc repetam Ar- *De Loco*  
 gumentum, quo talem Aquarum Massam *quo hodie*  
 extitisse probavi, & Locum, in quo ea *asservan-*  
 jam reposita asservatur, indicavi, à Terræ *tur istæ*  
 Motuum consideratione ducitur. Quod *Aquæ.*  
 enim Motus illi Aquarum vi fiant, ego *Atque ite-*  
 Argumentis, uti puto, satis firmis pro- *rum de*  
 bavi. Ex his autem cum non pauci me- *Terræ mo-*  
 morentur, quibus multa Globi Milliaria, *tu quæ-*  
 eodem temporis momento succussa, tre- *dant.*  
 muerunt, inde necesse est ut Aquæ, quæ  
 Succussionum illarum Causæ erant, non  
 solum moto illi Globi spatio Amplitudine  
 pares sint, verum etiam ut illa Aquarum  
 Moles unum continuum Corpus fluidum  
 sit, non in Partes divisa, itaque in Re-  
 giones distincta, ut quæque ejus Portio  
 seorsim Caveâ suâ inclusa contineatur.  
*Neque desunt Exempla concussi totius Globi,*  
*quæ pariter totius Abyssî Agitationem argu-*  
*unt †.* Effectus enim tam late extensus *† Geogr.*  
 non nisi à Causa movente æque extensâ *Phys. P.*  
 proficisci potest; quæ scilicet Tellurem to- *120,*  
 tam ita simul afficiat; neque id effici potuit  
 sine tali Aquarum Orbe qualem ego de-  
 scripsi. A certissimæ Fidei Scriptoribus,  
 atque etiam ab ipsis Testibus oculatis,  
 accepimus, Motus in temporibus no-  
 stris contigisse, & quos propterea doctis-  
 simus Camerarius ignorasse vix potuit, à  
 quibus Terra ita Undatim, tantaque Vi  
 agebatur, ut Fluctus Maris forti Vento  
 actos exactissimè referret. Qui hoc præ-  
 sertim Phænomenon diligentius conside-  
 raverit, Is non solum Terram in se A-  
 quarum

quarum Abyſſum complecti, & ab ejuſdem Abyſſi Aquis moveri agnoſcet: ſed etiam facilè mecum credet hanc terreſtrem Globi Partem non niſi tenuis Putaminis inſtar eſſe, quod, cùm immenſam Aquarum Maſſam arctè undique complectatur, ab iiſdem Aquis, vehementiùs motis, eodem planè modo movetur & agitatur, quo Aquæ illæ incluſæ moventur & aguntur. Ut primitivæ, ſub quâ Abyſſum fuiſſe nemo dubitare poteſt, ita ſecundæ quoque hujus Terræ Uſus erat, ut Hominibus Habitationi eſſet, ut Vegetabilia, cæteraque omnia ex ſe ederet, quæ Hominibus, & Animalibus in Hominum Uſum creatis, Alimento, Tutamini, vel Commoditati forent. Quem in finem Cruſtâ terreſtri craſſiori non opus erat; tenuior, qualis eſt illa quæ jam obtinet, optimè inſerviret, Aquâ Globi Partem longè maximam conſtituente. Porro craſſior perpetuo

\* Conf. p. 72, 73. in fra. Vaporum Tranſitui \* obſtetiſſet, omnemque illam, quæ Vitæ Humanæ, & Rebus ex Tellure natis adeo neceſſaria eſt, Communicationem Abyſſi & At-

† Ibid. moſphæræ, intercepſiſſet †. Huic autem

*De Abyſſo, & terraquei Globi Structurâ, concors Naturæ, & S S. Literarum Teſtimonium.*

terraquei Globi Delineationi, ab ipſius Naturæ Contemplatione ductæ, exactiſſimè conformis eſt iſta ejus Deſcriptio, quam illuſtris ille Arabum Philoſophus, Jobus, uti & Moſes, Davides, Hebræo-



Hebræorumque cæteri, dederunt. Harum enim

*Qui utramvis recte norit, ambas noverit.*

In utrâque exhibetur Abyſſus, infinita fere Aquarum Moles ; Cui Orbis, ſeu Cruſta terreſtris expanſa fundatur, aſtructaque circumjacet \*. Hanc quoque <sup>\* Geogr. Phyſ. Part. 2, 3.</sup> Abyſſum cum Oceano communicare, & Vaporibus, Pluviis, Fontibus, ac Fluminibus, variisque, tum ipſius Orbis terreſtris, tum quoque Atmoſphæræ noſtræ, Phænomenis, & Affectionibus, Ortum præbere, oſtendunt ambæ ||. Atque ut <sup>|| Ibid. Part. 3, 4. Conf. p. 72, 73. infra.</sup> Natura ipſa, ita S S. Literæ immenſam hanc Abyſſum, Diluvii tempore, ſuo Loco eduſtam, & in Telluris Superficie effuſam tradunt : deinde vero ipſam terreſtrem Cruſtam fuiſſe liquatam, diſſolutam, in Aquarum illam Molem aſſumtam, & ſuſtentatam : Materiam iſtam ita reſolutam, omnem, poſtea ſubſidentem, in novum Telluris Orbem, ad iſtius in primâ Rerum Origine conditi Modulū, jam denuo fuiſſe compoſitam & reformatam, ac ſuper Vacuum, Locum Abyſſi capacem, Eique demum recipiendæ idoneum, collocatam & extructam : Sphærâ verum hâc terreſtri tandem fractâ diruptâque, Aquas in Locum iſtum deſcendentes, Telluris Orbem deſiccatum, Rebusque omnibus naturalibus producendis commodum, aptum, diſpoſitumque

\* *Geogr. Phys. Part. 2, 3. Conf. p. 66, 67, 68. supra.* tumque reliquisse \*: Hæc vero omnia, non mechanicè, vel suæ Naturæ Vi & Potestate peracta, sed, eâ ipsâ Ope, Consilioque Divino, quâ in Principio facta erant, nunc iterum de novo formata, absolutaque †. Sed de his, aliisque nonnullis, uberior differendi Locus aliquando dabitur. Neque tamen tantarum, & omnium fere Atmosphæarum, & Affectionum, Ortus ex Abyssis.

† *Geogr. Phys. Part. 2, 3. Meteororum, & omnium fere Atmosphæarum, & Affectionum, Ortus ex Abyssis.* Aquarum Moles ideo solum facta, ibique reposita erat, ut justam Globi Magnitudinem efficeret; Alii enim idonei, & ad Res omnes Naturales producendas, conservandasque necessarii hujus Officinæ subterraneæ Usus sunt. In hac nempe Aquarum Abyssis sitæ sunt Origines, ibique Initia sunt, eorum omnium quæ postea in Terrâ, Telluris Superficie, atque in hac, quâ nos vivimus, Atmosphæaræ Regione aguntur & perficiuntur. Quòd diversis Annis eadem Tempestates tam variæ sint, Annis aliis Frigidiores, Humidiores, minùs Fœcundæ, aut Salubres: contra vero, aliis Calidiores, Sicciores, Feraciores, magisve Salutares sint; hæc omnia Naturæ in magno illo subterraneo Aquarum Promptuario Operationi præcipuè debentur. De Terræ Motibus, Locis ignivomis, & Vaporibus Fodinarum, de Fontium, Fluminum, & Pluviarum Originibus, de Tonicru & Fulgure, de his, inquam, singulis pauca quædam scripsi, eadem Argumenta, uti alia quoque Meteora, Gelu, Ventos, Nimbos, & Procellas, fusiùs expositurus, siquando



siquando Deus Rebus publicis Tranquil-  
 litatem, mihiq̃ue Ea quæ sum meditatus  
 in ordinem redigendi Otium dederit.  
 Jam verò id tantum in genere, & sum-  
 matim dicam, quòd hæc omnia Ortum  
 suum ab Abyſſo ducunt : & quòd, cum  
 ſint inde prodiſſura, certa quædam præ-  
 nuntia Adventus ſui Indicia præ ſe mit-  
 tunt, in Mari, in Lacubus magnis, in  
 Fontibus, in Puteis profundioribus, in  
 Viſceribus Terræ, in Speluncis, in Fo-  
 dinis, priùs obſervanda, quàm in Tellu-  
 ris ſuperficie, vel in Atmosphærâ agere  
 incipiant.

Hoc unum tantum nunc addam, cum ex Abyſſo Halituum, Va-  
 porum, & aquearum Particularum te-  
 nuiffimarum Vis major in Atmosphærâ  
 aſcendat, ut illic, in juſtam quantitatem  
 coacta, Pluviam efficiat, iſte hujus Ma-  
 teriæ Curſus Impetu ſuo, gravescentis  
 Atmosphæræ Impetui contrario, ita At-  
 mosphæræ Vires minuit & infringit, ut  
 tantisper languidiores, minoresque ſint ;  
 Indeque Argenti vivi in Barometro De-  
 ſcenſus fit. Cum enim Argenti vivi  
 Aſcenſus, & in Barometro Suſtentatio,  
 Atmosphæræ gravescentis Preſſioni de-  
 betur, non mirandum eſt ſi, cum Preſſio  
 illa tali Caſu minuitur, Argentum vivum  
 deſcendat. Hæc ſcilicet conſtans certa-  
 que ejus Phænomeni Cauſa eſt, uti ego  
 in Epistoſis quibuſdam ante aliquot annos  
 ſcriptis, & aliquando forſan in lucem  
 prodiſſuris, oſtendi.

Quod

*De Phæno-  
 menorum  
 Baroſcopi  
 Cauſâ.*

*Terra, Terra  
ra Motu-  
um Vi sub-  
ruta, labi-  
tur ali-  
quando in  
Abyssum.*

Quod p. 318. doctissimus ille Vir arguit, *Abyssum Stratis Terrestribus non nisi instabile præbere potuisse Fundamentum*, nihil prorsus contra me facit; idem ipse agnosco. Etsi enim Terra, cum Sphæra vel Sphæroides, ejusque Segmentum quodque Arcus sit, quæ Structura omnium firmissima est, cum tamen tenuis sit, & Vim ab Agente infra se sitâ patiatur, fieri potest, ut Ipsa Ei cedat. Quod sane verbis disertis doceo, — Aliquando perfringuntur Strata, quorum Fundamina inde ruinas agunt, & per Cuniculos quasi suffodiuntur, ut, subrutis his, integer Tractus Terræ Concussioni superinstratus submergatur in Abyssum: Et absorpti Fragminis loco statim surgant Aquæ ex imo, atque Lacum efforment ibi, ubi antea stabat Terra firma & habitabilis. Geogr. Phys. p. 116.

*6° De Sale  
Acidula-  
rum Fomi-  
ze.*

6°. Cur autem id, quod jam prolaturus sum, celeberrimus Camerarius scripserit, non video, & valdè admiror; neque enim contra quidquam quod ego docui faciat, nec cum Rei Veritate conveniat. Verba Ejus hæc sunt, si ex *Abyssò à Diluvio Aqua jugiter Strata permeare non cessaverit, debuisset dudum omne sal ex ijs educere: Nec quidquam amplius ibi hæreret, quod constantem Acidulis saporem posset imprimere* †. Numquid verò ego usquam scripsi, quòd hoc Argumento, si per se firmum esset, refelli potest? De eâ Salis Quantitate, quam Aqua, jugiter Strata permeans, secum inde educit, vel de Tempore

† p. 328.



Tempore illo, quo fal illud totum tandem exhaurietur, nihil usquam proposui. Et proinde si quis alius sit qui de his rebus scripserit, Ei hoc Argumentum considerandum relinquo. Non possum tamen quin, hâc oblatâ Occasione, hoc unum addam, Quòd nempe Aqua illa, seu ex Abyssò, sive, si ita velit D. C. ex aliis quibusvis Locis exorta, & promanans, jam inde à Diluvio Strata permeavit, & ex ipsis Sal secum eduxit, ad hoc usque tempus educit, necdum totum exhausit, neque forsan unquam exhaustura sit. Adeo enim facilè Sal illud liquat, & cum Aquâ commistum simul effluit, eaque in Stratis est Salium Abundantia, ut non metuendum sit, ne Salia, quorum aliqua sunt Vitæ humanæ, ejusque Commoditati, longè utilissima, unquam penitus deficient. Siquis observaverit quanta præsertim Salis Acidi Copia ubique ferè reperitur, is certè minimè metuere poterit, ne inde non sat Salis suppetat ad Fontium Acidulorum Aquas in omnia sæcula faturandas.

7°. Cum clarissimus Camerarius ex *Historiis evidens* esse dicit *Terræ Motibus tot enatos, sublatosque in altum Montes\**, rem mihi planè ignotam narrat, qui Historias illas nondum viderim; & si ex illis aliquas indicaverit, rem mihi valde gratam faciet. Imò verò cùm ego dixissem, *Ne unum quidem exstare in Annalibus Historicis Exemplum authenticum, fideque dignum,*

7°. *Montes non videntur  
Terræ Motuum elevati.*

\* P. 303.

*Montis*

\* *Geogr.* *Montis alicujus per Terræ Motum sublevati*\*,  
*Phys.* p. 96. Ille *unum* saltem ejusmodi *Exemplum* attulisse debuerat. Interea itaque, dum Ipse Authores illos suos excutiat, Eorumque Testimonia in lucem proferat, Mihi ex ipsâ Naturâ, Rerumque terrestrium Statu, Judicium facere licebit. Non est cur ego hîc quidquam dicam de *Monte* illo *Cinereo*, in Regno Neapolitano, cujus Materiam, non à Terræ Motu sublatam, sed à Volcano illic erumpente explosam esse ostendi †. Ab illis usque temporibus, quibus primùm homines in Usus Posteritatis scribere cœperunt, non defuere, qui Res quasque tum ab Hominibus, tum à Naturâ quoque factas, scriptis mandarent, quas Posterorum Notitiâ digniores existimabant. Isti autem, cum res alias multas Memorîæ tradiderint, non semper quia magni Momenti esse videbantur, sed ideo forsan quia rariùs evenerint, vix credibile est ut Majores illas prorsus omitterent, quæ non sine maximâ omnium Admiratione acciderant; quales certè *tot Montium Elevationes* fuissent. Istius quidem *Cinerum Cumuli* Elatio ab omnibus ferè ejus temporis Scriptoribus, & recentioribus nonnullis, memoratur; Montis verò alicujus Exortum nemo unquam, quem ego saltem vidi, memorîæ tradidit. Donec ergo doctissimus Camerarius, aut alius aliquis, ex Authoribus istis nondum Orbi literato notis, ostenderit Alpes, Appenninos, Taurum,



rūm, Atlantem, vel alios, aut Unū  
 faltem Montem aliquem, Terræ Motu,  
 vel aliâ aliquâ Naturæ vi elatum, &  
 constructum fuisse, Ego quidem, illis  
 quæ protuli Opinionis meæ Argumentis  
 fîsus, Montes illos, aliosque omnes simul,  
 eodemque, quo aliàs \* indicavi, tempore \* *Geogr.*  
 factas esse credam. Si enim ex innumeris *Phys. p.*  
 illis Montibus, qui sunt in omni fere *68, 95.*  
 Globi terrestri Regione, & quorum  
 aliqui valde alti, & in longitudinem mag-  
 nam protensi sunt, ne Unius quidem  
 Ortum & Elationem proferre poterit, id  
 certè non leve, ejus generis quod Nega-  
 tivum dici solet, Argumentum erit ad  
 confirmandum meam hac de re Opinio-  
 nem. Nam si Montes, qui ubique re-  
 periuntur, alii post alios, diversisque  
 Sæculis exorti fuissent, cujusque Regionis  
 Incolæ, vel Periculo, vel Metu saltem  
 perpetuo, versati fuissent, omnesque  
 temporum illorum Historiæ has res tam  
 stupendas, & Memoriâ dignas, non pror-  
 sus siluissent.

8°. Ut Montes, ita  
*Insulas* quoque omnes à  
*Diluvio* Originem suam  
 habuisse docui \*. Cele-  
 berrimus verò Camera-  
 rius existimat, Naturam

ipsam sibi recens Exemplum suppe-  
 ditasse, quo Doctrinam illam meam  
 evertat. *Insula illa nova Santorina*, inquit  
 Ille †, *sola etiam, concutere quàm gravissimè* † p. 347,

3°. *De Insularum Origine.*  
*Speciatim de Mole illâ terrestri*  
*in sinu Santoriniano edita, In-*  
*sula à nonnullis dicta.*

\* *Geogr. Phys. p. 44, 68,*  
*69.*

valeat 348.

*valeat totum Systema Woodwardianum.* Si  
 scilicet hæc Balista à strenuissimo Ca-  
 merario intendatur. Age igitur, Vires  
 ejus experiamur. *Insula est lentâ ex Un-*  
*dis emersione facta, tot Motibus Terræ, tot*  
*Mugitibus, Flammisque combinata, tam vasta*  
*tandem, tamque extra Aquas prominens, vi-*  
*cinisque & coætaneis quasi Rupibus juncta* \*.  
 Tormentum certè ingens & formidolo-  
 sum, sed quod tantum abest ut *Systema*  
*Woodwardianum* feriat, ut in Ipsum ne  
 intendi quidem arte quavis potest. Ut  
 enim figuratè, cum elegantissimo Ca-  
 merario, loqui desinam; *Insula* illa tum,  
 cum ego scriberem, nondum nata fuit.  
 Certè non expectandum erat ut ego  
 hanc *Santorinam* postea exorituram præ-  
 dicerem. Hujus quidem similem, nisi  
 quod in Mari non fuerat editus, Cumu-  
 lum, *Montem* scilicet *Cinereum* dictum, tum  
 memoravi. Annon enim talis hæc *Insula*,  
 qualis *Mons* ille *Cinereus*, cujus tum Ma-  
 teriam, tum elevandi Causam exposue-  
 ram? Nonne ejusdem generis utraque  
 sunt, eademque Volcanorum vi eructa-  
 ta? Ita nimirum Montis illius Materiam,  
 Causamque descripseram †, *Quòd aliud*  
 † Geogr. Phys. P. 96. *nihil sit quam Lapidum, Terræ, & Cinerum*  
*ab Ignivomo Volcano ejectorum, Cumulus;*  
 Neque tales quidem alios, eodem modo  
 vel tum factos esse, vel postea orituros  
 negavi. Nec denique negavi Volcanos  
 sub Mare tantâ Vehementiâ sævire, ut  
 pari modo Ejus Fundum perfringant,  
 tantamque



tantamque Materiam ejiciant, quæ Cum-  
 mulum extra Superficiem Maris eminen-  
 tem efficiat; Eorum enim, ubicunque  
 acciderint, Vim eandem esse facile cre-  
 damus. Si itaque clarissimus Camera-  
 rius hujusmodi Tumulos in Terrâ exci-  
 tatos Montium nomine insignire velit,  
 hos quoque in Mari orientes Illi Insulas  
 appellare, per me licebit. Quicquid  
 autem Ipse de his sentiat, aut loquatur,  
 ego id unum rogo, ne Me de indigestis  
 hujusmodi Molibus locutum esse putet,  
 cum Montium, Insularumque omnium  
 Originem ad Tempora Diluviana retu-  
 lerim. Illorum nempe tum Montium, tum  
 Insularum omnium Materia certo quo-  
 dam, & cum Terrâ reliquâ pari Ordine  
 disposita est: & ubique in Strata, alia  
 alijs incumbentia, distinguitur. Iste au-  
 tem tum *Mons Cinereus*, tum quoque *In-  
 sula Santoriniana*, nihil aliud sunt quàm  
 rudes & indigestæ Fragminum, Scoria-  
 rum, Cinerum, & Ruderum Moles.  
 Tantum itaque abest ut Volcanus ille,  
 qui Insulam *Santorinam* excitarit, *Systema*  
*meum totum concutere valeat*, ut ne hanc  
 unam Ejus, de Insularum Origine, Pro-  
 positionem quaterere potuerit; quod Te  
 præsertim, Vir sagacissime, Naturæ studiis  
 versatissime, æquissimeque Scriptorum Ju-  
 dex! & Tecum unà æquos Lectores om-  
 nes agnituros facile sperem. Sin verò  
 hæc tot *Terræ Motibus* inconcussa, tot  
*Mugitibus, Flammisque*, illæsa perstet, qua  
 demum

demum aliâ Machinæ hujus suæ Vi Rei tormentariæ peritissimus Camerarius cæteras evertere poterit? Si libet experiatur, an Argumentis ex hoc Phænomeno ductis ea refellere poterit, quæ ego de Volcanis, de Terræ Motibus, de ea quoque Anni Tempestate quâ ego Diluvium contigisse docui, & quæ de Succino Paradisi Situ, aliisque Rebus multis scripsi. Ea enim quæ de his singulis proposui, *Systematis* illius mei Partes esse non diffitebitur. Siquidem id velit, ea nempe quæ ex hoc Phænomeno eduxit Argumenta, nihilo minùs cæteras omnes Propositiones meas, quàm hanc de Insularum Origine, afficere, hoc ego lubens Ei concedam; Hanc enim minimè labefactarunt, imò Firmiorem potius reddiderunt. Verbo dicam Systema illud totum non mihi soli, sed alijs quoque non paucis Diligentissimis Naturæ Exploratoribus, ita Rerum Naturalium Observationibus niti videtur, ut Neminem, qui, pari diligentia usus, easdem Observationes fecerit, in Eo quidquam improbatum putem. Cæteri Opinationibus suis sibi placeant.

*Hujus secundæ Partis Epilogus.*

*Quo Animo ad Dissertationes D. Camerarii legendas accessi.*

Ubi primum celeberrimi Camerarii *Dissertationes Physico-Medicas* acceperim, meâ referre existimaui Eas præsertim Annotationes observare, quas in Scripta mea continerent; ut



ut si quas Doctrinæ meæ Partes Viri tantæ  
 Judicio confirmatas, & Ingenio illu-  
 stratas reperissem, Aliorum Censuras  
 minùs formidarem: si Errores aliquos  
 candidè, amicèque correxisset, vel mihi  
 corrigendos indicasset, de Beneficio tan-  
 to, publicè mihi præstito, Gratias ei iti-  
 dem publicè redderem: vel denique, quod  
 non Lectorum Vulgus tantùm, sed An-  
 notatores quoque non rarò faciunt, quod  
 tamen de tali Viro suspicari non poteram,  
 si ideo scripta mea legisse videretur, ut  
 Reprehensionis materiam inveniret, &  
 Nominis sui Authoritate, Ingeniique a-  
 cumine fretus, ea damnaret, quæ, cum  
 Nova sint, Ipse pro veris agnoscere no-  
 luit, quæ tamen falsa esse non demon-  
 strasset, Ego horum Veritatem, ex ali-  
 quâ saltem parte illustrarem. Cum, *Quo Consi-*  
 præter Expectationem, me hujus generis *lio, & quâ*  
 Annotatorem nactum esse viderem, *Ratione,*  
 quanquam multa alia haberem quæ hîc *Eis respon-*  
 satis commodè proferri possent, ea ta- *di.*  
 men sola proferre volui quæ res in dubi-  
 um vocatas defenderent, & præceptis An-  
 notatoris Judicium ostenderent. Non-  
 nulla quidem quæ Ipse in dubium voca-  
 vit ego, sciens prætermisi, sed Ea sola  
 sunt, de quibus alium neminem, his Stu-  
 diis vel mediocriter versatum, dubitatu-  
 rum putavi. Neque fanè pauca ex his  
 quæ attigi, talia sunt quæ Authoris sui  
 in Libro meo legendo Festinationem,  
 Rerumque ipsarum Imperitiam arguant:

& quæ verum Terræ Statum, & Fossilium Naturam Ipsi non satis cognitam esse evincant. Si hanc scribendi materiam quæsissem, eam abundè ubique reperissem. Id autem non mihi faciendum proposui: nec nisi parcè, & invitus quidquam ejus generis feci. Me tantùm ipsum defendi, & Veritatem Doctrinæ ejus, quam de Tellure, de omni Fossilium Genere, ac in primis de Metallis tradi, & quam hominum ingenuorum Animis non ingratham, nec Fortunis inutilem fore existimo.

*De Veritatis investigatione Impedimentis* Hic cum Veritatis mentio inciderit, non possum quin pauca quædam de ejus Statu observem. Dum nonnulli tantam sibi indulgeant Licentiam, & cæteri plerique omnes se perpetuo adeo facilè decipi & deludi sinant Figmentis cujusvis qui Librum conscribendum suscepit, Veritatis Conditio semper instabilis erit & vacillans. Atque, ut Romani olim, etiam nos

*Decipimur Specie Recti.* —

Ita Nebulis, & densissima Caligine cooperietur, ut non nisi paucis admodum invenienda, adeundave sit: neque fixi certique quicquam in Scientiis esse possit. Siqui sint qui Res à se Diligentiam summam observatas, pari Curam & Fide publicè exponunt, alii statim exorientur qui



qui vel Ingenii sui viribus freti, sed verâ  
 omni Rerum Scientiâ destituti, ita suam  
 illarum Peritiam jactent, ita Res ipsas  
 permisceant, denuoque adeo obscuras,  
 difficiles, retrusas, abditasque reddant, ut  
 non nisi pauci Lectores certo statuere po-  
 terint, quid eligendum, quis potissimum  
 sequendus sit. Tantum abest ut, quod  
 isti de se credi velint, Commodo publico  
 inserviant, ut officiant maxime, eique  
 Injuriam gravissimam inferant. Non-  
 nulli præterea sunt qui aliena Opera  
 evertere student, de suo autem nihil sani  
 aut solidi extruunt. Quod Barbarorum  
 Exercitus in Hostico, id Illi in Orbe  
 Literario faciunt.

Quod autem ad me ipsum spectat, *Finis in*  
 Veritas Res sola erat quam quæsi: Et *quem om-*  
 in toto illo Libro meo contexendo cer- *nia mea*  
 tissimarum Observationum, & Rerum *Scripta*  
 ipsarum Ductum secutus sum; neque *collimant,*  
 quidquam docui, aut proposui, quod  
 cum his non exactissimè quadret. Ab *Doctrina,*  
 eo tempore quo Liber ille meus prodiit, *à me tra-*  
 easdem Rerum Observationes per totum *dita repe-*  
 Terrarum orbem, non minori quàm an- *titis Obser-*  
 tea Diligentiâ, faciendas curavi; ex qui- *vationibus*  
 bus accepi multa solidaque Firmamenta *confirmata*  
 eorum quæ tum à me tradita fuerant:  
 nec universa Rerum Naturalium Com-  
 pages quidquam toto hoc tempore exhi-  
 buit, quod de cujusquam Propositionum  
 illarum mearum Veritate Scrupulum vel

Dubitationem animo meo injiceret.  
*Opinionum Commenta delet Dies: Naturæ*  
*\* Cic. de Judicia confirmat \*. Nemo suæ Ingenij*  
*Nat. Deor. Tenuitatis sibi magis conscius est, quàm*  
*L. 2. Ego meæ sum; Illud autem Opus Testi-*  
*Irriti Ad-* *monio, Monumentoque erit, quantum*  
*versario-* *Tenuitas illa Diligentiâ & Fide meâ ad-*  
*rum Cona-* *juta fuerit. Non defuere qui Labori*  
*tus.* *nulli pepercerunt, nullum lapidem non*  
*moverunt, si fortè Errores aliquos, vel*  
*quidquam modo quovis in Scriptis meis*  
*meritò culpandum invenirent; sed fru-*  
*stra omnes. Quæcunque Illi labefactare*  
*voluerunt, ea magis confirmarunt. Can-*  
*didiore enim, & meliori judicio præditi*  
*quique, palam professi sunt se nihil ab*  
*illis alijs objectum deprehendisse, quod,*  
*cum ad examen revocassent, Nomen Ob-*  
*jectionis mereretur. Nihilo minus ta-*  
*Candidè* *men siquis posthac in Scriptis meis dili-*  
*monenti-* *genter lectis, & perpenſis, se Errores*  
*bus luben-* *aliquos deprehendisse seriò putaverit, Is*  
*tissime au-* *nihil mihi gratius facere poterit, quàm*  
*ſcultabo :* *si me de his amicè, candidèque monitum*  
*Contentio-* *fecerit. Ita enim idem mecum aget, qui*  
*ſos negli-* *nihil prorsus aliud ago, nihil mihi agen-*  
*gere decre-* *dum propono, quam ut Veritati Studijs,*  
*vi.* *Laboribusque meis inserviam. Siquis*  
*autem nullâ Veritatis ratione habitâ, sed*  
*Contradicendi studio actus, vel Glorio-*  
*læ ex Notionum, & Opinionum qua-*  
*rundam suarum, meis contrariarum, e-*  
*ditione adipiscendæ spe ductus, me post-*  
*hac*



hac impetierit; Is ne expectet me Res  
meas, Studiaque alia neglecturum, dum  
Illi Responſionem paro; quanquam id  
jam faciam. Scriptori in quo Cando-  
rem, Reique quam tractandam suscepit  
Scientiam, Ejus Urbanitati, Ingenio, In-  
ventionisque felicitati parem requiro.

G 3

III. Ut

III. *Hujus  
Dissert.*

*Pars ter-  
tia, in quâ  
D. Came-  
rarij Dog-  
mata ex-  
cutiuntur.*

III. **U**T autem ad illa pergam quæ ad huc dicenda restant, si Vir ille clarissimus se candidè mecum agere videri, suamque harum Rerum Peritiam alijs probare voluisset, cum quos Ipse Errores meos esse putavit, refellisset, tum postea Opiniones suas, meis contrarias, sed non nisi certissimas, vel meis saltem longè verisimiliores, protulisse debuerat. Hoc nimirum Lectores suos ab Ipso expectaturos novit, & fatetur. Ita enim *Nobilissimum* illum, ad quem scribit, *Virum* alloquitur \*. *Audire verò mihi videor Te obijcientem, Me ista equidem Dubia proposuisse, nec tamen aliam monstrasse viam quâ Figurata Fossilia produci, atque in Terræ Gremium deferri potuerint ; at nec mei id Muneris est : Nec Virium. Noli igitur, inquit, quidquam nisi quasdam expectare Conjecturas, nec verisimiles forsan, nec solidâ Ratione firmatas. Immo certe siquod aliud, id Muneris Officii que sui erat, Summopereque expectandum. Et profecto quantamvis Modestiae speciem hæc præ se ferant, re ipsâ tamen maximè venditant Ingenium Authoris sui, qui Conjecturas, quas putat levissimas, suas, firmissimis Aliorum Argumentis opponere non dubitat. Valdè admirandum, planèque incredibile esset, se his verbis verè suum de Opere suo Judicium ostendere velle. Quî credi potest, ut talis Ingenij, tantæque Prudentiæ Vir, pro Dubijs, ne Veri quidem simi-*

*lia*



lia reponat? ut *Conjecturas*, quæ ne vel sibi *solidâ Ratione firmatæ* visæ fuerint, Amico suo, *Judicio* pariter atque *Nobilitate clarissimo*, satisfacturas credere poterit? At quæ tandem *Conjecturæ* illæ sunt?

1°. *Conchæ* forsan, inquit, aliquæ ante *Diluvium*, ac in *prima Aquarum à Sicco separatione* eò *reposita* fuere \*. At verò minus probabilis hæc

1°. *Conchyliæ* jam passim effossa, non in *primâ Aquarum à Sicco separatione*, nec ante *Diluvium*, in *Terrâ* erant reposita.

\* p. 346.

eruditissimi Viri *Conjectura* illi statim videbitur, qui immensam harum Rerum in *Terrâ* repertarum Copiam, earumque Varietatem observaverit : qui præsertim integra *Balenarum Sceleta*, *Dentes*, *Ossa*que *Canum marinorum*, aliorumque *Piscium* non pauca, *Conchyliæ* verò *Numerum* *Mensuram*que omnem excedentia viderit. Inter alia verò, ex uno illo *Genere* cui *Fab. Columna* † *Conchæ* *Anomia* Nomen dedit, Ipse *Myriades* multas in *Arvis* *Fodinis*que unius *Provinciae* *Glocestrensis* vidi ; ut de illis nihil dicam quas ab alijs *Regionibus*, imò ex omni fere *Globi* parte accepi. Tam magnam ejusdem *Generis* *Conchyliorum* Copiam sub ipso statim *Initio* Rerum fuisse revera productam, cuiquam haud credibile videatur : ea vero omnia mox peritura, & sine *Causâ* aliquâ, *Exitio* data, minus adhuc credibile est. Nullam utique *Perditionis* hujus *Causam* ingenio-

† De *Parapurâ* c. 12.

† D. Ca-  
merarii  
Dissert. 19.  
p. 344.  
\* Geogr.  
Phys. Part.  
2.

|| Vid. p.  
33, 34, 35,  
supra.

\* Vid. p.  
13, 14.  
supra.

fissimus Camerarius excogitavit : nullam  
saltem proposuit ; Ego vero illam, quam  
supposui, *Creationis Primæ Destructionem* †  
cum Consilio Sapientiâ Divinâ digno fa-  
ctam esse ostendi. Passim quoque \* reperi-  
untur Testæ, ejusdem Speciei, parvæ, mag-  
næ : juniores, & vetulæ : immaturæ, &  
quæ ad perfectam Maturitatem pervene-  
rant : & denique parvæ magnis, juniores  
adultis affixæ, eodem planè modo quo  
jam in Mari adhærere solent, ut eo me-  
lius ab Æstuum, Tempestatumque Vi &  
Impetu se tueantur. Hæc certè ostendunt  
eas non simul creatas omnes, sed successivè  
diversisque temporibus fuisse generatas.  
His addi posset quod Ordo || ipse, in quo  
hæc Corpora sæpius reposita inveniuntur :  
& Indicia illa certæ Anni Tempestatis,  
ejus nempe in quâ inductum erat Diluvi-  
um \*, quæ ita multæ tum Testæ tum  
Plantæ præ se ferunt, hanc D. C. Hypo-  
thesim falsam esse evincunt. Nihil hic  
dico de Quadrupedum Ossibus, de Vege-  
tabilibus, speciatim verò de Arboribus  
ingentibus, quæ in Stratis repositæ inve-  
niuntur, & quæ in Aquis non nascun-  
tur. Si verò tandem rogavero, quâ  
Authoritate fretus Vir ille doctissimus  
Terram recens creatam Aquis fuisse  
tectam, posteaque *Aquas à Sicco separatas*  
affirmet ? Ille statim, se Mosem ejus rei  
Authorem habere. Idem vero Moses  
Corpora illa, quæ jam in Terrâ altissimè  
reposita inveniuntur, nondum creata  
esse



esse docet, cum hæc *Aquarum à Terrâ Separatio* fierit. Tertio nempe Creationis die Aquæ recesserunt \* ; Pisces verò, a- \* *Gen. i. 13.* liaque ex Aquis enata, non nisi quinto demum die facta erant †. Cum cautif- † *Gen. i. 20, ad 23.* simus ergo Camerarius Corpora ab Aquis recedentibus in Sicco relictâ fuisse dicat, quæ non nisi biduo post earum Recessum creata erant, id profectò narrat, quod non meam solum, sed sani alius cujusvis hominis Fidem superet. Hoc nisi Ipse fieri potuisse ostenderit, ego, non protinus *totum Systema Camerarianum* ||, cujus || *V. Dis. fert. 19.* non nisi exiguam partem vidi, funditus eversum esse dicam, sed hanc saltem ejus *P. 348.* Propositionem gravissimè concussam non immeritò existimem.

2°. Sed age, secundam Clarissimi Camerarij Conjecturam experiamur, si ea fortè paullò firmior sit. *Pleraque marina à Diluvio, inquit, eò sub istis Terræ hiantis Fissuris præcipitata* fuere \*. Ego quidem \* *p. 346.* Hæc, non Pleraque tantum, sed Omnia à Diluvio in Terram illata agnosco. Ista Fissuras excogitavit D. Camerarius ut melius Conchyliâ in Viscera & Penetralia Terræ introduceret, atque Doctrinam de Stratorum Dissolutione eluderet. Si verò in Fissuras tum fuissent conjecta, in iisdem jam reperirentur. Sed neque Ego ex Corporibus illis vel unum in Fissuris unquam reperi, neque ab Alijs repertum

2°. *Conchyliâ ista, non Fissuris, sed Stratorum Materia, tenui adhuc & soluta, commissa.*

pertum legi, vel audivi. Semper vel soluta in Terræ superficie, vel ipsi, etiam Saxi, & solidissimorum Stratorum, Substantiæ immista inveniuntur. Si ad Naturam ergo hâc de re provocet, hæc pro me Sententiam suam dat. Sin verò dicat Fissuras illas, Hiatusque postea tractu temporis tandem repletos esse; Nec profectò id aliquam Veri similitudinem habet: & Natura ipsa contrarium ostendere videtur. Nam si res se ita habuisset, Conchæ utique, & alia illa Corpora, in perpendicularibus, aliisque juxta Fissurarum illarum Dispositionem, Ordinibus, non verò in ipsis Stratis, neque in adventitiâ illâ Materiâ, quâ Fissuræ repleri supponantur, jam reperirentur. Sed longè aliter accidit; promiscuè enim, & sine ullo Discrimine tali, in omnibus Telluris Partibus inveniuntur. His addi posset, quòd siquæ ejusmodi Fissuræ olim fuissent, postea verò repletæ, jam aliqua saltem earum Vestigia forent observanda. Id Materiæ, Constitutionis, & Duritiei, in eodem Strato, Varietas manifestè ostenderet; quæ tamen nusquam deprehenditur. Inde porro mihi certius constitit, hæc Corpora Marina non in Fissuris olim reposita fuisse, quòd magna eorum Copia ubique per multa undequaque continua Mediterranearum Regionum Millia, speciatim vero in Angliâ nostrâ per totos ferè Glocestrensem, Oxoniensem, Northamptoniensem, Somersetensem,



sem, & Wiltoniensem, Agros, Collesque observatur; vel, ubi altius sita sunt quàm ut ab Aratro erui, & in Terræ superficiem ejici possint, à Fossoribus altius in Terram penetrantibus inveniuntur. Jam vero si isti, alijque omnes Orbis terrarum Tractus, in quibus illa Corpora ita nunc eruuntur, aliquando Fissuræ, & Hiatus, Materiâ solidâ nullâ repleti fuerint, ingentes profectò, & Amplitudinis planè incredibilis, Fissuræ illæ erant. Denique, etiamsi Conchylia ipsa in stratis ubique, in Fissuris nusquam reperta, satis apertè ostendunt celeberrimum Camerarium de re sibi non satis cognitâ Sententiam illam suam protulisse, unum tamen addam quod Ejus Errorem adhuc manifestiorem reddat. Inter fodiendum, ad Stratorum Saxeorum Fissuras, Testæ non rarò simul cum ipso Saxo ita diffractæ, separatæque observantur, ut altera ejusdem Testæ Pars in altero Fissuræ latere, altera verò in altero ejusdem Fissuræ latere ex adverso existat. Quod quidem, si nullum aliud ejus rei Argumentum suppeteret, per se abundè ostendit Testas illas in ipsis Stratis priùs sitas fuisse, quàm Fissuræ istæ factæ essent: uti etiam tum Testas illas, tum Strata quoque eodem omnino Tempore, atque ab eadem Vi fuisse disrupta & separata.

3°. Tertia

3°. *Conchyliis ista non à particularibus Inundationibus allata.*

3°. Tertia clarissimi Camerarij Conjectura hæc est, quòd scilicet, à particularibus Inundationibus eò fuerint ab-  
 \* p. 346. *reptæ tales Conchæ* \*. Antè verò quàm Conjecturam hanc proponeret, ejusdem Stabilimina ex Historijs petijſſe debuerat: & si quas hujusmodi Inundationum Narrationes nactus fuisset, Rem, ut planè Novam, ita Literato Orbi gràtissimam fecisset, si eas in lucem publicam prodire permisisset. Vel saltem ex ijsdem aliqua protulisset Exempla Inundationum, quæ ad medias usque Terras Continentes maximas pertigerunt: quæ Germaniam suam, ad ducentorum vel trecentorum Milliarium spatium obruerunt; Ibi enim, tanto ab omni Mari spatio, Corpora illa reperiuntur: quæ Conchyliis, proprios peculiareſque Americanorum, aliorumque quam longissimè distantium Marium Incolas, in ipsa Angliæ nostræ Mediterranea deportassent: quæ porro Animalia, Terrestria, vel Fluviatilia, in Regiones attulissent, in quibus nulla, uti credibile est, eorundem generum antea fuissent, nulla certè postea reperta fuerunt, quæ  
 † *Miscell. Berolin.* 1710. p. 103. *lia sunt Crocodili in Germania †; in Anglia autem Elephantes, quorum Ossa & Dentes varijs in Locis eruuntur; uti & Cervi illi Americani à Nostratibus Moose-Deer dicti, quorum Sceleta, & Cornua, Magnitudine planè immani, non rarò in Hiberniâ effodiuntur: quæ denique*



que Arbores prostrassent, penitusque  
 extirpassent, quales sunt Pinus, &  
 Abietes illæ \* ingentes, & innumerae, \* *Vid. p. 53. supra.*  
 hîc ubique ferè in Angliâ erutæ, ubi ab  
 omni, non Hominum modò, sed Histori-  
 arum memoriâ nullæ fuerint natæ; nul-  
 las certè hîc tempore suo fuisse testatur  
*Jul. Cæsar Com. de Bello Gall. L. 5.* Secum  
 præterea considerasse debuerat, quo mo-  
 do marina illa Corpora, harum Inun-  
 dationum Vi è Mari educta, in ipsis  
 Marmorum, aliorumque Lapidum omni-  
 um Stratis ita immiscerentur, ut in sum-  
 mis, medijs, imisque Eorum partibus  
 reperirentur: quo horum alia ad Cen-  
 tenos aliquot pedes in Terræ viscera de-  
 scenderent, alia verò ad summa usque  
 altissimorum Montium Cacumina, ad  
 Alpium in Europâ, & celsissimorum A-  
 siaticorum, Sinensium, & Americano-  
 rum Montium Fastigia subvehi potuif-  
 sent. Cum Vir ille doctissimus Con-  
 jecturam hanc suam comminisceretur,  
 animum suum in Angliam præsertim  
 nostram, *Insulam undique Mari cinctam* †, † *P. 290.*  
 intentum habuisse videtur. Sed certè *347.*  
 secum reputasse debuerat, hanc Insulam  
 Montes, illis quidem modò memoratis  
 minimè comparandos, Magnos tamen,  
 & Excelsos habere; quorum ego sane  
 vix ullum novi qui non, ad Summitates  
 usque suas, Testas in se fitas habeat.  
 Si itaque Testas illas in summis illis  
 Montibus à particulari aliquâ Inundati-  
 one

one repositas fuisse credat, quem, quæ-  
 so, Galliæ, totius Europæ, iminò uni-  
 versi Terrarum Orbis Statum interea fu-  
 isse existimat, dum summa Montium  
 Britannicorum Cacumina Inundatio-  
 nis illius Aquis obtegerentur? Aquæ e-  
 nim in Cumulos congeri non possunt,  
 sed undique diffuunt, donec superficies  
 Earum ubique à Terræ Centro pari in-  
 tervallo distet; & proinde omnes totius  
 Globi Partes ad eandem cum Angliâ  
 Altitudinem Aquis simul obrui necesse  
 erat. Hæc omnia si quis serio considera-  
 verit, vix fieri posse crediderim, ut isti  
 ingeniosissimi Camerarij Conjecturæ fa-  
 cile assentiatur: vel ab alio aliquo, quàm  
 ab Universali illo Diluvio Noachico,  
 marina illa Corpora, è Mari elata, in  
 omnibus Terræ Partibus collocata fuisse  
 credat.

4°. *Conchyliæ ista è Mari  
 in Terræ Gremium per Mea-  
 tus subterraneos non advecta.*

4°. Quarta autem Ejus  
 Conjectura hujusmodi  
 est. Hinc, inquit, tot in

*Anglia Marina reperiuntur. Insula illa Mari  
 cincta, altius forsan latiusque quam credas  
 Undas Ejus per Meatus subterraneos in gremi-  
 um suum admittit* \*. Priusquam verò Ma-  
 rina illa Corpora per hos Meatus in  
 Terræ Gremium admissa, seu in Partes  
 ejus interiores, & à Mari remotissimas,  
 advecta fuisse suggessisset, tales à Mari  
 sub Terrâ Meatus esse certò nōsse, &  
 liquidò ostendisse debuerat. Nulli certè  
 ejusmodi Meatus adhuc reperti sunt.

Siqui



Siqui revera essent, ut facile sint reperiendi necesse foret, cum adeo spatioſi \* \* *Conf. p. 90, 91. ſupra.* sint, ut tantæ molis Corpora in ſe recipe-  
rent, ipſiſque vel in mediam uſque Inſulam Aditum præberent. Ut alias omnes mittam, ex Teſtis illis quæ Ammonitæ dicuntur, multæ pedes duos latæ in Portlandiâ, & nonnullæ vel eo latiores in Provinciâ Gloceſtrenſi, & Somerſetenſi eruuntur. Præterea Balenarum, aliorumque Piſcium maximorum Sceleta, Offaque effodiuntur. Porro autem cur Piſces illos in hos, ſiqui eſſent, Meatus ingreſſos putemus? & ad Loca etiam à Mari tam longè diſſita? Non enim ſub Terrâ, tanquam in Loco ſibi à Naturâ aſſignato, vivere & habitare ſolent. Sin verò tantos eorum Numeros †, quorum aliqui † *Vid. quæ de his dicuntur, p. 87, 90, 91. ſupra.* adeo ingentis Magnitudinis ſunt, eò protruſos & congeſtos ſupponamus, id effici non potuit ſine Vi quadam longè majore, quàm quæ facile concipi fingi poteſt. Et quid ni pares numeros hodie quoque Vi tali ejeſtos videamus? Qui hanc Opinionem tuentur nonnulli || Aquas per || *Vid. T. Lawrence Mercur. Central. 12° Lond. 1664.* Meatus illos ad Fontes & Flumina è Mari derivatas eſſe & deductas exiſtimant; quod tamen ſine omni vel Naturæ Indicio, vel Rationis Specie faciunt. Si id verum eſſet, Fontium, Fluminumque Aquæ forent, Marinarum inſtar, ſalſæ. Nam ſi adeo ampli eſſent, ut tanta Corpora admitterent, quanta nonnulla eorum ſunt quæ in Terrâ reperimus, nec Salem per

per Percolationem ab Aquis separare, neque modo quovis alio Transitum ejus prohibere possent. Per tales denique Meatus Aqua ultra Altitudinem superficiem Maris assurgere non potuerit. Illa autem Conchylia, aliaque Corpora, ad ipsa usque Summorum Montium Cacula, Mari aliquot Milliaribus altiora, si non in Angliâ, in alijs saltem Regionibus, reperiuntur. Postremò autem, quod Argumentorum aliorum omnium instar erit, Corpora illa marina nunquam inveniuntur vel in Fissuris, vel in Meatibus subterraneis, sed in ipsis Margæ, Argillæ, uti etiam Saxi, aliûsque cujuslibet densissimæ solidissimæque Materiæ Stratis reposita. Num itaque Meatus illi, per quos Aqua Fontibus, & Fluminibus suppeditatur, terrestri Materiâ, & Marinis Corporibus obstrui, & oppleri solent? Si hoc ita se habeat, unde est quod jam ullos omnino vel Fontes, vel Flumina habemus? An Meatus, Canalesque subterranei illi Cursum suum identidem mutant, per loca alia ducti? Nihil certè hujus generis observamus. Fontes, Fluminumque Capita, in ipsis iisdem Locis hodie sunt, in quibus olim erant. Neque sanè in Rerum Naturâ Vis aliqua uspiam apparet, quæ tales in terrâ Mutationes efficeret. Siquæ verò tales Mutationes factæ fuissent, Corpora illa marina certis Ordinibus, juxta veterem illorum, jam oppletorum, Meatum Cursum, hodie reperi-



reperirentur; quod nusquam observan-<sup>\* Vid. p. 190. supra.</sup>  
dum esse ego supra \* satis declaravi.

5°. Quam sui Confirmationem à Na-<sup>5°. Conchy-</sup>  
turâ Rebusque ipsis ductam, quam Veri-<sup>lia ista non</sup>  
tatis Similitudinem istæ celeb. Camera-<sup>à Deo in</sup>  
rij Conjecturæ in se habeant, hætenus <sup>Telluris</sup>  
consideravi. Quid verò ad quintam e-<sup>Visceribus</sup>  
jus Conjecturam dicam? quâ <sup>creata:</sup>  
<sup>sed in Ma-</sup>  
nare arbitratur Deum quandam inter Marina,  
Terrestriaque Concreta, ratione Figuræ, Simili-  
tudinem atque Analogiam effecisse, creatis La-  
pidum Speciebus quæ Conchas referrent mari-  
nas †. Ita nimirum Nuces Avellanæ, qua-<sup>† p. 348.</sup>

les in Arboribus super terram nascuntur,  
Pinum Coni, ipsæ etiam Quercus, alia-  
que Corpora vegetabilia, quæ sub terrâ  
ad magnam usque Altitudinem reperiun-  
tur, propterea omnia ibidem à Deo creata  
erant. Facilis quidem hæc Difficulta-  
tum illarum Solutio, sed quæ nullo pror-  
sus vel S. S. Literarum, vel Naturæ Testi-  
monio, nititur. Sin verò Deus hæc Cor-  
pora integra, num & eorum Partes quo-  
que, & Fragmenta aliqua, sub terrâ cre-  
avit? Fragmenta enim Concharum: Bi-  
valvium Testæ alteræ tantum: Bivalves,  
Turbinatæ, cæteræque omnes, sine inclu-  
sis Animalibus, quibus Testæ illæ fuissent  
tegumento, passim effodiuntur. Hanc  
autem D. Camerarij Conjecturam Luce  
aliquantò clariore forsan exhibebimus, si  
Aristas sine Spicis, Cedrorum Cortices  
sine Ligno, Bovium Coria sine Carne &  
Offibus, Hominum Pelles sine Corpori-

H

bus,

bus, & Manus Crurave sine cæteris Membris, creata fingamus. Ad eundem nempe modum illæ de quibus agitur Res sub terrâ sæpe deteguntur. Testæ omnes sine Piscibus, Os unum aliquod sine reliquo Sceleto, Dens singularis sine Maxillâ. Ut verò hæc mittam, uti illa quoque quæ *Geogr. Phys.* p. 19, 20. huc spectantia, attuli, alia sunt quæ hanc Conjecturam non parùm infirmant: & quæ Hypothesis illa Camerariana, quâ Fossilibus istis Figura tantum, & Similitudo Corporum marinorum tribuitur, expedire nequit.

1°. Testæ Fossiles, quæ, in Locis, & Materiâ ad ipsas conservandas idoneis reconditæ, temporis injurias minùs expertæ sunt, Salem verè marinum, qualem Testæ è Mari extractæ, vel in Littus ejectæ, præbent. Hoc certè doct. Camerarij Consideratione dignum est; de quo ego olim Lectores meos admonueram, *Geogr. Phys.* p. 211.

2°. Reperiuntur etiam in Terrâ Piscium Dentes ita attriti & imminuti, uti eorundem Piscium, in Mari captorum, Dentes cibum suum manducando atteri, imminuique soleant.

3°. Conchylium illud quod Purpura appellatur, Linguam longam habet, Extremitate osseâ, & acutâ, quâ, tanquam Terebrâ, aliorum Conchyliorum Testas perforare solet, & piscibus per Foramina ita facta extractis, vesci. Hoc olim à Physicis veteribus, nominatim verò ab Aristotele, & Plinio, de hoc Animal



Animali observatum est. Ita nimirum de eo scripsit Aristoteles, “ Purpuris enim tantam obtinet vim hoc Membrum [Lingua, de eâ namque hic agitur,] ut Testas Conchyliorum transfigere valeat, velut Turbinum, quorum Esca capiuntur”. Et de eodem Plinius \*, *Lingua*

Ταῖς γὰρ πορφύραις ποσάυ-  
την ἔχει δύναμιν τῷ το μόν-  
ειον, ὥστε ἢ τῶν Κογχυλίων  
διαλυπῶσι τὸ ὄσρακον, ὅιον  
τῶν σφύμβων, οἷς δελεάζουσιν  
αὐτάς. Aristot. de Partib.  
Animal. L. 2. c. 17. versus  
finem.

\* Hist. Nat. L. 9. c. 36.

*Purpuræ Longitudine digitali, quâ pascitur perforando reliqua Conchylia; tanta Durezza Aculeo est.* Jam verò Testæ ita perforatæ, inter alias, non rarò in Visceribus Terræ reperiuntur, indeque certò constat Testas illas aliquando Pisces vivos in se habuisse, Piscesque illos in loco aliquo olim habitasse, in quo Purpuræ quoque erant, quæ ipsis vescebantur; ille autem Locus alius nullus quàm Mare esse potuit. 4°. Passim efodiuntur Ostreorum, Concharum, Pectinum, aliorumque Bivalvium Testæ certa quædam Tendinum Vestigia, aliaque Indicia retinentes, unde eas Animalia aliquando in se continuisse constet. 5°. Echinitæ denique, Conchitæ, Cochlitæ, cæteraque ejus generis Corpora, ex Saxo, Silice, Fluore, aliâque Materiâ minerali facta, quæ ex omni parte Magnitudinem æquant, & Speciem interiorem integram illarum Testarum exhibent, à quibus Nomina sua habuere, non nisi

in eorundem generum Testis penitus vacuis, ficta formatæque erant. Alia verò sunt, quorum ego Specimina aliqua habeo, ex Saxo itidem, Silice, & Fluore confecta, quæ Echinitarum, Conchitarum, & Cochlitarum Partes solum, seu Segmenta, repræsentant. Hæc primo statim intuitu quivis verissimè judicabit in Testis facta esse, dum Testæ Pisces in se continebant: & propterea solummodo tantum Saxeæ vel Siliceæ Materiæ admittere poterant, quantum sui Partes vacuas, & à Piscibus non occupatas adimpleret. Indeque est quod Saxeæ illæ vel Siliceæ Corpora non nisi Vacuitatis istius Speciem referant. Hæc autem Corpora apertissimè ostendunt Testas illas olim Pisces in se habuisse: uti etiam veram Testarum illarum Originem, quod nempe non iisdem Locis nascebantur, ubi jam reperiuntur, sed aliquando è Mari eductæ essent.

*Perstringitur Error eorum qui arbitrati sunt, non modo Conchyliæ, sed varia etiam Artis Opera effossa, esse, à ludente Naturâ, in Tellure procreata.*

Sed Conjecturam hanc Camerarianam paullò attentius consideremus, si fortè ad alios Usus & ad Res, de quibus Docti nonnulli dubitarunt, explicandas adhiberi possit. Neque sanè D. Camerarium ægrè laturum putem, si quod Ipse tanto Ingenij Acumine & Fælicitate primus excogitavit, Ego augere, excolere, & utilius reddere coner. In multis locis non rarò eruuntur Numismata



mata Alexandri Magni, Julij Cæsaris, Cunobelini, & aliorum Imperatorum, Regumque Nominibus inscripta. Siquis autem hæc ante tot Annorum Centurias à Monetario aliquo percussa, posteaque amissa, aut in Terra defossa, ibique tanto temporis spatio jacuisse, putaverit, is profectò nihil supra ignarum vulgus hominum sapere videretur, qui Conchas, in Terrâ repertas, in Mari natas credunt. Res per se tam incerta multò compendiosius declarabitur, si, ut Materia, ita Forma quoque Opifici *Deo* attribuatur. Et qui Crucem illam ex Studijs Antiquitatum primus sustulerit, is non minores Laudes, Præmiaque meruisse censebitur quam qui exploraverit

— *Quibus in Terris inscripti Nomina Regum Nascantur Flores.* —

Si porro, quod non raro accidit, Res, Ollarum, & Vasorum fictilium Formam habentes, Fossores detegant, quanquam Res illæ hætenus pro antiquis Romanorum Urnis, Pateris, aut Simpulis habitæ fuerint, non ferendum tamen est, ut Nos, Posterique omnes, Errorem eundem semper erremus. Et profectò nihilo minus credibile est has Res, quàm Conchas illas, sub Terrâ à Natura formatas esse. Sed ne ego vel hoc temerè dixisse, vel Conjecturæ hujus, cum Camerarianâ illâ geminæ, factæ Laudem mihi arrogare videar,

videar, nonnulli qui de Rebus naturalibus scripserunt, præsertim verò qui Conchas in terrâ repertas ibidem natas esse contenderunt, de Vasis istis idem senserunt. Siquid damni ex hâc Scriptorum illorum Opinione, modo à Cl. Camera-rio comprobetur, Figuli capiant, siquando Homines, neglectis eorum Officinis, in Visceribus Terræ Ollas, non aliter atque Metalla, quærant, easdemque ibidem à Naturâ factas reperiant, nescio; Ipsi viderint. Utcunque verò id accide-

\* *Miscell. Hist. Reg. ni Bohem. L. I. c. 49.* rit, hoc certum est, quòd Boh. Balbinus hæc Vasa aptissimè appellat *Ollas Fossiles* \*.  
 † *De Fig. Lap. p. 87.* A Conr. Gesnero *Ollæ Nativæ* vocantur †. Et Jo. Dan. Major M. D. *de Ur-*  
 † *Differt. Epist. de Cancris & Serp. petrif. p. 43.* *nis Fossilibus* mentionem facit ||. Balbinus  
 \* *Ibid.* existimat *Argillam* — ad figuram *Ollarum*  
 † *D. Ehr. Hagendon Miscell. Cur. Ann. 3. obs. 137.* sponte sese ac libenter componere, Naturâ ipsâ quod fieri velit docente \*. Alius † denique de Ollis, prope *Spremborgam* in *Lusatia* inferiori erutis, agens, *Credit Naturæ in*  
 ejusmodi fabricandis *Ollulis Possibilitatem non esse detrahendam*. Hæc quidem argumen-  
 tandi, inferendique Ratio, tantos Aucto-  
 res, Patronosque jam nacta, si tandem  
 obtinuerit, *Concharum, Ossium, Denti-*  
*um, & aliarum ejusmodi Rerum sub*  
*Terrâ Formationem, Rem adeo intellectu*  
*facilem reddet, ut de eâ Dubitatio nulla,*  
*aut Disceptatio postea oriri potuerit.*  
 Unum tamen est quod ego hos Authores  
 monitos velim, ut strictâ potius, quàm  
 solutâ *Oratione* utantur; cum *Natura*  
 illa



Illa de quâ talia scribant, non nisi Poetica sit: & Camerarianus ille Deus, qui has Conchas facit, non alius quàm *Θεός ὁ μυχῶν*. Sed & in hoc quoque Vir consultissimus optimi de Poesi Judicis Monitum observasse debuerat,

*Nec Deus intersit nisi dignus vindice nodus* De Arte  
*Inciderit.* ——— Poet.

Tantâ cum Reverentiâ Ille olim fictitios Deos suos tractandos esse censuit. Siquis autem jam Deum illum Unum Verum, Naturæ Authorem, levissimis istis, nulliusque Usus Rebus faciendis occupatum arbitretur, is profectò non immeritò videbitur Deum illum vel non rectè intelligere, vel non satis revereri. Neque injuria quidem D. Hier. Cardanus temerariam ejusmodi conjiciendi Rationem falsiusculè reprehendit; Nos *Nebulones*, inquit, *loquimur de Deo tanquam de uno è nobis*. Ejusdem quoque generis est altera illa cel. Camerarij Conjectura, quâ se *suspicari malte* dicit Creatorem Optimum hominibus *Literarum Usus monstrâsse, quàm credere per sedecim, pluraque Sæcula sine Literarum Notitiâ vixisse homines, vel Picturam Scriptione simplici antiquiorem esse \**. Fieri \* p. 304. quidem vix potest quin post felicissimam hanc Conjecturam Pol. Vergilius, Georg. Paschius, & qui alij de Rerum, Artiumque Inventoribus scripsere, quam hactenus obtinuerunt, Existimationem amittant,

mittant, & prorsus negligentur. Neque mirabitur quisquam, si qui nuper *Muscipulæ* Inventionem fælici Cambro-Britanni cujusdam Ingenio tribuit, in eundem Scriptorum fabulosoꝝ Classeꝝ redigatur.

*De suppositâ quadam Marina-rum aliquot & Terrestrium Rerum Analogiâ.*

Sed ne D. Camerarius omni prorsus Argumento destitui videatur, ex Analogiâ Unum, idque solum ducit. Uti, inquit, in *Mari Vegetabilium species Terrestribus omnino analogas esse voluit* (Deus) in tot speciebus *Coralliorum, Corallinæ, Spongiarum, Algæ, Fucorum, &c.* — Quid impedit, quo minus in *Terrâ quædam Lapidum sit Vegetatio, quæ in Mari ordinaria est, inque* *Corallijs potissimum conspicua lapideis* \*? Nihil certè impediit quo minus Deus ita facere potuisset; quòd autem ita fecerit, id inde sequi nequaquam mihi videtur. Verum tamen siqua Corpora Deus in *Mari Terrestribus analogæ* fecisset, non necesse esse puto, ut alia vicissim *Terrestria Marinis similia* crearet, vel ut *sit in Terrâ quædam Lapidum, Corpora marina referentium, Vegetatio.* His vero missis, Corpora illa proferat doct. Camerarius, siqua habeat, in *Mari nata, seu Corallia, sive Corallinas, Spongias, vel quævis alia, quæ aut externâ Formâ, aut internâ Texturâ, Terrestribus analogæ* sunt. Neque enim Ego quidem, nec quisquam alius talia harum Rerum Specimina unquam vidit. Cum verò Ipse aliqua, ex instructiori Penu suo proferat, ego illam Ejus de iisdem Conjecturam amplectar. Hæc

\* p. 349.



Hæc sunt, Vir Nobilissime! quæ Li-  
 bro, Doctrinæque meæ, objicere Cl. D.  
 Camerario libuit. Quanti Momenti,  
 Ponderisque ea sint: num ullam scribendi  
 Causam Ille omnino habuerit: annon, ea,  
 quæ Ego reposui, justæ Responsionis lo-  
 co haberi debuerint: hæc omnia cuilibet  
 Perito, & Æquo lubens permitto, speci-  
 tim vero Tibi, Vir Illustrissime! Cu-  
 jus eximio uti in aliis, ita quoque in his  
 Rebus Judicio non parum tribuo: Cui-  
 que demum ex animo opto, ut, quem-  
 admodum adhuc vixisti, ita porro Sæculi,  
 Gentis, Urbisque nostræ Commodo diu  
 ac feliciter Vivas, & Valeas. Dabam  
 ex Collegio Greshamensi, 3<sup>o</sup> Id. De-  
 cembr. 1713.

*Conclusio  
 ad Virum  
 Illustriss.  
 D. Tho-  
 mam Pem-  
 brochia Co-  
 mitem.*








M E T H O D I C A,  
E T  
Ad ipsam Naturæ Normam  
I N S T I T U T A,  
F O S S I L I U M i n C L A S S E S  
D I S T R I B U T I O.

Ad Illustrem Virum  
D. *Isaacum Newtonum*, Eq. Aur.

E T  
*Soc. Reg. Præsidem.*

Methodica  
et  
Ad ipsam Naturam Normam  
Institutum  
Fossilem in Classibus  
DISTRIBUTIO  
Ad Magistram Viam  
D. Johannem Vossium, Ep. Aug.  
et  
Soc. Reg. Praesident.





## De FOSSILIIUM

Juxta Naturæ Normam ordinandorum  
Ratione,

Ad Eximum Virum

D. *Isaacum Newtonum*, Eq. Aur.

E T

Soc. Reg. Præsidem.

## PRÆFATIO.



*Edit nunc demum Tibi, Vir illustri-  
lus! quod sane, si non om-  
nino Tuum sit, Ortum saltem  
suum Tibi debet; nempe Opus-  
culum de Methodo Fossilium,  
te assidue hortante, inceptum,  
profectum, absolutum. Est equidem mole exi-  
guum: Fructu tamen suo non, uti spero,  
prorsus destitutum. Ut illis ad minimum Usui  
esse possit, qui multi jam ab aliquo tempore Fos-  
silibus colligendis observandisque Operam de-  
derunt,*

# PRÆFATIO.

derunt, ita ad ipsam Scientiam promovendam nonnihil conferre poterit. Faciliori etenim certiorique Naturalium Rerum Cognitioni multum conducit recta singularum Ordinatio, & secundum naturales earum Proprietates, mutuanque inter se Convenientiam, in proprias suas Classes Dispositio. Qua propter in Methodis Animalium & Vegetabilium concinnandis plerique doctissimi Viri his ultimis annis feliciter desudarunt, & multum Temporis Laborisque impenderunt. Fossilia vero, quancunque Pretij & Momenti ea sint, pene neglecta fuerunt, & soli Fossorum, merorumque Artificum Curæ & Culturæ relictæ. Hæc proinde, nondum satis nota & distincta, suis tenebris hætenus involuta latuere, donec sub Auspiciis Tuis, Vir Præstantissime! in Lucem eruta jam tandem prodeunt. Quod major longe Progressus in Animalium & Vegetabilium Methodo constituendâ factus fuerit, ex eo planè oritur quod Res illa clarior est, & magis obvia: neque tot tantisque Involucris obtecta & implexa. In his enim Corporibus Notæ atque Characteres quibus summa Genera, & subordinatæ Species distinguuntur, adeo claræ sunt, & apertæ, ut facillimè, & primo fere Obtutu singulorum Affinitates aut Differentiæ sint statim percipiendæ. Mineralia vero sunt altioris & longe difficilioris Indaginis. Hujus autem Rei non nisi unum vel alterum Indicium hic proferam, cum de Eâ alibi fusiùs olim disseruerim. Ut enim ejusdem Mineralis exterior Figura, & Facies nativæ, ita etiam Constitutio ejus interior, pro-



# PRÆFATIO.

*Variâ illâ quæ sibi in primâ suâ Formationē contigit extraneæ Materiæ Mixturâ, sint longē diversæ oportet. Neque minor est Diversitas in Mineralium Situ, & Loco, atque in Materiâ terrestri, cui commissa in Tellure recondita inveniuntur.*

*Quò me vero melius ex his tam magnis Difficultatibus expedirem, & ad certam aliquam in hac Re Cognitionem pervenirem, earum in his Corporibus Partium, quæ se Sensibus non statim exhibent, Naturam investigare, plerisque Examinis & Probationis Modos proposui. Horum primus ex variâ singulorum Duritie desumitur. Alter autem ex variâ Eorum Gravitate Specificâ accuratiùs exploratâ. Igni demum, & Analyti, Chymicæ ope factæ, singula Mineralia subjeci, observaturus an Halitum ederent, an vero Fumum, aut Flammam: an Oleum præberent, aut Salem: an in Carbonem abirent, vel in Calcem: an denique in Vitrum funderentur, vel in istiusmodi Massam quæ Metallurgis Regulus dici solet. Præterea verum, in Re tam obscurâ tamque retrusâ, ut sum Homo nullâ mearum Opinionum fiduciâ fretus, alios Scientiæ mineralis peritissimos Viros consulendos censui: imprimis autem V.R. Guil. Stonestretium, cujus in Rebus Naturalibus indagandis Sagacitas, & ordinandis Fælicitas, mihi jam diu perspecta est. Neque enim hæc mea Tentamina Viro Judicii tam consummati, quod in Te, Vir insignis! omnes suspiciant, obtulisse vellem, nisi aliorum Doctrinæ suæ Laude meritò celeberrimorum Vi-*  
*torum*

# PRÆFATIO.

*rorum Approbationem prius accepissem. Si modò illa Tibi non displicuisse rescivero, ut erit mihi gratissimum, ita, prout per otium, si forte aliquando dabitur, licebit, excitabor subordinatas Fossilium Species recensere, & Naturalem Singulorum Historiam, ex meis jampridem factis Collectaneis & Observationibus, edere.*







## METHODICA

*Fossilium in Classes*

## DISTRIBUTIO.

## Classis I. TERRÆ,

Seu Corpora opaca, insipida, friabilia:  
in Aquâ solubilia: Flammam non  
concupientia.

CAPUT. I. Ad tactum læves, &  
quasi sebaceæ.

MEMBRUM I. Quæ, si Lin-  
guæ admoveantur, illi adhærent. *Fullers  
Earth, Tobacco-Pipe-Clay*; quarum  
prior quibusdam CIMOLIA PURPURASCENS,  
altera CIMOLIA ALBA dicitur. ARGIL-  
LA. TERRA SAMIA. TERRA LEMNIA,  
tam rubra, quam alba. BOLUS ARMENA.

**MEMBR. 2.** Quæ Linguae non adhærent. **STEATITES**, nostratibus **Soap-Earth**. **Cray de Briancon** dicta Gallis, Anglis vero **French Chalk**, quæ forte **MOROCHITES** Plinio, **MOROCHTHUS** Dioscoridi.

**CAPUT. 2.** Ad tactum siccæ, & scabræ. **Terre verte**: & **Terre bleue**, Officin. **RUBRICA**. **Tripely**. **Rotten-Stone**. **TERRA MELITENSIS**. **TERRA SINENSIS**, è qua *Vasa Porcellana dicta fiunt*. **OCHRA**. **Ambre**. **CRETA**. **STEINOMARGA** Geo. Agric. quæ est **LAC LUNÆ** Ol. *Wormii*. **TERRA NIGRICANS** in Telluris superficie passim obvia, nostris **Hould**. **MARGA**. **LUTUM**. **Loam**, quæ constat vel ex *Margâ*, vel *Luto*, cum pauca *Arenâ* mixto.

## APPENDIX.

**ARENA**: & **GLAREA**; quæ vulgo Terris accensentur, proprie tamen ad harum Classsem non pertinent.

## Classis 2. LAPIDES,

Seu Corpora insipida, dura: non ductilia: nec in Aquâ solubilia.

**CAPUT. I.** Qui Mole majore reperiuntur, in Strata dispositi.

**M E M-**



*MEMBR. 1.* Compositionis laxioris, ad Tactum scabri. LAPIS MOLARIS. COS, *tam* GYRATILIS, *quam* PORTABILIS. SAXUM ARENARIUM. *Free-Stone.* Rag-Stone. SAXUM CALCARIUM. SMIRIS.

*MEMBR. 2.* Compositionis spissioris, ad Tactum læves, quique Attritu aliquatenus politi fiunt. LAPIS FISSILIS. LAPIS LYDIUS. COS OLEARIA. COTICULA, *nostratibus a Bone dicta.*

*MEMBR. 3.* Constitutionis adeo duræ, & compactæ, ut ad Nitorem poliri possint. ALABASTRITES. MARMOR colorum variorum. OPHITES recentiorum. PORPHYRITES. GRANITA *Scriptorum Itatorum.*

CAPUT. 2. Qui mole sunt minore.

*MEMBR. 1.* Marmore non duriore.

ARTICULUS 1. Tam Figuræ, quam Constitutionis, incertæ, & indeterminatæ. CALCULI CRASSIORES CALCARI, *Nostratibus dicti Clay-Stones.* LAPIS VIOLACEO ODORE. NODULI LAPIDEI *Mole, Figurâ, & Substantiâ diversi, qui in cujuscunque fere generis Stratis lapideis reperiuntur.*

*ARTIC. 2.* Figuræ extus variæ, & incertæ : Texturæ vero internæ, determinatæ, & regularis.

*SECTIO. 1.* Compositi è Fibris parallelis, quæ in horum plerisque flexiles sunt, & vi elasticâ præditæ. GYPSUM STRIATUM ANGLICUM. AMIANTHUS, *sive* ASBESTOS. ALUMEN PLUMOSUM.

*SECT. 2.* Compositi è Laminis præsertim planis & parallelis, quæ flexiles sunt, & vi elasticâ præditæ. TALCUM. MICA *G. Agricolæ*, ARGENTEA, *seu* ALBA: *uti ac* AUREA, & NIGRA.

*SECT. 3.* Qui, Interpositione Laminarum, è Materiâ ad Fluores dictos potissimum accedente constantium, dividuntur in Talos, seu Partes angulares, Pentagonas sc. Hexagonas, aut alius cujusvis Figuræ angularis. LUDUS HELMONTII.

*SECT. 4.* Fistulosi, ex Tubulis, eadem etiam Materiâ constantibus compositi. LAPIS SYRINGOIDES, *d.* *The Piped Wrenlein* D<sup>o</sup> *Neb. Grew, M. D. in Catal. Musæi Societ. Reg. Lond.*

*SECT. 5.* Compositi è Crustis, alterâ alteri superinductis.

S U B-



**SUBDIVISIO. I.** Arcæ  
cohærentibus, nullâ intus Cavitate. BE-  
ZOAR MINERALE.

**SUBDIV. 2.** Intus cavi,  
cum Materiâ quadam inclusâ, Crustæ non  
adhærenti, sed mobili.

§ § §. 1. Solidâ, & lapi-  
deâ; *Veteribus Callimus dictâ.* AETITES SI-  
LICEUS. AETITES OCHREO-FERREUS.

§ § §. 2. Laxâ; *uti Arenâ,*  
*Ochrâ, Cretâ, Terrâ.* GEODES.

§ § §. 3. Liquidâ. ENHY-  
DROS.

**ARTIC. 3.** Figuræ, & Consti-  
tutionis, certæ, regularis, & determinatæ.  
SELENITES. LAPIS SPECULARIS. BELEM-  
NITES, seu LAPIS LYNCEIS *Offic.* LYNCEURIUS  
*fortè Veterum.* CORPORA CORALLOIDEA  
FOSSILIA, *tam simplicia, quam ramosa.* La-  
pides Coralloidibus fossilibus affines, STELE-  
CHITES: MYCETITES: PORPITES: ASRO-  
ITES: **The Honey-Comb-Stone,** *b. e.*  
LAPIS FAVAGINOSUS. FLUORES FIGURA-  
TI. **Cauk.** STALACTITES. STALAGMI-  
TES. OSTEOCOLLA.

**MEMBR. 2.** Lapides, Mole mi-  
nore, Marmore duriores.

ARTIC. 1. Opaci.

SECT. 1. Plerumque unicolores. LAPIS NEPHRITICUS. MALACHITES. Turchois.

SECT. 2. Variorum in eodem corpore Colorum. LAPIS LAZULI, seu CYANEUS. HELIOTROPIUM. JASPIS. *Ultimus autem hic Lapis aliquâ sui parte interdum pellucidus est.*

ARTIC. 2. Semi-pellucidi.

SECT. 1. Versicolores, prout vario Situ Luci obijciuntur. OCULUS CATI. OPALUS.

SECT. 2. Coloribus in Subiecto permanentibus. CALCULI aliquot & SILICES compactiores & elegantiores. ACHATES. LAPIS CALCEDONIUS. ACHATES MOCHOENSIS. OCULUS BELI. ONYX. SARDONYX. LAPIS SARDIUS, seu CARNEOLUS VULGATIOR. CARNEOLUS ALBUS: *item LUTEUS, qui rarissimus.* BERYLLUS Gemmariorum, qui Carneoli Species est magis pellucidi & saturatiùs rubentis.

ARTIC. 3. Pellucidi.

SECT. 1. Colorati. TOPAZIUS RECENTIORUM, qui CHRYSOLITHOS VETERUM.



VETERUM. HYACINTHUS *Gemmariorum.*  
 LAPIS GRANATUS. RUBINUS *verus, seu*  
 RUPIMUM. RUBINUS BALASSIUS. RUBINUS  
 SPINELLUS. CARBUNCULUS RECENTIORUM,  
*Rubinatorum Species rarissima.* AMETHYSTUS.  
 SAPPHIRUS, *tam saturatè quam pallidè cæ-*  
*rulea, quæ SAPPHIRUS AQUEA dicitur.* Gem-  
*ma Italis* AQUA MARINA dicta, *quæ fortè*  
 BERYLLUS PLINII. SMARAGDUS. CHRYSO-  
 LITHUS RECENTIORUM, qui TOPAZIUS VE-  
 TERUM.

SECT. 2. Coloris expertes.  
 CRYSTALLUS. IRIS Plinii, & Agricolaë. SAP-  
 PHIRUS ALBA. ADAMAS.

## Classis 3. SALIA,

Seu Corpora friabilia, aliquatenus pel-  
 lucida, Linguam pungentia, Aquâ so-  
 lubilia, eâ autem evaporatâ, denuo  
 coalescentia, & in Figuras angulares  
 se formantia.

SAL MARINUM FOSSILE, *tam* RUPEUM,  
*quam* GEMMEUM. SAL CYRENAICUM, seu  
 AMMONIACUM. TINCAL Persarum, quod  
*videtur* CHRYSOCOLLA esse Veterum. NI-  
 TRUM ÆGYPTIORUM *veterum: recentiorum*  
 NATRON, seu LATRON. NITRUM OFFICIN.  
 SAL ACIDUM FOSSILE, è quo, cum Materiâ  
*Bituminosâ, Cretaceâ, vel Metallicâ, coale-*  
*scente, oriuntur* SULPHUR, ALUMEN, & VI-  
 TRIOLUM. I 4 Classis

## Classis 4. BITUMINA,

Seu Corpora Flammam facilè concipientia, & Oleum præbentia, Aquâ non solubilia.

CAPUT. 1. Liquida. NAPHTHA.  
PETROLEUM. OLEUM TERRÆ BARBADENSE.

CAPUT. 2. Solida. BITUMEN.  
PISSASPHALTON. SUCCINUM. GAGATES.  
AMPELITES *recentiorum, nostris* Tanel-Coal.  
LITHANTHRAX.

## Classis 5. MINERALIA,

Seu Corpora Metallis affinia, quibusdam scilicet Metallorum Proprietatibus prædita, Pondere saltem, & Splendore.

CAPUT. 1. Fluida. ARGENTUM  
VIVUM NATIVUM.

CAPUT. 2. Solida, Igne fusilia, sed non ductilia. CINNABARIS NATIVA.  
ARSENICUM AUREUM NATIVUM. ARSENICUM RUBRUM NATIVUM, seu SANDARACHA *Dioscor.* PYRITES. MARCASITA. COBALTUM.  
LAPIS CALAMINARIS. ANTIMONIUM. BISMUTHUM, *nostratibus* Tingtaz. SPELTRUM, seu Zinck. NIGRICA FABRILIS *D. Merret in Pinace Rer. nat. Brit. vulgo nostratium* Wadd, vel Black-Lead. Classis



# Classis 6. METALLA,

Seu Corpora ponderosa, splendentia,  
dura, fusilia, & ductilia.

AURUM. ARGENTUM. CUPRUM. FERRUM.  
STANNUM. PLUMBUM.

## APPENDIX.

Terre verte, Terre bleue, LAPIS AR-  
MENUS Offic. & Pars cærulea LAPIDIS LAZULI,  
nonnihil Cupri continent. HÆMATITES Offic.  
qui SCHISTOS est Discoridis, Ferri dives est:  
MAGNES etiam Ferrum continet: uti &  
MAGNESIA; & SMIRIS, sed paucum. Ali-  
quantulum Ferri inest quoque AETITI FER-  
RUGINEO, BEZOAR MINERALI, GEODI, &  
ENHYDRO Lapidibus.







# SYLLABUS

RERUM CORRIGENDARUM

I N

Geographiæ Physiçæ Woodwardianæ

Versione Scheuchzerianâ,

Nunc demum recognitâ.



Geographische Physik

# SYLLABUS

RECHT CORREKTURUM

I M

Geographische Physik

Versteinerungen

Neue geographische

Geographische Physik





# PRÆFATIO.

Lectori S. Joh. Jac. Scheuchzerus.



*Onus jam agitur Annus ex quo ego Geographiam Physicam Woodwardianam ex Anglico Sermone, in quo tum planè hospes eram, & ad cujus Studium ex illâ præsertim Occasione animum meum adhibui, in Latinum transtulerim. Cum ergo Opus illud meum recenseam, & cum Originali Anglico, illius sermonis peritior aliquantum factus, conferam, non mirandum est si in Versione illâ meâ nonnulla mutanda & corrigenda deprehendam; cum nulla cujusvis generis Exemplaria, à peritissimis exercitatissimisque Artificibus facta, ita Archetypa in omnibus repræsentent, ut nullibi Discrimen aliquod cerni possit. De eâ vero præsertim monendum duxi, quod ubique ferè Authoris Sensum aliquanto quam par erat contra-ctius, & compendiosius exhibuerim.*

*Quæ verò præ cæteris Loca Correctione, Illustratione-que indigere videntur, hæc sunt quæ sequuntur.*

*Loca quædam in Geogr. Phys.  
Woodwardianæ Versione cor-  
rigenda.*

*In Titulo Lin. ult. Pro Membro, lege Sodali.*

*Præf. I. Lin. 18. Pro rariores, lege præcipuas.*

II. 6. *Lege — totum Terræ Globum in  
Diluvio fuisse discerptum quasi,  
& in sua Elementa resolutum.*

III. 8. *Pro Strato, lege Loco.*

10. *Dele ubi, & fuerunt.*

12. *Pro Lapidibus, lege Saxo.*

18. *Si forte, &c. lege Et si porro His,  
ea ejusdem Rei Argumenta  
addiderit, quæ suis Locis repe-  
riet, illa quoque ad hujus Rei  
Veritatem & Certitudinem e-  
vincendam non parum confe-  
rent.*

24. *Altera Hypothesis, &c. lege Al-  
terum Exemplum erit de Di-  
luvij Universalitate. Quod  
vero ad hoc attinet, conside-  
ret, &c.*

De



IV . 25. De binis hisce Hypothesibus, &c. lege De binis istis Propositionibus, hæc, Exempli Causâ, præmonui; ut inde Lector per alia Loca, quæ ipsi difficiliora videbuntur, facilius sibi Viam faciat. Impossibile namque, &c.

V. 11. Qui Ingenio, &c. lege Alios vero omnes rogo, ut tantisper expectent, donec rem fusiùs explicatam, & plenius clariùsque expositam acceperint.

VI. 1. Pro Scripsitis, lege Scripsit is.

Pag. 1. Lin. 14. Pro Materiam, &c. lege Rerum ipsarum Testimonium.

4. 5. Lege fideliter referebam in Diarium, quod in finem illum mecum semper circumtuli. Hâc Methodo, &c.

6. 4. Proutis, lege Prout is.

27. Lapidés, lege Saxa.

8. 23. Selenites, Anglico Spar. Reponendus ideo potiùs est Fluor; Cum Selenites est Talci Species, à Fluore multum differens. Ad hunc modum corrigenda sunt & alia Loca. Scilicet pag. 15. lin. 26. | p. 16. l. 3. | p. 17. l. 29. | p. 155. l. 17. p. 156. l. 1. | p. 161. l. 22. | p. 162. l. 8. | p. 164. l. 10. | p. 167. l. 9. & 21. | p. 169. l. 28. | p. 170. l. 16. | p. 188. l. 22. | p. 195. l. 29. |

9. 23. Pro findunt, lege interfecant.

Pro

Pag. 9. Lin. 27. *Pro Lapidibus ipsos, lege Saxum.*

10. 1. *Dele Speculares.*

12. *Dele quod notanter injungo.*

12. 10. *Dele eorum.*

15. 5. *Hic de Selenite verâ Rhomboidali agitur: uti etiam p. 17. l. 21. | p. 147. l. 10. | p. 151. l. 17. | p. 154. l. 11, & 18. | p. 186. l. 25.*

16. *Lege quia passim reperiuntur tantâ Copiâ, idque in Locis ubi nihil tale erat expectandum, tam profundis infra Terræ Superficiem, adeoque à Mari remotis.*

16. 17. *Dele & in Copia.*

17. 29. *Pyritica, lege Silicea.*

18. 4. *Specularis, lege fluorea. Minerale Spar Anglis dictum, rectius redditur Fluor. Lapis Specularis est Talci Species, Fluori valde dissimilis.*

7. *Dele Successu Temporis.*

19. 5. *Lege reperiunda exacte in omnibus exprimunt; quæ sunt ejusdem, &c.*

27. 4. *Lege profundioribus. Constat igitur, ut rei hujus finem faciamus, Testacea, &c.*

34. 28. *Pro sedet, lege sed &.*

47. 3. *Lege Nulla ipsis in Disquisitionibus suis faciendis, &c.*

52. 22. *Lege acceptasse. Certius quidem longeque felicius progressi fuissent, si Res ipsas attentius inspexissent,*



spexissent, si pristinam, præsentemque Globi terraquei Statum ex Historia & Geographiâ intelligere conati fuissent, nec prius, &c.

53. 23. *Lege* evitatur. Credit hic terrestrem Materiam, quæ cum Pluviâ simul decidit, Terræ Molem augere, tandemque omnia tecturam obruituramque esse. Alius, &c.
60. 6. *Pro* totius Tractatus, *lege* hujus Operis.
63. 12. *Pro* juncta, *lege* unâ cum.  
21. *Lege* Hæc, inquam, omnia promiscuè in aquam fuerunt assumpta, in eâque sustentata; tali modo ut Aqua, & quæ in ipsâ erant Corpora, simul, unam communem constituerint Massam.
64. 3. *Lege* primò Materia, Corpora, & Corpuscula gravissima delapsa fuerint, Locumque in Sedimento imum attinuerunt; mox, &c.
68. 1. *Lege* Stratorum efficiebat, intra Terram ipsam sita.
69. 2. *Lege* Alvei &c. Insulæ formabantur, & à Terrâ Continente distinguebantur, Depressione & Subsidentiâ Stratorum inter Ipsas & Terras Continentes sitorum. Integer, &c.

Pag. 69. Lin. 10. *Pro* quam apertis oculis cernimus,  
*lege* uti ex Dictis clarissimè li-  
 quet.

17. *Lege* Habitaculum, eversum, dis-  
 sipatum, & in Materiæ solutæ  
 molem redactum; Convulsio-  
 nes, &c.

71. 20. *Lege* Terræ, quam humanæ In-  
 nocentiæ Statui accommoda-  
 tam fuisse certissimum est, &  
 novam, &c.

72. 20. *Pro* Beneficio, *lege* Consilio.

77. ult. *Lege* vertere, & Telluris Globum  
 dissolvere. Potuisset, &c.

81. 3. *Lege* Intellectui & Scientiæ, non  
 minus quam Vitiis nocivum,  
 &c.

14. *Lege* Incolæ supra quam credi po-  
 test rudes & ignari erant; hæc  
 Caligo diu illorum Animis in-  
 cubuit; non nisi post longum  
 Temporis Intervallum proru-  
 pte aliquæ Eruditionis, fere  
 dixeram Humanitatis Scintil-  
 læ; neque tum statim, &c.

23. *Lege* adhuc enim Caligo illa Gen-  
 tes totas occupat; Maxima cer-  
 tè Incolarum Terræ Pars etiam  
 nunc spissis, &c.

83. 17. *Pro* in Frusta comminuta, *lege*  
 dissoluta.

20. *Lege* Renovatione, Terra enim  
 postdiluviana statim à factâ Sub-  
 sidentiâ eodem plane Statu &  
 Conditione



Conditione erat, quo primitiva post Creationem ex Nihilo fuerat; quod clarius, &c.

89. 24. *Lege* reo (an ex paterno Affectu erga Illum, qui quam Canaan, ipsi sanguine propior erat, vel aliâ, &c.

93. 6. *Lege* Cur non dissoluta fuerint Testacea, &c.

11. *Lege* Physicam, ex ipsâ Soliditatis horum Corporum Mineralium Causâ desumptam; quam ostendam planè aliam esse ab illâ cui Vegetabilia & Animalia Partium suarum CohæSIONem debent; ostendam quoque illam CohæSIONis Particularum Mineralium Causam Aquis Diluvii eductis cessasse, sed non itidem alteram illam, quâ Animalium & Vegetabilium Partes cohærent; & Rationem denique reddam, cur ita utrisque accidit. —

101. 8. *Pro* novus Catalogus, *lege* nova Series.

102. 13. *Pro* Centralium, *lege* Abyssi.

21. *Lege* ascendunt hæc à Receptaculo illo suo; implent, &c.

103. [ 10. *Lege* Pluvia. Quod si totam Aquarum ita Ascendentium & Descendentium Quantitatem spectemus, ea ferè constans, certaquæ est, in diversis tamen

Globi partibus diversa est ;  
 Quia nimirum Vapores in At-  
 mosphæra fluitantes, & in nubes  
 condensati, de loco in locum fe-  
 runtur ; & non perpendicu-  
 lari Descensu, in ipsos eosdem  
 Terræ, Maris, vel utrorumque  
 Tractus redduntur, sed alios  
 quosvis, uti fortè contigerit.  
 Ita ut aliquæ Regionēs majo-  
 rem Pluviæ copiam accipiant,  
 quam concesserunt Vaporum ;  
 & , è contra, &c.

123.

4. *Lege* quæ non habet tale Ignis  
 Spiraculum, quod, durantibus  
 ipsis Concussionibus, eructet  
 Flammas; quibus discutitur, &c.

131.

5. *Post* Aquam, *adde* Oceani.

135.

13. *Lege* Copiam, quam Diluvio Ge-  
 nerali inducendo non sufficien-  
 tem invenerant, diminuendam  
 esse, & Partiale duntaxat Dilu-  
 vium stratuendum, quod re-  
 strictum, &c.

143.

19. *Lege* Traditio, erat deducta per a-  
 liquot Posterorum Sæcula, unà  
 cum, &c.

*ult. Pro* quidem, *lege* Solùm.

144.

1. *Pro* Terræ, *lege* Telluris.

148.

18. *Pro* Vitriolo, *lege* Antimonio. *Et*  
*pro* quinque, *lege* hæc.

149.

1. *Post* illis ; *adde* Plumbum Fluori,  
 vel Antimonio.



- P. 151. Lin. 4. *Pro Metallica Venæ, lege Metalla.*  
 27. *Pro Quarzum, Specularis Lapis, lege Fluor.*
152. 2. *Lege Stiria fluoreæ, seu Stalactita.*  
 22. *Pro Selenites angulatus, lege Fluores crySTALLIZATI.*
153. 27. *Lege Partes; postquam vero Com-  
 motio illa deferbuiſſet, & Aquæ  
 ſedata tranquillæque fierent, a-  
 liqua ex illis Corpusculis mu-  
 tuo occurſu unita erant, & in  
 tales Maſſulas, &c.*
154. 22. *Pro Sulphur, lege Nitrum.*  
 25. *Dele Alumen.*
156. 6. *Pro Lapides Speculares, lege Flu-  
 orem.*  
 15. *Pro Selenitica, lege Fluorem, Sili-  
 cem, &c.*
159. 13. *Lege Oculo, Microſcopiis adjuto  
 ſubjecta, &c.*
160. 9. *Lege pervadit, Corpuscula quæ in  
 Viâ offendat Metallica ac  
 Mineralia ſecum provehit &c.*  
 13. *Dele iſtis.*
162. 13. *Pro ſpeculares, lege fluoreas: uti  
 iterum lin. 22.*  
 17. *Pro ſelenitica, lege fluorea.*
164. 14. *Pro Viliori, lege craſſiori.*
165. 12. *Lege Vel ubi Metallica, aut Mi-  
 neralia Corpuscula, primitus in  
 Stratis depoſita, nondum pror-  
 ſus exhausta ſunt, & in Fiſſu-  
 ras illas tranſvecta. Quod ta-  
 men, &c.*

P. 166. Lin. 23. *Pro Specularis Lapis, lege Fluor.*

168. 21. *Lege* — ignea alia, qualia visuntur circa Neapolim, Puteolos, & in aliis Mundi-Regionibus; five per Thermas, vel Fontes calidos; five per igneas Eructationes, quales Terræ Motuum Temporibus non raro erumpunt; Quod, inquam, &c.

170. 17. *Pro speculares, lege fluoreas.*

183. 15. *Lege* — probabo nihil fere aliud esse quam Aquam fortiter impregnatam Materiâ Minerali, quam è Stratis Terræ in Transitu suo secum defert. (b.)

185. 27. *Pro* — ex Collibus petrosis, *lege* — ex Clivis.

186. 27. *Pro* — Littoribus, *lege* — Oris.

189. 3. *Lege* — Status, & quam incertæ eorum Figuræ, atque Colores.

192. 5. *Lege* — constans ex diversorum Generum Corpusculis seu Elementis.

194. 4. *Lege* — relaxari, Sedibus illis suis excidere.

20. *Lege* — Corpora, Sedibus suis Lapideis soluta, &c.

197. 1. *Lege* Sunt quidem nonnulli Casus alij, qui Terræ Globo accidere solent, quales sunt Terræ Motus, & Montes ignivomi; sed de quibus, ex singulari Benignitate Dei, & sælici Insulæ nostræ Constitutione, mihi parum



rum admodum observasse contigit. De his tamen, eorumque Causis, aliquid est quod, ex aliorum Observationibus, in medium proferam; Quanquam Casus illi non adeo graves sint, non Strage tantas edant, neque tales in Globo Terræ Permutationes efficiant, quales nonnulli existimare solent. Evomuerunt, &c.

208. 14. *Lege* — Cum vero Die sexto Deus Finem Operibus suis imposuit, & Hominem creavit, dedit ei Dominium, &c.

212. 15. *Lege* — comminui. Testæ tales attritæ confractæque, simul cum aliis integris, Saxo commissæ non raro inveniuntur.

216. 16. *Lege* — debetur, vel nulla prorsus Metalla erant, vel saltem nulla ad quæ Ipsi pervenire potuissent videat Theorista &c.

FINIS.

the following table is a summary of the results of the experiments conducted by the author, and is intended to show the effect of the different factors on the rate of the reaction. The table is arranged in the following order: first, the rate of the reaction is given for each of the different factors; second, the rate of the reaction is given for each of the different factors, and the effect of the different factors on the rate of the reaction is given; third, the rate of the reaction is given for each of the different factors, and the effect of the different factors on the rate of the reaction is given; fourth, the rate of the reaction is given for each of the different factors, and the effect of the different factors on the rate of the reaction is given.

The following table is a summary of the results of the experiments conducted by the author, and is intended to show the effect of the different factors on the rate of the reaction. The table is arranged in the following order: first, the rate of the reaction is given for each of the different factors; second, the rate of the reaction is given for each of the different factors, and the effect of the different factors on the rate of the reaction is given; third, the rate of the reaction is given for each of the different factors, and the effect of the different factors on the rate of the reaction is given; fourth, the rate of the reaction is given for each of the different factors, and the effect of the different factors on the rate of the reaction is given.

TABLE I





